

场

4

绿花

上

卷

藕初文錄上卷

目錄

藕 初 文 錄 上卷 目錄	對於浦東實業之主張	振興棉業芻議	在留美同學會歡送清華學生出洋演說辭	在引翔郷太平寺內宣講辭	在體育場之演說辭	日本紡織托賴斯之大計畫	改良國際稅法之平議	論國民不當純抱悲觀	遊美國塔虎脫農場記
	三八		第					4	

歡迎美使演說辭	實業上之職業教育觀	派遣女學生出洋遊學意見	今日青年之任務	箴青年	箴國民	對於華商創辦交易所在棉業聯合會演講辭對於華商創辦交易所在棉業聯合會演講辭	永久抵制劣貨之方法	改良進口稅則之詰問及期望	上海總商會研究裁釐辦法及其理由之報告書	交通與商業之關係	報告美棉遷地之效驗	今後東方紡織業競爭之大勢	
九七	九二	八七	八〇	七五	・・・・・・七三	六八		五入	······五五 五	四九	四六	四三	

藕 初 文 錄 上卷 目錄	組織華商紗布交易所之釋疑	與日本某俟爵改良華棉之一席談	花貴紗賤之原因	勸工銀行與各小工業之關係	迎神賽會之心理平議	米貴之原因及其補救之方法	實業界對於學生之希望	實業與教育之關係	中國實業失敗之原因及補救方法	上海總商會近事之談片	對於浦東電車公司之平議	對於中國實業破產之感言	予之木機布業觀
121		——————————————————————————————————————						五	一〇九	一〇五	[0]1	100	

振

熱初文

錄

上卷

目錄

£.

藕初文錄上卷

遊美國塔虎脫農場記

之借 聞 詳 槐君卽前塔克衰司農工學校教授牧牛部長湯林孫君及各部長司事暨機匠傭工。 學之學識策農事之進行以故聲名藉甚而獲利亦厚余於去夏畢業後。 美 其名。 時 加 鏡 詢 洲南部塔克衰司市府之極南離墨西哥海灣約二十里之遙有塔虎脫農場焉。 平 馬當 心竊羨之。遂登車而往凡寢食於是場者越三星期自總理葛 問考其究竟自問 沙 無 垠人跡罕見遂向美政府領得田三百四十八萬畝運牛數千頭而牧養於其。 一千 ·入百 七十年 有所得不敢自惑歸而記之以饗吾國 間有企業家三人自 中美 而至 南部抵墨 人。且以資吾國 林 (君植棉部) 西 往南部研 哥 海 灣 大實業家 究花果。 長 間 愛爾 以 而

藕

初

文

錄

上卷

君。 間。 名 資 也。 無 日 購 雄 科學之農業 哥 於資。 哥 爾 門 爾 亦擬謀 門 福 福 爾 知識。 登 爾 **紫實業於南部%** 牧場性 登牧場。 及整 理 交 而 通 仍 法忽忽二十年 不 從 **遂共其壻塔虎脫** 便。 且 事 於牧牛。 諸 企業 是時 間。 《家志雖有》 未能 雖交通已 君卽前美總統之介弟。 大展厥· 餘。 便。 志是時有秦登 而 m 才 三君 力 財 力均不 皆遠 及 君者。 律 在 足 師 東 銀行 以 葛 方 林

營木業且 君 而 人 占 物 故 七 後。 + 其遺產 採用隨墾 四 君。 分葛林君占二十 以 均傳授於其獨 隨 一隨賣 墾隨 賣 主義。 分餘六分皆屬之零星 `養女任受當一千九百年之間約計股分塔虎脫 不 户 以 言振 興實 於農業物質之改 業 也。 附 股而 一遂定植棉及工 牧場 (良)尚未! 之區域。 一商業 暇 僅 發展 存 + 之政策。 萬 及 英畝 其夫

主義。

雖

獲

利頗

豐。

呵

顧

及

焉。

自

秦登

牧牛部。 於是塔克 君 在 東方任經濟葛君棄律師 部。 牛。 業親駐牧場總理其 牛其牛 <u>--</u>• (事聘牧牛專家湯林) 牛。 種。 孫 君。 掌

內

分二

小

爲

傳

種

爲

肉

種

有

一爲短

角

爲

歐

福

兼

用

長。 密勒 华。 逐 漸 君 改 乳 良 酪部 其 內 質。 長治田學家愛爾槐君 牧猪 部 亦 暫 由 湯林 孫君 爲 植棉部 兼 理。 嗣逐 長棉花出數較旺籽花轉 漸 擴 充。 遂 **聘勃** 朗 君 運。 爲 甚不 牧 猪

夥而

附

近

於是自設

墨 其 作 西 用。 也。 哥 設 海 自 灣之地方名曰考伯克力司 來 廠。 水 厰 以 濟 其 灌 ・噸轉運 溉。 市 口 繁盛的 `梯作爲避暑地位往來者亦衆於是設電燈! 也。 食昂 貴於是設宰牲 廠。 廠。 場。 又以儲 藏 肉 也。 料。 廠 以 不 宏 可

牛 事 極 油 忙之際。 及花核 其農場 油製成 面 一種 積 多雜 十萬 英 物 畝。 如 內 日用之白他 分 植 棉一 萬 油。 装貯錫 四百 畝。 植 罐銷售全國當余調 王 蜀 黍、 及御粟等約三千六 查 時。正

無

冰

設

製

冰

又花

核

數千

費

鉅

設

榨

油

鍊

油

運

油

叉

嫌

費

昂

於是

以

百 第 英里分四車 見 畝。 雪 牛 白之棉花及蠕 萬 站日秦登日塔虎脫日葛來各 五. 千 頭。 羊五 蠕 之牲畜 千 頭。 馬 驢 ൬ 已。此 豬 各 皆十 千 一來曰拋 頭。 年 乳 以 牛 三百 來。 脫倫當八九 、塔葛二 頭。 雇 君。 I. 及諸 月間自奏登至抛脫倫站。 五. 千 人。 其 部 長 所 場綿長二十六 苦 心 經營之

成 動 績 產 也。 每畝平均六 自 葛 君 總 十元。 理 以 則田 來。 並未 價得 提 六百萬元。 息。 歷 年 所 廠 得 屋棧房汽 盈 餘均充 機市房電線自來 擴 張 、営業 資 本。 約 水 管、 略計 及牲畜 算

織、 約 染 得 四 布 等 萬 厰。 元總 大 約 共約 明 歲 起。 得 叫 千 從 萬 事 左 展 右。 拓。 近 更逐 惟 此 場 漸 推 地 廣植 點。 位 棉場擬 於 極 南。 展 美 邦 至五 人 士 萬 以 畝 前 而 止 鮮 並 有 籌 知 之 畫 紡

四 年 前。 美總統 、塔虎脱 氏 蒞 品 後名始大著近年又頻受實業界鉅子之研。 求。

藮 初 文 錄 上卷

揚 其 者尙多今舍彼而述此者何哉余詳加究察得其致富之道九焉爰縷述如下以供吾 發達之神速。且有採取其整理法而作實業學校教科資料者然美國農場牧場大此

國人之參考。

計謀深遠也當葛君任事之始以擴充植棉場爲起點其後各場廠因時制宜次第建設。

往往 場廠之設置必計畫於數年之前而. 每期復會議數次研求發展事業之方法整頓

各部之程序謀定後舉故其建設也無虛耗而獲利也愈豐厚。 **餘尸位之譏**有措置咸宜之象故成效速。 二用 人得當也各場廠主任部長皆係畢業專門人才出其所學各司其事爲事擇人無覆

之戒之而不悛者退之賞罰嚴明無敢或懈卽作全夜工者按時更替亦莫敢或遲其工作。 三勤職守也。每晨入時至下午五時。各場廠長往來巡視遇辦事之勤奮者獎之。愈忽者戒

也進退有定時工人咸以嬉戲曠職爲大戒。

誠布公各抒所見平時交相推許交相**勉勵無傾軋虛詐之習**。 和 衷 共 濟 也各司其事則事權· 專而 不 相侵越同事 和愛如兄弟即各部長密商時亦推

五 帳。 簿記 百 畝 清晰 爲 段。 也各部收支均以部長簽字爲憑各部簿記分門別類不容紊雜卽植棉部或。 或一千二百畝 絀。 爲 知。 ---段之帳 **松籍亦由各**5 一組亦一 可段長主管。 一律條分縷晰故至年 也。

結

不惟

全部之盈

望

而

即分部

分段之盈

目了

然

弊。 **復** 臟 植 手 六 軋 棉 連帶貿易也各部辦事之聯絡問無待言而各部所出之貨設互相消納之法不 腑等。 厰 於 人、耗 以花 部花子餅售於牧牛部宰牲場。收買本場之豬牛羊除牛羊皮及蹄他售外其血骨及 無 外溢 均製成肥料售之植棉部。 衣 回 售於 之利 扣及轉運之資且無廢棄 (紗廠花) 廢棄之物竹頭木屑悉皆有用。 核售於油 他部大都類此其交易均依市價計 廠油 之物是爲該場 駁 除 運銷 此吾國 出 口。 一大特色譬如 人所 哎 製造 最宜 多雜 注 算既無低 《物外以花》 植 意 棉部。 者 也。 售花 昂 子 爭論 一般售於 於軋 僅不 之 廠。

蒙。 裨 助 有 H 教 用 長周備也該場助長事業除電燈及自 堂以 不依 者。 無 人以生活。 維繫道 不 畢 備。 皆由農 德。 居家 有銀行以周轉金 傭工咸有樂不思蜀之概。 場 派 人主 持故二十六英里之農場儼若 融。 有郵 來水 電局以 外有醫院以治療疾病有學堂以 便利 交通餘. 如容 小國焉農產 棧雜貨店等。 啓迪 物歲 有 愚

文 上常

最 八 精 學 識 良。 充足 以 科 也各部立 學 的 知 識。 廠均由 機警的 專門人才主任故其布置均臻完善各種 腦 力敏捷 的手 段整 理 全場 事 務宜其勃焉 機器。 亦 而 均係 興 也。 最 新 m

不 其 九 有今日人第知其獲利而不 創 堅 爲 忍不 辨 所 之始挫折頗 屈。 撓也以上八者雖爲該場致富之根本法然苟乏堅忍不撓之氣亦安克臻 凡 遇挫折。 必研 鉅乃葛君等以爲辦大事 究其 知其絞腦 致 挫之由去其 汁耗心血慘淡經營孜孜不倦者蓋已十餘稔 者。 不 善以 挫折 事 至 所恆 於善. 有是以 始克 轉 專 危 心致 爲 安轉敗爲 志。 一意 勝以 此。 進 行。 溯

余述 固 無 竟。 可 於是知 勉 强 外餘皆吾國 皮相的振 興實業不足與有爲 人所 素 知。 且曾昌言者也而 也塔虎脫農場獲利 吾國 之實業數年以 之原因除農 來 仍 學的 無 進 步 知 者 識。

何 無 慨 耶。 蓋 然。 置言之而: 余自 離 祖 國條已六年。自國 未嘗施之於實行。 或行之不力之故 體經此大改革 後。 。 社會經濟。 也以人例我空言 必起 絕大之恐 無 補。 瞻念吾國能 慌。 此 余 所

敢 斷言 者。 欲回復國 民之生活 力舍 1振興實 業其道 末由。 而外人成績昭著良足爲吾國之

導師者尤彰彰如是吾實業家其亦可以興矣。

六

論國民不當純抱悲觀

若 現 我 喧 圖。 爲 內 夜。 向 賓 象。 洗。 國 國 隨 中 巨 驕 仰債 紛 政 家 人 匪。 奪 上 I 便 累 悍無 主。 私 紛 體 者。 白 級 商 款 革 贈。 擾 社 飽 而 對 日。 百 以偷生聚分 《歸者變爲》 擾。 新 業。 砚 武 計。 會 地 驟 然得志 以 生氣 方 概况言之其 人當路貨車 爲 奔走衣食惟恐不 未少休宴 故常。 來。 Ł 逝 事。 索 **《斂多方認**說 水年華忽了 《然因工商》 恶稅 且不 者類 劇盜弱且點 之逆 之輸 暇 若斯。 翘然 我 蒸 顧。 又何 及。 秀出 施損 搜刮 已入 幾 連 百 民。 (數口之家) 業不 不靈蠹 固 者流爲拐騙。 不 、易裘葛 我经 爲能 論 者。 知 無 振。 平國 人 毎 日 事學校固語 間 人。 吏 毎 不 殃民。 坐食 家。 有羞 智 矣。 使 在 此外 禍機徧 控術 艺 儼 水 數平 同 而 釐十之陋 深 恥 馭蠹 化 更 不 事 植 回溯之覺 火 民謀 有 能 為。 外。 伏舉目四瞻幾無 材 熱 大多 生 國 其 種 重 中 規層 利 自 潔 生 種 也。 地。 肥。 身自 數人昧於立業要圖。 者。 此 不 内亂 無 困 恆占三之二。 出。 · 惜摧 結 路。 八 迫 好 由 情狀罄竹難 更加 閱 奥 未 後謀 是而 殘。 者 平。 年 路 以 外 流。 尺寸乾淨 中。 要 外 侮 强 礦 亦 國 津。 疊至帑藏 爲立 此 僅 商 有 家 之壟斷。 所 乞 僅 力 書。 所 以 憐 土。 者。 Mi 以 爲 國 負 激 致 更

竊

初

文

鍭

上

卷

乜

者。 獲 踵 趾相 之心 所役使痴疑 接。 小 則 ----市 然以未來之富家翁自期典質挪借。 場 或 ----部分之金融 爲彼牽 動。 天則 孤 注一 諸 市 場諸 擲於投機場中破產 部分之金 融。 受其影

業之變本加厲. 響。 前 車 屢 覆。 告誠 知倖獲心之中毒於社會大有不 屢頒。 後 來 者 毫 無覺悟對 此 絕 可收拾之勢焉嗟乎政治則廢弛甚。 地。 依 舊趨之若鶩 也。證 者觀彩 栗 樊 一分營 人心

則 陷 溺 港 亡國 之兆益以顯 著議者莫不憂之而僕 則 未 政引以 爲深 憂也。

主 覊 我 意。 國 勒鷙鳥之突出樊籠各處衝突不可 積 曾幾何時而民德民智民力之墮落一至於此雖然平心論之此亦 數 千載 專制 之淫威數 自 年 相沿之秕政。 阻 扼無非假借名義。誤用 朝 改 爲 共 和。 全國 精神奔赴其自私 人 生存競 民。 如 駑馬 **浴爭之常態**。 自利之 Z 脫 去

不 火。 足以 **一题若干** 爲 怪 年。 方始奠定鑒於往 也試 檢 點 世界變政諸 事。 知羣情之不 國 之舊 史每當 能翁 政體 然相 變易全國是 容。 而激起軒然之波瀾 鼎 沸。 新舊 兩 者誠 派。 互 爲 相 水

易避 而 然。 所發現之種種惡現象在過渡時代所不能免僕以爲無足怪者正 毎 向 事此殆進化之公例 愈 上。 久之終底 於至 一善之地 也蓋國民程度須經過 位至 善之地 位。 後何時 未 可 以 旧受四方情報 蹴幾 一在乎 也是以政治 此。 勢 包 圍 自 祉

僕 近自河南鄭州歸途遇京友談次唏嘘不置述某要人之言曰中國不亡是無天理僕聞

斯言不禁悵然者久之繼念某要人係政界中負時望者政治之良否某要人與有 功罪焉。

前愆。 某要人其 「何以至政象日非國幾不國而發此懊喪之言僕以爲無論何種困難不足以亡中國。 潔身自好之流耶宜蝎智盡忠以圖補救其推波助瀾之流耶宜 力自 懺 悔。 以

而此種謬見如不及早消除卽足以亡中國而有餘。

中國 擁絕 大膏腴之地物產豐饒爲全球各國所驚羨苟治理有道游食之民使盡歸農生

穀之地以 **次墾植即僅就地利言我國人果能利用之已足以致富强中國有此** 天賜之地

利中國必不亡。

中國 擁 最大多數之人力性甚馴良而善耐勞苦生活簡單而傭值低廉天資又不 翦。 稍

訓 卽 得特此 練。 即成 良 四萬數千萬人之腕力造成堅固悠久之地盤中國有此舉世弗及之人力中國 工卽使無他憑藉僅此四萬數千萬人之腕 力善於使用之可 以創 造 新 世界。

必不亡

然 則 中國 前 途 其終 無所憂 子日是又不然可憂者果安在卽國民對於國家不抱樂觀是

麃

乎達觀 之 憂 而 頭。荷 積 也。 深 自許 蓋 山 抱才 不 而 匿 樂 成。 迹。 者。 觀。 或則 者 消磨其志 人無樂觀卽 則處事 而 避禍 肥遯鳴高置理亂於不 氣 機 無 於醇 進 有 而 死 披髮佯狂天。 取 氣國 精 酒 婦 神。 民而多 人。 不 (憤世過: 進 生吾· 則 問夫豈國家之福 數不作樂觀卽爲亡徵此僕之所 退。不 甚 人 者。 於國家多難之秋救援責任卽在吾 取 犧 則舍於是乎生灰 牲 其 哉。 素 抱 而 投 心。以 江 自 灰 殺。 或 小小 以 故。 引 則 於是 爲 入 空 人

徹 就 高 觀 刑。 麗 之 其 精 主 被 騈 併僅 死 神。 張讀大易先天而天弗違後天而奉天時之明 黑獄 發揮 九載 之間。 光 耳高 大 天道茫茫。 於 九年之前。 麗 人民飽受剝 高 靖國 麗 民 膚 族。 難。 斥 有 噬臍敲骨吸髓 神 此 舍 好。 而拒 身 救 訓深惜高麗人士之不能以今日樂 絕 國 之痛 外力之侵犯 舉國 苦徒手奮鬥以 致之精 也。 神。一 時竟 謀 獨 未能 立。 含笑 貫

吾 樂觀 救。 越 倘 中 國 未 干 主 義。 年 爲 令 日國 各就所立地位悉力做去之爲 晚。 效法 荷 失此不 步 之顚 高 麗 圖安知高麗之厄 躓。 人 士之徒手 命之 垂 奮鬥以 危。 因 運。 愈 前 (水自存) 心民 不 此 移轉於 心不死,其國不亡哀莫大於心死不抱樂 任 何 少 我 數 如 中原 乘 有 今茲大足有爲 權 大陸之上 力 者之 操 心與 縱 之時。 而 其 致 人 創 此。 巨痛 人 及 抱 深。

改良國際稅法之平議

我 貨 情 年 之 革而民情之敦樸如故財力之富裕如故迨前淸道光二十二年卽西] 對 國商 蕳。 釁。 國 於 充斥莫之能禦內國 依然敦樸生計未形竭蹶自一千九百年迄今僅十八年耳歷年賠款大傷元 以農立 凡百 可 受挫於英遂締 民之舉釐金惡稅漫無限度膏血已盡羅掘將窮社會生計愈逼愈促盜賊蠭起民不 ,分之爲 氣。 事業。 皆國民富於自立性質有以致之然而國 國。 未曾實 兩時 垂 四千餘年民情敦樸酷愛和平物產豐饒寶藏未啓雖有 金陵條 代。在 (力獎勵) 工商。 西 約開廣 歷 東手待斃我國民 m 千 我 國 九百年拳 州 福 民之自爲謀 州廈門 匪 在此艱難困苦之時尙能 鬧 寧波上海 (者旋) 家 事 受國 之前。 **仆旋起毫不自** $\dot{\mathcal{H}}$ 際稅法之束 雖 口爲 受 中 商 法 中日 埠自此 歷 縛轉 力圖 棄。 一八 等役之 史以 今日 八四二年鴉片 而 自 迄今七十六 來累經 實業 立。 氣兼以 爲 挫 雖 重 折。 政 困 府 外 民 鼎

藕

杒

文

錄

上卷

+

聊 利。 不 引 稅 改。 欲 續 大昌 安寧。 生百 仍 證 約 則 之拘 則。 重 屬 稅 修。 時 五十六條內之第二十七款其文日一此次新定稅則並通商各款。 通 本 因 業 各 代應完 東數十年 商 則各國商 課 以 於國 係 十年為 友 蕭 仍 獨 條 索而 照前 邦 約 際 立 也我 全 國 間 來吾全國 外 則。 業。 一掃除國 固 章完納復俟 限期滿須於六個 待 國與 有之主 萬不能有充分之發展故國 人事業亦受影響是故國際 遇 之不 可 各 類 際 公允。 権令本 國 推。 間 人民所受敲骨吸髓之痛苦實自此類條約始今為 + 如 通 不平等之待 成 現 年 商條約之誤 月之前: 條 再行 豐 在 內用 我 入 年五 更 中 彼此二字。 遇。 先行 改。 國 一月十六日的 點實由 낈 以後 不 平等 擴 知 際稅法平等直接之利 稅 法不 均 麗。 大 於當 '照此限: 極極 之國 世 ·改良恐· 界 量 即 抛棄國 際 和 更 ___ 事 入五 平之主 此式 改若彼: 者 稅 法實足引 中國 不 定税 辦 八 明 言蓋前: 此 年 理。 稅 永 之權 日後 永行 六 法 在 未 無安寧之日。 起 原 曾 月 中 各 理 國。 此 利。 勿 彼 先 + 方 之不 替。 期 IF. 所 而 此 六 而 受協 義 肇 間 夫 面 兩 日 致。 今請 中國 和 制 明 國 接 無 L 中 謂 道 定 定 更 之 再 英

落發表保障世界和平之精義國無論大小。民無論貧富宜一體待遇之。停戰條約簽字後**。**

故

改

良

中

國

國際稅

法問

題。

爲

力謀

世

界利

平

之一

重

大

問題美國

大總

統。

光

明

道 敵 國 義 乏糧法首相宣言欲振 而 戰 也。 嗚呼此二偉 救敵國人民。 X 者。 誠 無愧 乎爲 毋使凍餓各協約國爲 和 平 之天 使矣。 我 或 人道正義而 忝居 |参戦| 戰。 國 之一。以我 反 對 人

等之稅 酷 智。 無 愛和 人。不 謀 公 在 共 45。 法。 幸福。 水 善耐勞苦之民族且擁 不 但我 深 發揮 火 中國 熱 之中。 和平之真 人 致 民力求剷 使 我 諦。 乃竟以 國 有極大之沃 民不 除度保障世界和平之各友邦亦必樂於剷 克多盡 不平等之國際稅 壞不竭之實藏正可追隨諸先進國竭 良 心上之責任其 法 束縛 、誰之過: 之面 壓迫之。) 敷故 除。 此 無 種 時 求全 誠 無 不 平 處 盡

等稅 學 # 界各 的 法。 制 與 或 稅 、各國仍 自由 法。 争 之發展。 免稅。 無 損 也。 剷 如 本 我 除之法奈 國 國 得 不能自製之機件等類(乙) 此 允許。 何。 即允許 即 應 我 明 國。 白宣言依據 制定與各國 普通 科 學 平等之稅法而 税人生 日用 的 制 稅 法 之物值百 制定 之。查 制定平 抽 科

除奢侈 五。 丙 稅 特 别 外。 至 稅如外貨之與國貨劇 多不 過百 分之二十一芍本 烈競爭 此 意。 者。 實行 抽百分之十二五。 战釐 加 稅 之約。 (丁)奢侈 廢去 1. 税。隨 华 重 修 時 酌定 先 行 知

照 限 制。 利 利 人。 事 無 有善於此 者予等甚願各友邦之鑒及於此而善意玉成之是則

日 本 紡織托賴斯之大計畫(譯一九一七年六月三號 大陸

日 本 紡織 家正在預備一偉大計畫預料歐戰結束後英美德紡織業上之競爭必非常。 劇

不 得不預為 布置從事於大組合以求經 濟 地位之鞏 固。

來 日 本 紗布業因歐洲 戦事而 非常發達故日本各紗廠獲利甚厚亞洲各大國向消 英

德貨 之市場。遂被日 本紗業所占據其得利情形在日 本紗業史上呈空前之盛況若 非歐

戰何由致此。

躑 事 平後棉紗貿易之情勢必變彼英德紡織家勢必力謀恢復遠東商場上已失之地

故 日 近 本 紗業 頃 日 商以爲欲保守現時 人 盡 力豫備不但於紗廠內然卽於織布漂白印花染色廠內亦百方結集。 地位。 非改良貨質不爲 功。且 必須厚集經濟勢力以 防不

一極大之組合

鐘淵紡織公司勢將實行此方法不但推廣紡紗廠且組織漂白及印花廠然猶以爲未足

也。 所 以 再行吸收他廠庶幾以最速時間最良方法達到此目的而與大阪地方之福島紗

廠融化組成一日本最大之紡織托賴斯。

鐘 淵 首 先 作 此 計 畫其他著名之廠家。 亦 步 被後塵據聞尼崎 廠 與立 馬廠亦將拼合假使

竟見之事實。 此新組合有五十四萬椗子亦可稱之爲全世界最大之紡織托賴斯之一。

愛媛浪速與松山聞亦將融合成 一大公司作爲鐘淵紡織托賴斯之支廢。

東亞 紗廠原爲 日本第二最大紗廠。 聞將拼合日之出 紗廠及長崎紗廠其餘較小 ·之紗廠。

聞 雖 將 尚有若干小廠未盡歸拼在內而鐘淵東亞雙鹿富士及尼崎與立馬所組織之一。共成 拼合於富 士或 雙鹿 廠自今以往。 日 本 多 數紡紗 廠將 ___ 變而 爲 五 大紡 織托 賴 斯。

五大紡織托賴斯。

雖 組 成 此 紡織托賴斯不 ·無困難· 之處然在歐戰平復之前。 勢將做 到。 因日 人深信此

本紗業生死存亡之關鍵故也

玥按 此 項紡織托賴斯之大計 畫名爲 歐戰平復後與英美德三 一國競爭於東亞市場

35 市 場 謂 誰。 質言之卽吾中國市場也」 實則厚其勢力以與吾中國紗布業相決

不有 一文 錄 上卷

得 注意 之。 爴 本 爾。 國 也。 不 未爲 將來操 急爲 起圖自衞方法。 紗 布 中 堅我 之 晚。 國 暢消 此 衣被吾蒼生之主權者其惟吾最近之東鄰 紗 項 布 脚 驚 業中人其有所悚惕否苟有所悚惕急急焉 跟 於 要不僅 本國 固 心 我 動 (屏藩計· 碗之消· 市 内國 場 1.0 追失此不 息凡 紗布業所當戒懼振奮。 更厚 有國 集 團 家觀 昌。 結 力防備 則 我 念。 及 内 國 國 外 貨之壓迫。 乎張皇四 民經 紗 而內國紗布業實首當其 布業行 濟觀念之愛國 從事於物質之改 有備 顧。 將 無 而 斯無 不 有 幾何 知涕 志士。 患。 之所 良。 立 及 音當 今圖 脚 以 衝。 從 地。 不

在體育場之演說辭

也。

乏經 今日 見辭不 爲 驗。 惟 上海公共體育場開幕之日。在座諸君以上海 對 一於體育。 合故僅是 則素 所 注意。 故 一撥
定 來此。 一若云演說。 躬與 其 盛。 教育界爲多 本 ·場主任 製鄙 吳畹 九先 人於教育事 生屬予 發表

意

獲

就拙見所及略陳如下。

則吾豈

敢。

誚 作 近 漠視之雖然之兩 更 贅 外 用。 年 人故近 甲 來 辭。 教 强 育 Z 時 說 健 界 中人以爲 爲 身 教育界於體育尤三致意焉。 體。 種 抽 作 象 $\widehat{\mathbb{Z}}$ 用。 的。 鍛鍊精神之處與教育界諸君 鍛錬精 德智 陶 宜 一分途並進果爾則 鎔 性質 體 三育宜 神。 甲 於 不 說 爲 分途並進三者缺一時乃 知 不 具 雖然體育豈僅發皇體 覺 體 體育之功 之游 的。 人人知其當 戲場 用 中故收 全。 吾 然。而 人所受體 力已 效 無 功。我 似 人人 〕哉夫體育力 不 育之效益亦甚 見 易 國 其效 見。 素以 而 驗。 有 無 兩 淡 容 種

現。 **勝** 心心於 進 過 取 製難。 他 心 可 日 旁人 藉 任 以 事 覺 蒼 肼 其甚難者當局竟不 間 成 也。 遇 卽 若 以 何 難 賽 迎論。 境。 則昔 與 知其 賽者 日 競 勇往直前。 爲難焉。 走場 中 所得 不 勇猛 稍退卻於此 進取之 潜 得 在精 漸 漸 神。 養 成 時湧 進 取

大請

將各種

體

育

如

何

子一

研究之可

平。

俱 其影響於此 團 進。 結 退 則 力 俱 可 藉以 退 若隱 奥 堅 軍 主結責任 示 隊 吉人團 同 性 心 結力之必要而 質。 叫 而 藉 以振 + 分 起 中 也。 各分子責任之不 Ż 球 隊 無論 以 +-何 人組織· 分子。 可 疏忽 怠不 之。而 盡責。 也。 此 + 則 人 全隊 中。 必 進 則

修養 夫 賴以 策 勵 也。 即以游泳言游泳 道 我人素不講 求 然游 泳不 但在 游戲

初

文

上卷

十八

能 之。於 博 此 人興采卽臨危急時間得保人生命使游泳者而氣分不足水卽由鼻灌 而 悟 我 人在社 會上辦事須求內力充實。 方能抵禦外力求內力之充實。 之。 而 則 危險隨 不

從修養上下工夫矣。

訓。 視謹 四 服 巖。 從 深入少年之腦筋 而 規則之美德賴以培育也凡學校中之運動隊員受運動教習之訓練起居飲 赳赳 之青 年不能不低首下心服從教師之命令無敢稍越範圍服從規 矣。 則 之教 食。監

闊。 此 雖然體育豈易事哉而體育中無論何項求其入殼非下數年苦工不爲功有志青年於下 池之深淺。 苦工 一時其一種毅 以 及他 項之運動器 力有足令人欽佩 械。 全 球 者故體育並非游戲性質蓋球 一致初無異同是則 體 育 道實 之大小重量場之廣 漸漸 範 圍吾 人

力等 於軌道而已故體育養成吾人進取 種 種 良 好性質苟青年學生受二五年之校內校外教育體 心團結力責任心以迄修養工夫服從規則處事 力 錐 改 良而 性質 則 改 毅

良其誰之過歟。

於軌道云云有廣狹二義日出而作日入而息無廢時無廢財。日夜孳孳以盡個人之

軌 天 玥深 教育界之入於軌道者有若干分而 之。 道 職。 毋 者有若 使踰 則個人之入 願 本場辨 越。 一苟其 干分苟 事 於軌道。一人如是一國皆然則國之入 人運動員及扶持本場之諸君子互相砥礪而入於軌道。 未 吾中 也則教導後起。 國各界 中人盡入於軌道也則 使入軌道者其誰之責 我實業界之入於軌道者有若干分以及 於軌道也諸 我 輩 惟 有 不 蕭 nJ 君其試細思之現今 規 曹隨。 不研究者 則本場前途。 他界之入於 循 軌 也故 道 而 湘

在引翔鄉太平寺內之宣講辭

有涯

非 予 貨 此 今日 常 時 甎瓦 固 冷 落橋 請 不 業。 成 將 (小菜市)。 下止 爲 改 社 良 會 有 社 也追德 會習尚。 及 一來爆茶館來爆云者顧客無多須客至然後催爐應客其冷 其他 大紗廠 爲 聽者 切小貿易與小 諸君 開業 暢論 後。 如 車 之。請 糧食業薪炭 夫人力車 先 述 祉 ·夫運貨脚夫等先後 業。 會 南北貨 之起 源響 業。 魚肉 如 高 八業糟坊業³ 廊 **欧來集於此** 橋。 落 年 可

初文 錄 上卷

十九

業。 **覺** 學業。 進 開 金 能 相 榛。 等。 國。 人 介乎 所分 化 明 或 勸 石 利 與 Z 人則 甚 止 實望大衆起自敬之心放下屠刀立地成佛人人以菩薩自勉卽降一步言人人當勉 仗 而 阳 各 相 業。 閱牆矛 事。 須 其 階級之謬誤 方 有 賴。 義 地 殊不 竹 面 在 味。 方 其 中 面 救 較之接 平 木 社 羣。 Ŀ 者。 相 人 各挾 會成 戟。 然以其胸襟擴大不存階級觀念對於各界皆善於交接悉皆融洽。 爲 油 生 受 所 融 作 中 洽。 漆 一前 福 多矣。 等。 私 I 近 種 之 而 矣社會內容又 人 力 見各不見 業。 他 種 事。 致自舊見解觀去以富貴者爲上等力食之人與一 人 此 行 惠羣 有益 實謬解以予之眼 能 業。 又 有 如 感情不 勉 劃 此 益 分崖 寺中 息事 於地 相 爲 於 能。 世 有 之美 岸 之 益 间。 有 方。 所供之神 不 者等是工 於是 或 善處 事。 於社 種 有益 死後 德俯拾皆是不 種區 會之人。 光觀 羣。 平 像其生平 方 卽 分。如 於 有 克受 之。不 業 其 國 士 《紗廠工 農工 今日 人之不 家 中。 必 人 者。 而 費囊底 醫 大都 有何 分各種 商。 卽 4 ·善於自 一人與 香 各分 曾 可 跪 作 爲 錢 精 分文。 階級其 、紗廠工 其類 拜。 有 財。 神 上 處。 益 之不 予 等 有 爲 人世 止 何 人。 者。 一人遇相 此 須 例 勢 振。 甚望 勢殆 亦 言。 之事 力。 切勞働家爲 類 有 如 舉手 並 拔 有何 皆 地 出 纖 非 方 蚁 除 微 中 於 談 赤 最 紡 導 礙 高 毒 Ŀ. T 啓 道 阻 然。但 人 深 心 於 人 Z 迷 齒 礙 愛 前 人 曳 荆 下

窮 害於地 爲 界。 試 之眼 有益 在 而 齒。 大 判 得 自 苦己 良善之人人能 衆 增 然 别 大衆之尊 不 善念之發動 光視 多 地 問 注 齒 進 人 予所· 方有益國家之事。 意 其 方。 無 類 於 步。 人作為 人何 或有害 愧 自 大 在 賢 是 此 平 視即至 衆爲 主張之上 否 爲 不 特 而 成束身自己 點。 之有益 上等 間。 幸 人 於國家故卽 異 後。 次則 樂詩 生最 之 大 旣 丽 衆互 等人予所云下等人 之人予甚敬 至 眼 人人持此特 **流苦之事。** 勤 愛且 則寂寂無聞此爲 社會與否而定其人之賢不肖欲防止不 此。 光 大衆仔細 一相警惕 日 懇 爲 聲 得決言 能推誠處 先決 爲 色貨 事。 安守 之重 異之眼 問 審量看破此關。 與 瓦 題中國 其為 利。 人 相 本分不肯。 之認 豕 羣。 驕 勉 聚處)勵 惴 惴 情 光以定人賢 奢淫 者。 無論何等不 中等人吾願吾地 下 等人世 之爲 無論 社 之樂尚 會程 佚。 友然則· 勉爲好 其富 爲 焉 有 作惡犯 以陷 界上 度何 惟恐 名譽事立誓不 有千 非 否。 人增高。 以 真 社 Ž 若 人 ___ 言一 罪之事。 -萬貴 會程 耳。予 甚低。 樂能 方吾國家甯減少 欲 多 此等 爲 度自然增高 **肖之流毒於社會止** 社會程 行 甚 上等 至 與 因百分之九十 之失當。 望大 各 極品其所作所 人。 惟 爲。卽 方面 世 人。亦 止 度當以 衆操 界將成爲 顧 其處 遭大 至易 人相 高。 身 練 此 社 \培養此 衆 會羣 中等 境 接 此 耳。 之不 特 爲。 家。 熠 止 何 近 於 須 異 世 有

自策。 其 詐欺之事不復作凡此種種皆發靱於努力向上之一念此予改良社會習尙之主張至平 易亦至緊要人人可以力行者也。 大羣務推誠務相愛地方百業蒸蒸日上地方秩序井井有條毆鬥獄訟之事不復 有 如此則地方不堪各地方如此則全國不堪予深望大衆對於自己務刻勵務自敬對於 權 力之拔擢否乎不能也然則媚術之無濟可早看破矣然則何不舍此趨附工夫。 勢及有錢財人不恤自家身分甘心媚之爲問貢媚之人果能得彼分毫之餘潤。 人若自賤 而 爲媚 人之人留此 魂狀供其 他 無志者之觀摩最足阻礙 社 會之進 生盜竊 步多 轉以 或得

在留美同學會歡送清華學生出洋演說辭

例 此 曾受此同樣之恭維及邦人士無限之期望回國以 敷衍。 次諸君子壯游新大陸各團體之歡送者不在 而有所貢獻倫亦篤志之士所樂聞者歟同人等回想若干年前聯袂西渡 少數歡送通例類多諛辭同人等 來究屬於教育實業有幾何發展於社 泛日亦 決敢循

會 轉 國 瞬 間。 亦 有幾何裨益捫 將 如吾等爲 過去之留學 心自問慚赧實多今日之諸君子宛焉同人等昔日之 生究竟於教育實 業。 如 何 而 使之進 展。 於社 西 會國 渡 時 也。 家。 如

等爲 子 者。 一 庶足以 子 若 何 操 代 中 不堪之社 於 有 抱杞 是而 而 政 向 特掬誠 少 此 **令得實益同到實** 治 也。諸 愛國 際 憂者。 欲貫澈今日 注 生 遇益宜 意 會相接近我。 涯 又一也前: 人之期望。 一十年 忠告幸採納焉清 者。 君子由小學而中學漸入大 者。 未免多 不 來自 勇猛 知 凡 邦 一際的考驗地 名爲 幾。 國 精 少 並 此 人士對於諸 進知行 得以 今日 回國 隔 人情 新 膜。 學家及 留學 慰美 華學 他 政 風 俗之若何。 局 日 並 學成歸 人人還 生 勵養成為 位諸君子真正 如 君子非常之期望恐非 生畢業後悉數遺送出洋為 一輩貶節之留學生首尸其咎乎前 斯。 一中曾習農工商礦等各種專門學術。 有心 學而得學位十餘年中如入世外桃源未與苦痛 我賠款爲我植材之盛意此 幹濟長 來。 物產交通之若何環周實況 人 所痛 位 則 |榮耀之構成其在此 才亦比較各校產 哭流 既得 涕長 易事。 矣。 或 此同 太息 他校學 者 不 者 人 屑 同 出 等不 之若 也。 之人 人等 生所 屈 後 誰 可無疑 因 就。 禁爲諸 才爲 豔羨 實 切望 以 百 何。 恐諸 爲 資 無 於諸 之 者。 聊 歷 多。 也。 君子 練。芍 而 君 如 諸 同 致 此 君

十四

之橋。 鑑。 凡 常 心 團 其 人 人 小 人 考祭 等 耳 體。 能 震 此 無 就。 之所 喜 同 往 駭 某市最高之屋。 切 社 不 早 力。 步百尺之臺累自寸土功成處無非力所到處用力得當從無虛擲學不 望 人等 美人士創 會 服 盡 愁 不 而 豔羨 諸 務 從 聞。 看 日 其 無 膧 社 切 所 良 小 目 君 破 之所 望諸 會語 長。 矣。 規 者 子 落。 奶 機會。 勿虚 願諸 政 模 不 服 造社會之精 治 國 某家為最大之公 務 接。 君子及早愼於抉擇者又一也美 Mi 知 此行 人多 起。 在 社 而 此 日 君 會。 惟 佢 恶 亦 奇特之一境界非 子 皆足 無 者。 求 愁歲月之空拋不 屛 劣。 不 神爲 叉一 皆 因 棄 快 不 引 私圖。 目 虚 種 榮進求 我國 覩 從 起 也。 毒 īij, 美 勤 傾 人 於 惟 某氏為 國 情 人因 注 此 因 大 一蹴 實 循。 之精 於環 也。 (規模 循徇 憂無 國 苦 學。 故 所能 最富之財主諸 家 刻 th 楠 境乍換之頃 ___ 進行 事 雄 苦 私。 派 切 而 **浅夷考一** 厚資 於奇 業。 遣 自 機 對症發藥取彼之長補我 人士習尚 會皆 諸 而 勵。 不 已。 年 阻 金而 特 務期 君 其 之境 、至易關 赴美 坐失。 最 如此 惟 來 歸 切 敏 界為 初之進 憂信用· 歐 偉 求 惟徇 捷吉國 國 以 美 大之事 懷。 類。 學。 學位。 普通 抵美以 後。 尤 去 私 之不 程。 故 不 甚。 故三 人習 致 千 代 業超過 憚 人 如 國 用。 所對 里 九。 之短。 煩 人 價 某 後。 倘 而 之行。 勞。 越 以 人 如 登 地 因 正 之境 之異 人 不 何。 最 宜 新 此 上 循。 始 出 嫌 邦 長 陸。 同 留 美

事乃 成。 隨處研究社會及國家種種之組織以及一切 H 終業 此 同 最 歸來庶能盡國民 大之文庫無文字言語處所含精義爲尤富誠能善於尋求而 人等爲諸 君子 **懇切勸勉者又一也抑** 一分子之義務夫然後任投何地措施於萬目睽睽之下可 事業之屹立及發展世界乃最大之學校。 尙 有不能已於言者諸 理 君 子 課 餘 夏 又善於運用 更宜 之則他 告 隨 無 時

振與棉業芻議

罪乎。

圖 歐 雄。 上 和 水 取積極主義開 國力之拓 告竣鐵 深 將以 火 、熱之後 知 展。 血 慮 一之戰爭甫閉幕經濟之奮鬥已開場各先進 所及 患正 發固有之富源。 我龐然四千年古國處此經濟競爭時代間。 者爲我同業諸 不 堪設想也是在乎全國 以圖供求之相 君子及各界關懷棉業之諸 工商業家之一 劑。 則我不自 國莫不 l謀而後. 荷不 君子陳之。 致乘 力求 厲精 時 人始代謀東方 奮圖 淬神厚 善處之道發憤 焉。 玥託 植 元 跡 大 氣。 陸 爲 以

蠤

棉業在人民日用百物間所占之地位

數計 高 我 以 觀 也。 用 開。 後。 以 必需品 度迨不 往。 民 待 日 日 國 振 即 之己達 用孔 本工 本 自 與棉 國 所 不 七年。 乘 海 圖 以 中幾乎 ·亞於食糧。 商 通 **戰勝餘威竭** 救 業。 補 亟而自給能· 業家。 以 貧。 不但於平民生計上有 僅 救。 來門戶 百七十四兆 曲日 亦所以 全部 得 舉目皆是但其中以棉砂布占數爲最互卽僅以民國 此 本 仰給 而 洞 千 力振 救 ___ 我 力相差殊遠以故我國人民需用外來棉貨占入口全額三分之一。 之數站 國輸 載一時之機會 闢。 國。 國 興其 四億 百貨雲集輸入額逐 非 人 虚 入之棉 民。 語 尤以需用棉貨為 商 不 一萬三千餘元衣食爲 密切關 備 I 也。 凡我 論。 業推廣銷路 紗 布 乘 卽 勢推 係。 愛國志士安可不急起而 項溢 此 而 進 廣日貨 於 出 年激增輸出額逐年銳減自中 口 棉 巨 最 於 全國經濟上亦生莫大影響故振興棉 貨 額 我 多數其需用毛絨等貨則 之金錢能 之充斥於我市場者多不 國。 人生生活之大原衣着 一項已足竭 以我 各市場爲 勿愕然驚懼 力圖之乎 我膏 七 年日 血。 其 絕 尾 我 哉。 爲 紗 閣 物需要之 日 荷 數 可 命 布 歐 Ħ 長 尚 計。 脈。 輸 戰 俄 微 此 入 日 旣 戰

中外人口及需棉約數之比例

九一四年全世界人口總額達二千一百七十七兆四十一萬三千六百人其中我國

人口 占四百三十九兆二十一萬四千人。

均扯數) 至一 產 全世界棉花產額二千五百七十六萬七千五百包每包計重五百磅(此係一九一〇年 額達四百 九一四年五年平均扯敷)此產額總數中我國產出棉花數亦計算在內我國棉花 此後我國棉花產額當逐年激增惟現時尙無新報告披露故僅就上述產額作 十八萬一千三百包。(根據農商部報告。一九〇九年至一九一一年三年平

以是年 吾人研究之資料。 我國人口照上述扯數五磅九二計算年需棉花量二千六百兆零零十四萬六千八百八 分之一即此可見我國產棉區域之急宜力求擴展 十磅合十三兆零零零七百三十四包以上述出數四百 全世界人口及棉花產額比量之每人每年需用棉花統扯五磅九二更進一步以 也。 十八萬一千三百包計之僅得三

中外人口及紡紗椗數之比例

七年全世界紡紗椗敷共有一百五十一兆二十萬枚而我國椗數連英日商紗廠

要之務扼要 質力求定 爲 椗 業。 舉 民 仍 戮 间 大宗 力一 俾蚩 國 舊 數 救 百 連 時 人 任 非但 心發揮 量 民 分 内。 入 之天 原料之充裕及適 之一而 最痛 一要言之言· 言之言· 我 羣 一九一九 外 衆。 國 職 心之一 來 市場以網 光 不 庶 之棉 我 大 必 無 一仰賴 我 人 年三月底止共計 國 虧。 紡織 今 事 紗 人 東方大陸之紡織事業。庶幾乎民生國計 也見鬼 羅 外 日 布。 口 合紡織界應時之需要一方面悉力籌備建設 厚利 約 人以保持 歲 最 業 大之任 吸 占全 在 者以子之矛陷子之盾是又我棉業界最羞恥 im 我 切 體 顧 巨額 世 百百 界 犬。 I 溫。 務 有二一 、羨魚 金 商業 克 人 白供 錢。 Ħ. 口 一十七萬 五. 中。 且 而 方面 分之 占 結 求。 更 網。 最 國 有 二。以 家 重 未 向 盡 五千零三十六枚僅占全世 獨立之精 爲 要 力 我 此緣 之地 晩 市 推 場 廣 也。 位。 植 故 採 有寬裕之日 曲。 我 辦 添 願 棉 神 我 乃 設 國 我 品 國 |紗廠大 大 域。 紗 國 進 廞。 資 並 棉 顯。 口 也。 本家 貨 從 亦 知 花。 興紡 行 爲 事。 以 事 加 界紡 技 合 棉 改 今 亦 術家、 織 製 H 卽 良 紗 棉 至 我 紗

原料與紡織前途之關係

本 輕脫售易營業因之而暢旺反是未有不失敗者棉花爲紡織業主要原料如前 之 命 脈 在 原 料。 料 之足 否。工 業 之隆替緊 之。芍 國 内 原 料 充足。 無須 仰 給 外 此 所述 則 成

瞻 我 顧 國 產 前 途。 棉 額。 能 及全國 勿 震 悚。 人 今 幸 口 需 受 用 歐 戦之 量。 兩 一影響棉業。 相比較產 **|額僅得三之一。不敷竟達三之二。棉荒:** 獲 利 較 豐新廠 勃 與宛: 若 雨 餘 之春 筍。 若 至 九 此.

车

六

月

底。

我

國紡錠。

新

添九

十二

萬

七千

零八

+

枚。

日

人

在

我

境

內新設者。

四十

Ħ.

萬

枚。

計 倍。 苟 新 產 添 額 百 不 力 求 + 七 增 萬 殖 七千 而 紡 零八 紗 錠 4-數。 激 枚。 增不 僅 就 已。 國 此 內 危 各 道 紗廠消費計。 也。 刨 使 所 產 需 福花。 棉 額 完 比 全 Ž 往 停 時 止 出 須 口 增 產

性。 消 法 日 相 人。厚集賽 抵 覺 不 本開 敷 場當然 北 拓航 巨。 則 花 路。 價當 向印美 昂 各國。 騰。 而 直接採 紗 價 成 辦 本 源料耶且市 迻 加 之改良。 重。 於斯 文化日進舍 時 也。 我 國 粗 棉 取精。 業 界。 其能 人 類 效 通

絲 絨 則 之 精 製品 供 給 2 耶。 消 由 此 言 乏。 推 則 廣 日 俱 產 E. 進 芍 改 良棉 我 國 質。 不 從事 刻 不 棉質 容 緩 记站 就 管 將長 見 所 此 及。 仰 約 望 述 美 國 實 埃 行 及 推 廣。 長

及 改 良棉 凡 實 行 產 之兩 種計 大 畫。 主 義。 有 凡 系統。 Ŧi. 則。 有 以 迄 系 統。 關 於棉 而後 主 花貿 義 易 可 貫澈。 者。 凡 進 五. 步 則。 可 願 立 與 致。 我 是當 棉 業 設立 中 <u>ķ</u> 植 力圖 棉

場。 以 以 提 專 門 倡。 宜 V 才 棉 主 而 持 向 之。實 未 植 棉 行 處。 推 廣 問當悉力指導之向來產棉 與 改 良 之兩 大主 義。 並 就 官 m 墨 棉 守舊習處 品 琙 酌 設 更當協 分 場。 星 助 羅 改 棋

藕 初 文 錄 上卷

之各分場選用 農科 畢業生受轄於總場以收臂指相聯進行一致之實效。

故貧 而滋潤旱魃無從肆虐濱海漲灘之未經墾種者大可仿照張南通之植棉開墾法着手種 國 困 殊 內 **甚苟設法開濬水道旣免泛濫之禍復收灌漑之利**。 閒 地觸目皆是卽以我蘇之江北論荒蕪滿目比年受水旱偏災農民不事耕作。 且地面植物 繁茂 後。 空 氣 因

作。 俾 地 無廢利。 人無廢時一舉而 兩善備矣。

業之論 (三)國 民能 天而普及自易。 著喚起大衆注意此項植棉救時主義。首由城鎭間樹其風聲漸次傳達於郷曲。 閱書報者雖占至少數然欲鼓動全國 人民植棉興味應撰述或迻譯植 棉 則 事

感動

愈

四 我國 門。植 向 棉 不 雖 包括於農業 注重專門故專門人才遂不多觀殊不知學業之徑途至繁隨各種 ^不之中設以¹ 東西洋農學畢業生之向無 植棉經驗 者。 使之管 有 各種 理

棉場恐難收圓滿之效果。是宜一面調查農學生中之有植棉經驗者擇尤使用。 一面應 選

拔能 弟謀植棉知識之普及。 耐 勞苦之農 學畢業生置之總場。訓育之以便任用。並宜於各分場中就近訓練農

成 績。 舊 與 時 種 農校 種 失 敗之 大都徒讀 點。 及 其 死 書而少實驗 補 救 方 法。 作 凡農校以農場為 學 術 上 最 新 之研 主 究。 體 故無 而 學校 農 場。 不過 卽 無 搜集農場之 新 穎 之講材。

無 新 穎 之講材而農校途虛設今欲 、增殖棉產。 應聯絡各農校擴充農場 面 l積 畫出一 部 分。

作植 棉之用。 俾 有志振 興棉產之學 生。 得 隨 時 實 地 練習養 成需要之人才。

研究 亦不 乎供求之比例暗中摸 凡百 少。 其 雖 出 事 路。 然。 綿業 業 及各 之最 地種植貿易關稅交通等種 而 大缺 不 索。 求振 點。 類無把握事業之盈 《興則已苟然 在 平 無 調 欲振興之。各地方 当。 無調 種情 虧付之天命良。 查。 則 此 形俾製造家得 盈 產額自 彼 絀。 可 不 **、慨也棉業** 應 相 按圖 詳 調 細調 劑。 索驥。 商 中類 查。 業 刋 中 而 入於 布 此 人。 報 大都 者。 告。 商 爲 并 數 味

平 隨 推 增 廣 殖 新棉 改良棉產決非 各産 地。 徧 設 口 軋 舌 所能為 花 厰。 抬 價收買 力。 農夫 問 改 良 陋中外皆然宜 新 棉。 則 於提倡植 利導之其 棉。 更 進一 利導 步。 方 設 法。 此 收

軌

道

業 H 機 關。 此 犁 情 種 自 畫。 然奮 不 泪. 興不 隸屬於植棉場內以免經濟之牽 致 觀 望 不 前 矣。 但棉 價 低 昂。 隨 動及精 世 界大 神之分散故此項 市 丽 活 變。 設廠 收 礼 花 花。 係 商

藕

初

नग 入 次攙入更劣之棉。亦無純貨棉質關係紗廠出品甚巨凡出貨之遲速。紗質之美惡全視購 (八) 我 社 較高之貨 會多 華商 敷 置由各地熱心棉業家組織之若就近紗廠從事於收買改良新棉則。 中魚目 自行墮落致此 [n] 重信用第自革 混珠不但陝通 耶前此有攙水着沙礫雜棉核等弊端近今又發現 政以來商業道德日就淪喪其殆受惡政治之影響使然耶。 薄有令名之棉 花因之低 貶卽平 常之本花 更爲 以次貨機 火 機。 亦以 相宜。

蔽 不 進 償 棉花之優劣而判之今市上花品低劣雖受其蒙蔽者厥惟管理不良之紗廠然而 以 失。 射 利 者。 ग 憐 破壞信用奚啻花商之自殺不過此輩無識狃於 以耳彼等豈知貨品低劣則出口無 望出口無望則花價低貶苟不及早覺悟。 目前小利混雜低 價 次 貨。得 藉蒙

革除此項積弊棉花業一敗塗地之日不遠矣。

輩 運 党於狼 釐稅 花商 虎狡黠 之點者便矣愚者苦矣故釐卡不廢除棉業 病 商。 怨聲載道此種惡稅實爲束縛商業發展之一大原因。 貪鄙。 無所不 爲。 而國 民道]德亦多墮落自上而 永無發展之希望棉業然他業亦何 下幾 ~ 無 內地釐卡 一不 受金錢之 重 重。 扞

然棉業占全國工商業最大部分願我棉業中人首先設法廢除釐卡以蘇商困。

蜀

地。 採購棉 日 與 花輸運 我 國 通 商當 出 II. 然享 夫採購棉花本無足怪。 有採購· 土貨之權 惟日人之採購方法獨異於 利。 惟 H 人 思 心深慮遠茹: 苦 耐 勞。 往 人。 爲 往 可 怪 深

擾。 官 買 銀。 腹 日 爲 客。 所 人 H 何方得 人 產 在 吏 棉 夏 紳 所 囊括。 花。 季。 士 往往深 棉 利。 槪 不煩言 須 商均畏懼 而 告 由 入腹 日 全 一而自見以: 國 人 之噤不 紡織業 、收買。 地。 直接貸資 已完全 ^不之生死 敢聲。 故腹地棉業往往受日人之控 失卻 鳴 呼。 命。 豈 人毎 此 自 事 由 不 脱售之權同 操 畝自二三元至 Mi 之日 不 扩 人 卽 阻 手 因 止 其 中 之內 (曾受定洋) 哉。 七八元不等農 制轇轕日多人民不 地棉業 致 採購權。 **、受壓迫**。 受 堪 貨 此 不 其 幾 定

振 興 內 國 紡 織業主要之研 究

植 國 不 臨 者。 Z 棉 險 紗 旣 無 推 地。 他。 厰。 廣矣改良。 顚 不 此 新 係目 過 者 躓 之禍。 占 占 優勝 前 多 數然考其 亦 缺 乏專 之 在 在 地 門人才無 。 位而已否 可 (易商· 慮。 内 故明常謂無論 容。 無 亦 法花 則 所謂 知 久已傾 自救之道 救之實 新 舊。 軋 何 全 始 項 況。 厰 矣。 (事業) 盡。 而環 驟 工 雖然以言 作權完 欲 挽 顧 內國 無 山。 良 専門 全 非容 之紗 人瞎 操 諸 人 易。 才 馬。 無 廠。 意 則 主 紗 而 言 廠 識 何 之。斷 之倘 馳 無 如。 責 驅。 目 能 平 卽 任 之 我 使 持

藕

初

文

四

足 取。 而收終局之勝利也茲將我國紡織業之三可慰及八可危臚舉如下以作有

心 人研究之資 料。

宜。 內 國 成本遂輕雖紗質欠精而價值低廉故尙未被舶來品擠去此關於原料取給便利之可 多數 《人民需用布】 正品質較粗故本國棉花現尙合用如設廠於產棉。 圓 域 內原 料 便

慰者一也。

人口繁盛需用棉布為數絕巨市場廣而且多雖精良外貨盤據各市場而 本紗本布公 尚能

溷 跡其中消行無滯此關於市場廣袤之可慰者二也。

百業 ·待興·地方人民。謀生無路。因人衆而工價遂廉雖工作未精美而普通工值比之印 白

兩 國 | 覺爲低廉此關於傭工易得工費較省之可慰者三也。

端。 揆之經濟學原理。工業發達有四要端一資本二原料三傭工四銷路今我 而 工 業 尚 法如何發展者雖日爲國民富力及團結力薄弱所限然其最大原因在缺乏 國 具備 此 四

專門技術 無日無己惟有根本解決努力培植專門人才以收督察指導之功於方來而 家。 無 從訓練管理之致工 人不 稱職。 而工作不良也僅僅希望工人之克盡厥 職。

我國紡

河

清

織專門人才,甫在培植此時止得將就支持留心弱點、廠務途無起色此缺乏專門人才之

可危者一也。

紗廠工人衆多動以千計雖工作部分在在有負專責者督察之然範圍較大組織斯難苟

管 理欠密難收實效且我國 人短於自治自治尚且未能又安能管 理工 一人以自治 夫

缺 X 故。 遂 致秩序紊 如影響出 數虧損斯來此管 理不得其道之可危者。 三也。

全廠工作無專門人才督察之管理之則出數少出品劣一任工人之任意妄爲。 漫無 限制。

劇 資雖廉其知 烈苟内部長此不整頓。 如工作之不精良何現時 轉瞬間已無斯人留殘喘之餘地此工作不精良之可危者三 我國出數較少尙能 含混過去將來工廠林立。 一競爭

也。

國民富 力未充自私自利之心卻反濃厚萬錠紗廠動需資 本金五 一十萬 兩投資一二 萬。 儼

然以 大股 東自 命。 攘奪權 莉。 位置 私 $\bigwedge \circ$ 、馴至股 東間 自相 傾 **軋不輟業不甘休授外** 以

坐收 廠 廠務用: 漁 利。 此 股 人行政責任綦重爲經理者宜如何盡心籌畫期無負股東之付托乃購辦機 東無公德心之可 危者。 四 也。

藕

初

文

錄

上卷

三十五

件墮人術中。吞聲飲恨者有之假公濟私滿載而歸者有之。徜徉花天酒地間攜嬌妾而 者亦有之廠未開基金百萬已消蝕殆盡矣或則位置私人狼狽爲奸股東之血本雖虧耗。

總協理之私襲已充滿此當事人無天良之可危者五也。

股東狃 危者六也。靈不虞之虧損遂至無從彌補而擱淺或因信用掃地竟致閉歇此各廠缺少公積金之可靈不虞之虧損遂至無從彌補而擱淺或因信用掃地竟致閉歇此各廠缺少公積金之可。 於目 前 小 利偶有盈餘分散靡遺公積一 項素未注意一旦市況變動以 致周

回復 政爭日起。政象日非。商業凋敝紙幣充斥現金缺乏。遂致息率日增擔負愈重立業 無期殊難持久此息率過重之可危者。 七也。 个愈難。

政府不 外人之保護也內國實業國家不自保護之而托庇於客籍法治機關之旗下已甚痛心乃振興實業須着眼於內地而我國之實業僅發達於上海天津漢口等各口岸者何也以有 甚 加之以軍隊萬能蹂躪地方之軍隊布滿全國軍隊愈多不但內地實業不振興卽各商 願 振 但不加保護且於不知不覺問阻撓之而紗業遂無起色矣此政府不知保護之可 興內 地實業者亦無從措 手。 **况乎軍隊愈多國事愈紛亂貨物愈窒滯**。 而 不 易流

危者八也。

覺悟。一心一力。急起直追掃除此 以上八者有一於此卽足以妨礙紗業之發展況八者兼而有之乎故我紗業中人。 目 的。 悉力做 去精誠 所至金 石 爲 《裂違斯道以行之。紗業發達之期。當必不遠且不 八 種 可 ·危之缺: 點利 用三 種可 慰之優點。 堅結 團 體。 應澈 但 確定 底 更

有兩種猛進計劃約列如左。

求貨品 盤旋之餘 (甲)我 精 紗業中人不乏眼 良。代 地。 價較爲相宜以堵塞其銷路使舶來品步步減縮卒至在我國 光遠 大統籌全局之人。首宜在各口岸調查舶來品設法 市場 仿製務 再

凡 (乙) 宜結合大團體用步步爲營之方法由口岸而及內地由 水陸交通 之產棉 區域或棉花集中地點。 添設 紗廠大小可 亦 內地更進而及僻遠之腹地。 計以供給附近用戶之需

要無待外求爲惟一之目的。

我 抱 棉業 中 救時之宏大主張爲國家謀公福不爲個人營私利者明雖魯愚深願執鞭擔鐙。 誠能 本 此計 畫。開 誠 相 見合 力 進 圖。 則 我 國棉業之振 興。 翘足 而 待 矣。 世 有

藕 初 文 錄 上祭

追隨 左 右向工戰商戰場裏作衝鋒陷陣之一 戰 員 也。

對於浦東實業之主張

僕 名 受其 痛 所。 千 淡 實 出品爲 門萬 入川 業 癢。 失 暢論之。吾邦人士之創辦實業者。非失之於過闊即失之於過陋非失之於過寬即 敗 利。 視 將 無論問接直接。在在皆及之蓋地方人民而富饒也直接問接得賴以安居樂業。 沙境。 在 戶賴以舉炊者厥惟毛 墮 個 人不 所 小布以無團結無研究被人擠排小民生計一 入 險 事業之興替俱有其主因種竹得筍植棘生刺。 不 ·兔川南T 境。 能 得毛巾花邊織機三項實業關係於川 脱離 而 來歇業破產之 社會其理顯 兩邑人民生計上所受影響決然甚巨吾人 巾花邊織襪業三項今則開業未)憂豈惟當 而 易明社會而有實業。 局 者蒙 沙南 此 蹶 不 其社 幸。 不 有斷然者僕今爲在座諸 滙 振。 然 兩 邑民生 則 會 幾衰兆又見苟不 而 即成好 今日號 地 生息於此舉凡。 方人 甚 士。 巨前 社 稱 會苟 民 對 此 間 此 地方上 早為 境 叉 社 新 生計。 會 内 何 而 交 之 中

於過 往 各 經理之爲 往 方 面。 無常 過 紛相 闊 所 識。 欲爲。 汲 少 則 精 母 引。 植黨營 逐 致 、 財易竭過陋 神。 重 意 破 私衆股東名 產過 氣。 、輕血本 一带云何。 則 出貨滯銷過 各樹黨 以 即股 至 於國 派互相水· 東投資後 寬則股 內 可 興之實業雖多。 東交股後 起 火而營業遂至破裂況辦實業之人。 無 **派限之苛** 即放棄股 ·求顧自己 而能 在實業界嶄 東 之權 方面。 然見 而 忘

興業 此 頭 大障 角 實業救時 之人一鑑前 者 ī絕少致資: 礙 物。 不可 之 主義。 不 此 本 首 家相 之覆轍改絃 1先掃除 則 八內國 率裹足而 之曷 實業之發展可立待 而 爲阻 更張 不 前。 實業 之重信用集資財使學術絞腦汁奮精 熱 心 進行 者 相 之障 [與束手] 也雖然欲振興實業則阻實業進行 礙物。 而 則妬忌 無 策。 心 是 慨 也。 也苟 惟 神。以 息。 我 故 國 不喜 奔 有 赴 志

良

म

人之成 處。 喜人之失 筆抹煞之短處壞處盡情暴露 功。 〈望忌心 卻喜 人之失 愈重。 八敗惟忌故了 訓機械 心愈工。一切奸險之手段亦愈甚其結果將他人之長 不 喜 之。 人 八之致富。 人 八如是 家· 卻喜 人同 人之破 化途 造成一 產。 惟 忌故 萬 悪 不 之社 喜 人之得 會。 夫 處善 意。 卻 人

生當 此 種 此 劣 世。 時 刻 的 接 觸 會 於眼 之愁雲慘霧中漸漸 簾 耳 鼓 者。 無 非 養成一 形 形 色色之惡 種消 極的 新 性 聞。 其 質。 善 者 則 能提 渺 不 मो 得 也。 卽

藕 初 文 錄 上卷

性

社

觀

三十九

因

此

不

社

揚惡之一 種 種 有望 觀 事 念而 業。 而 改 社 會愈不 向隱惡揚 堪 聞問矣故吾 善 邊。 盡 一力做 人欲希望 去於實 在希 社會事業之發展須 望 社 會事業 之進 (先打 步。 破 有 此 隱 握 善

也。

難 更請 經 心之地 奮 以 成 鬭 扼要言之前此事業場裏習慣互相攻 於 功。 幸而 生存 方事業上 成 進取 立。 上以期間 一發難。 亦終難收效鳴。 欲爲久遠計者安得 爭 回 絕大之主權 呼來日 大難。 擊。 迫近眉 失其團結 睫切 力因失 身 此不良之積 痛 苦。 去團結力故大 卽 在 習而堅結 吾 人 平 素淇 公司 調力。 卽

今再言 巾 毛 巾 機戶 花邊織襪三業失 購 紗 後。 將紗)敗之 一小小 理 絞。 曲。 毎 及其 小 絞計 補 救 一般八百 方 法。 與諸 四 -君 子 根。 <u>___</u> 研究之。 入紅漿之漿後晾乾。

巾 扣 未 乾 後。 質 即從 前 益 須 傷 將 損。 事 織 紗 使 用 造。 一一分開。 因 便 一秒已 不 能 受損。 不 耐 久漂後 知 故織 紗身已於此 卽 時 託 常 鄉 斷。 記時微受損傷於 而 人 使 向 市 四 質 方 兜 不 售其 良織 乾後搖 (脱售之) 後 上筒 再行 管套在 困 漂 難 白。 情 如 經紗架 漂 形。 槪 粉 過 可 想 多。 Ŀ

往

往

以銷路不暢而致虧本無識之機戶不得不減少分量縮小尺寸以圖補益豈知信

用

擶 地營業益復無望矣。

售花 元。 損 自 失 便。 花邊 洋行家毎 邊並未訂立合同率 而 閉歇者往往有之。且爲數已不少卽如去年上半年川沙消售花邊多至五 毎 方寸眼 每藉辭推託以便貶價買 數自七眼至十一眼不等而花樣亦層出不窮織戶往往。 減且多折本售去者前途之險惡。 然 向 洋商 取得 (收以此) 花樣後。 卸按 因 緣花邊業中人因出貨不易脫 溢結就。 。 他 H 洋商 矣。 之購買 向 與 一十餘萬 手蒙大 洋 否。 商 任 兜

下

- 华年銷

製不

但銳

叫

想而

知

後顏色光澤業已減少於銷行上不無幾何之阻力又所出之貨因人自爲謀無一定之準。 脫 零碎購線代價較昂人自爲謀之小工業能 則。 《售外餘均》 故寬 織襪 密不能 各色線機。 各 逃 律難得顧主 生命。 皆由 零星 色線織 兜售冬季線棧銷 堅固 之信用。 成。 以日 有幾何立足餘地雖襪業之活動地盤較之花 且織就後止二三大廠 光空氣之侵 路不 暢時。 小 一蝕手漬塵垢之浸 本營生者不 於申 能 地 不 有 加。 故織 减 批發所從容 價 售 I 一告成 現。且

略 勝。 然 而 除二三大廠外餘恐不免在淘汰之列耳。

補 救

痲 初 文 鐌 上卷

聯 代 南 限 行。 碼 白 針 然後 裝 經 滙 定 絡 數 交貨 針 匣。 代 數。 新 川 場等 漿做成 躉 南 取 數。 交 製售出 (與洋商。 其 及 由 日 優 處。 申 分行 期 各分 後。 紗場餅售於織 者。 地 躉數購 一 其 花 邊 去其 熱 其織複事 員 心實業 公 司 劣者。 剔 司 事 選 進 內 《之人,集資》 由總 業。 派 業由總公司臺購四十二支原色 後。 蠟 運 戶。 線。 由 有 織成 看貨 至總 連樣 總行 公司 組織 行漂白 典 毛 向 分 人。 發於 巾 紗 洋 限 定 後。 商 廠 直接定貨 谷女工。 川 染 將原 接 毛 沦用稍· 色裝 巾 南 之尺寸 實業總 色毛 結 匣。 次之花 訂立 躉 就 巾 售入 公司 **敷銷** 分量。 後、 亦由 合 雙股線平價分售於各織 分行。 [ii]。 花 於 售。 紡 分行 載 成合用支 上 邊 剔 海。 明 毎 選後 員 設 毎 方 寸 分 方 司 剔選運 運至 寸 紗 公司 再 眼 眼 由 於 數 總 數。 至 線 式 行 紗 川 樣 廞 襪 沙 漂

其 貶 求 進 抑。 組 鮮 可 織 以 明。 此 得 既 易 挑選出貨方能精美此 項 時 、總公司 機。 引 起買 退 可 之概要凡, 以 客 採用 堅 壁 壘。 興致。 與 有 敷端。 方面促工 人 更能幫助 競 利。 方 **慶**買。 一業進步他方面 可 販 獨 戶 操 流 以 便 勝 通 算以 零星 無 滯。 上五 五 使顧主樂用。 小 声。 集合 種 利 躉 大團 益。 四 賣。 爲 貨 體。 漂染。 商 則 價 業 資 不 色澤 至 家 力 雄 任 必 力 爭 厚。 人

點然惟有大團結始克享受苟一仍舊貫因循敷衍此三業之失敗可以立致故僕深

望 川 南 有志振興實業之士。急起直追合力圖之凡僕力所能及之處願助一 臂期諸君子

造福家鄉之主義早日貫澈也。

今後東方紡織業競爭之大勢

之心力。以 當其 業此者。 之結果。 之油 亦有 者。 孟子有言生於憂患死於安樂斯言也徵諸立身而驗徵諸立國而驗徵之世界生存競爭 國之地位以天然形勢之限制而活動於向外奮鬭之一事則其國之稱雄於世界也。 必然者以此理徵諸今日產業界戰鬭之現狀其成敗得失之數亦殊顯 豆 衝無一不摧枯拉朽然始則喧賓奪主繼則反主爲客曾不轉瞬胥入破產之窮境鳴。 餅業銀行錢業醬園燒酒業等等我國人業此者莫不人自爲謀各不 亦無往而不驗原其所以致此之主因無在不 類皆聯成一 四 周情勢之壓抑而專用於向上奮進之一途則斯人之不終於微 氣各業如各聯隊然長驅猛進所向 起點於精神之團結與渙散 無敵以我國異常渙散 8明如南滿 相 弱 之商 心有必然 顧。 上。人人 而 日 洲

藕

初

文

錄

上卷

四十三

暇 以 泛論 1-數 日 業。 間 受彼摧殘。 切。僅 商 競 就 之劇 吾紡織業言之恰堂燕雀。 烈豊第 今 則 凡百 南滿 I 洲今則我 商 業。 皆將 受彼 內 不 知厝 地各市場皆授彼及鋒 雄 火之將燃誦 大 勢力之支配 先哲明 焉。 玥托 而 訓對我精動 試之機會 跡 紡 織 焉。 業 斾 豈 中

歐 除 戰 恢 告 復 冟 終。 失 交 之市 戰 國 之生 場。及 開 產 力。 拓 頓 新 市 形 場。末 獋 弱。 曲 恢 見 復 效美 元 氣。除 國 振 自 興 加 入 内國實業 戰 圍 以 後。 無 他策。 美國 發展 人 士。 大 内 放 國 實業。 其 世

之紡

織

業。

不

禁懸

想來日之危機而驚懼

不置

也。

實 東 中 之眼 業 方 心。 之要着。 最 而 大之戰 棉 光向之持門羅 貨 叉 於是歐美 爲 鬭 地 我 國 可 主 人 也。 大 回 士。 義者態度爲之一 宗 顧 入 致 我國之紡織業 口 貨 注 意 中、主 於東方之市 一要之商品。 變以商業論。 則 何 場。 如。 雖 老廠 我 謂 亦以開 國 各 **三陳** 國 偌大之市 紡 拓國 織 舊 不 界 外貿易為 堪。 場。 出 品。 尤 新 以 爲 厰 則 我 東 發皇 根 方 國 基 商 市 場 競 內 爲 固。 國

家 半 新 痛 不 癢。 舊之廠。 無 異 秦 越 又 泰 人 之視 4 缺 肥 乏專門人 瘠。 無 聯 才為 絡。 斯 之整 無結 合。 頓。 無 而 結 少 H 合。 斯 新 之氣 無 系 象。 統言 況乎 出 口口。 各 廠 則 各 差 不 相 顧。 難

會之歡迎言製造則耗損殊多安望成本之輕減際此競爭劇烈之時代其不受淘

汰

博

社

垱 離 蹙 希 我 矣。 國 較 然 遠。 而 而 在 製 歐 造品 洲 則 類。 戰 义 後 皆 瘡 精 痍 未 緻。 故 復。 競 新 稅 爭 繁苛。 雖 烈。 在 於 我 美 國 國 紡 則 生活 織 業 程 上。 度較 現 辟 高。 倘 不 工 價 生 若 昂 貴。 何 重 且.

大 會。 希 渙 之 散 百 圖 業 影 撲滅 之不 朋 響。 足 興。 我 而 以 金 其 國 融 紡 決 爲 勝 織 活 我 動。 業。 於 國 7 如 紡 m 意 握 里 織 之 指 界 東 外 揮。 方 心. 業 腹 紡 也。 急 織 將 大 界 將 我 患 霸 其 者。 東 權。 國 方 其 最 惟 內 並 大 無 在 日 市 我 數 本 場 平。 域 小 Ê H 境 廠。 歐 聯 内。 人 美 合 徧 在 棉貨。 設 而 歐 成 紗 嬋 擠 厰。 九 時 大 軋 颠 得 我 殆 公 千 盡。 載 司 紡 織 處 猶 恐 時 界 心 精 接 積 之 觸 機 神 慮。

益 固。 以 近。 致 而 競 不 能 爭 愈 堅 壁 烈。 雖 自 然。 守 我 平。 玥 國 紡 以 織業 爲 我 之不 國 人之學 振。 贵 識 學識 能 能 力。 實不 力之 不 輸 於 若 H 人 乎。 人。 抑 П 於 精 管 神 渙 理 散。 上. 有 團 結 種 種 未

紡 便 織 利 業 處。 家。 爲 不 H 圖 人所 自 衞 艷 則 羨 已。 丽 一荷 弗 圖 得。 自 丽 所 衞。 以 須 進 走 V 步。 下 儲 風 備 者。 其最 與 人 大 奮 鬬 缺 之實 點。 實 力。 在 欲 於 儲 無 備 團 結 此 奮 斸 故 之 我 實 國

則 逐。 舍 抵 抗 圍 結 力 戰 外。 無 鬭 他 慌。 力 愈 良 法 大。 悉 夫 也。 數 如 團 是 結 掃 之 m 》之 按 商 ·法 後 維 原 料 何。 品品 學 卽 將 不 原 受 各 則。 把 大 應 持。 埠 製 紗 造 廠。 口口口 聯 新 合 不 運。 受 成 非 傾 從 數 軋。 大 迎 機 公 न्तां 淮 資 拟 力 瑐 愈 人 角

蘓 初 文 鍛 上卷 則

令

後

之恐

不

難

除

之

世

界之

速

組

織

我

國

紡

織

業托賴斯不爲功不識我紡織界諸鉅公惕於危機之日近亦思有以準備而補救之否耶。

報 告美棉遷地之效驗

霜降前。 業。 劣知美棉與我國天氣地質並無如許窒礙之處而邦人士之移植美棉者類皆存兩 於民國三年秋組織棉場至四年春卽將親自攜回之美國喬奇亞省之克離佛倫大球種。 見。 設法培育逐年選種以保美質至去秋歷四足年所穫美棉纖微之長度性質韌 鑒於該國情勢大有遷地爲良之意爭向吾國境內擴展其工戰商戰之範圍不但出 力設法恐不十年後,吾民生活 甲說謂我國天氣地質不適美棉之生存故移植一二年卽行變劣乙說美棉收成較晚。 力進行 尙 手而我國紡織業前途亦駸駸乎有受彼支配之趨勢。苟邦人士不善爲謀急圖 有多數棉果未全開裂致少收穫而招損失明對此兩說未敢苟同而 者因年來紗廠勃與日本吸收華棉亦逐漸增 大源胥落人手矣。况乎印度日本棉紗接蹤 加苟我政府及棉業中 M 至日 力並未 於植棉 資本 人不 種意 變 事

權操彼

奔 補 赴 救。 振 則 興 不 轉瞬 棉 產 間。 之 兩 存之大 大 主 義。 勢 此 主 去。 義 暶 維 臍 何。 之悔恐力 卽 推 廣 棉 無 及 產。 矣。 及 改 良棉質 故玥夙夜震驚忘 是。此 項 試 其問 驗 美 棉 陋。 紡 全 力 力

以 之 棉 報 爲 家 告即足以 美 移 棉 植 美 不 合 棉 解除 後。 於 須 我 移植 國 盡 力 天 氣 美棉之疑 注 地質 意 於嚴 丽 格 致 難。 並得 變 選 種。 劣。 於改 及治 殊 不 良 知 田 棉 疎、 移 栽 植 質。 培 棉 推 廣 肥、 種。 在美 捕 棉 產 蟲 之種 國 上。 亦 進 種 有 行 方 此 無 法。 種 阻 茲從 也。 困 難。 彼 學 故 甲 說 理 植

如 經 下。 驗 上、諸 耕 般之心 地 太淺。 得 觀之知 溝 淺畦平。 失敗之 出 因。 水 不 約 爽。 有 十 端。 種 有 子 於此。 不 嚴於 刨 剔 難 選。 收 圓滿 及來處熱 之結 度。 果護 摘 在 移 錄

之時。 植 處 ||熱度之上。 不注意 四 害 蟲 播 之 種 防 太 止。 遲。 (九)工 五 播 作 種 荷 太 Ă. 密。 **①** 子 執 缺 事 少 相 當之肥 意 志 不 專。 料。 及希 七 I 望 作 不 遠 失 大。 去 精 相 神 宜

不 統 <u>ー</u> こ) 說美棉: 收 成 較 晩霜 降時。 多數 棉 果未開 裂。 不 知 亦 同 犯 上 述 之病。 而 得 此 不 良

家 結 謀 方 果。 凡 便。 特 移 植 於 美 去 秋 棉。 作 未 有 試 幾 何 驗。 於霜 閱 歷 之家。 降 前 數 往 往 日。 將 不 未 発 裂之棉果摘 上 列 之 失 敗 下。用 原 因。 人工乾燥 而 致 歉 收。 法。 玥 使開 爲 植

軋出花衣卽在厚生紗廠內試驗其韌力表如下。

藕 初 文 錄 上卷

四十七

甲本場天然開裂之美棉 乙本場人工乾燥之美棉 丙美國烏克來化邁之棉

支 花絲長度 三號粗紗重量 靱 十小時出紗磅敷 毎寸轉數 每分時椗子轉數 力磅數 數 八一九 一四一五 三六 八五八〇 二五・六五三 一寸八分之一 三二八 八十六 四二 ・一三三九 二七一六二 八五八〇 一寸八分之一 八二三 三〇八 · = 四二 八五八〇 二七·九八五

自美國者夫此項試驗係甲與乙之比較並非丙與甲乙之比較蓋美國棉花種類甚多進 者乙爲同種及同年之棉果在霜降前摘下未裂之棉果由人力使乾燥而開裂者丙條來。 按此項試驗用甲乙丙棉三種甲爲移植本場之第四年美棉其棉果在霜降前天然開發

美棉並未較劣於進口之美棉耳此項試驗自花至紗逐步工作及重量甲乙丙三種一律 口之棉之種類又無從深悉而仍用以試驗作比較者不過使大衆得悉中國移植四年之

足以 相 同。 補 而 又在同 天事 之窮於移植美棉之障礙可力除也苟移植美棉家仿此法行 日中所試驗故所受熱度及濕度亦復相等由此可曉然於 之則晚收 立乾燥法大 之損

交通與商業之關係

無復過

慮

媒 立 (衰為 《介盡集散》 型 之要點在民生。人民生活必須品大都產之於農而成之於工,其酌盈劑虛作供求之 之天 (職以弭· 人問 準焉。 缺憾者則惟商業是賴近百年來覘國運者方且以 商業之

典

判

決

人國

强弱之標

境言。 夫 我國 通病言則智識 市 則 今日之商業蕭索極矣推究其所以不振之原因其 政 金 融言幣制 府 **不加** 保 **鋼蔽也道德墮落也團** 紊亂山滙 護 也。 外商故意 兌不靈也息率高昂也挹注維艱 鉗 制 也蠢 力薄弱也基金不足也辦法 更剝 蝕。 無 異蟣 種別甚多姑約舉之如下。 附也武· 也以市場商品言則科 X 不 ·善也以商· 搜 刮。 無 術 人之環 防 以商 堵 也。

疵

彻

文

鏹

上卷

四 十九

藕

熾買空賣空者之破產習聞也以運輸貨物之交通言則水運陸運之多滯阻航。 不發達農產工藝有 退步無進化也以商家趨勢言則整頓無能力賭博幸獲者之邪 權路 權之 風 日

相率 旁落 也有一於此皆足以陷商業於不幸之途而況各種阻礙商業發展之惡境。

環 顧 而 莫不接觸於目前也挽救之道干端萬緒非片言所能盡無己請僅就一端言僅就

通 與商業關係之一端言。

等 溝通者雖此 一貨 也產地 代價相差之懸殊不必全屬之轉運上而轉輸之不便運費之多耗則爲 與商埠之代價每每相差一倍以上或竟有相差至三四倍之多而 尚不

掩之事實且此尙係去通航通車之地不甚寫遠之處然耳至於偏僻省分雖有絕好之食

不可

用產品除當 地人民消費外莫之奈何而任其陳腐者有之工業上需要之材料除合於當

地 無形中損失若干兆金錢也此交通事業不發達且足以致國家於貧困受害者固不僅商 人民 消費外莫之奈何而視同廢物者有之合全國產 額計。 每歲因交通不 便利。 故 不 知

而 商業上所受之痛 苦則尤顯著焉。

交通不便利。有妨商業之發展已如上所述而交通便利處因路政之不修航業不競於商

不 發 知 設 展 法解 上仍多若干之阻礙交通當局 救相 與 隱忍不言亦不能 之不 完 全矮 能體 爲 恤商 無罪 也。 艱。 固 何 以言之現 屬 無 所逃 在 罪。 路 m 局 商 之缺 家 切 身痛 點。 在 DE

能 商 車 挨 家 輛 次裝 爲 少 急務。 而 車。 不 而積 而 敷 深居 應 用。 壓之流弊久之且 簡出。 員 役雜 予員役以上下 而 需 索 無 習非成是視。 厭貨 其手 物 之機緣點 到 站 爲當 多 時。 然矣加之以軍界要人。 者聯 不 爲 絡要人便 **運**送。 路局 於運 主 事。 及 輸。 亦不 與 貨 物 有 以 若 旣 便 何 不 利

關 乘 係 機 之輩。 漁 利。 一倍威 商 人苟 軍 有 符。 濫 不 諳 行 其 勢 、隱情者。 力。 攘 奪 遂從此 車 輛。 車 貨滯 輛 旣 於各 不 敷 站。 應 用。 而 貨 至 霍 物益 爛 堆積 者。 觸 目 如 皆 山。 當 是焉。 事 者 此 外 如 可

航 事。 業 我 之不 國 航 業之最 振船隻之稀 草 舉 辦 少噸位之缺 者。 剘 爲 招 乏航海 商 局。 開 業迄 人オ之不 令。 已 知 兀 及時儲備品 + 有 餘 车。 盡 則 又爲 所 有 諸 可 恥 船 之噸 可 悲 之 位

而 各 船 過 大 四 副。 萬 七千 至今仍雇用外人以如 六 百 有 餘 噸。 其航 此年齡之航輪公司 行 線。 不 過在 揚 子 江。 絕不 及閩 計 粤浙 及應用人才之培育。 津 間。 向 未 出 國 門 而 步。 惟

不 知 謂 仰 首 招 客 商 卿。 局 夫 雇 航 用 乳 輪 嫗。 初 駛 至 時。 四 雇 餘年之久然則航業無顯著之進 用 客 卿。 如 生兒乏乳 者之雇 用 乳 步可 嫗。 以 斷言 暫 代 也此 撫育 外 之 後 職 耳。 而

和 初 文 錄 上卷

噸位。 之噸 航 輪 位 大達 日 公司等之自 計 兩 之。僅 肇 國 興新益諸公司。 航 得 輪 儈 公司。 七 以下如 萬 四千 起 承 大缺憾也。 其乏代 開 餘 各 得 噸。 平 千 礦 生齒 有餘 務 我腹地大効輸運之勞矣航運全權旣 局。 有 噸政記公司得。 至繁需貨至巨之中 船 敷艘駛行 津 四千餘噸合全國 滬 國。 绺 而 口 間 航 輪 者。 噸 僅 位。 航 不 有 盡 僅 輪 公司 萬 屬國 有 此 左 數宜 所 有

省 然 间 河 道。 時 則 毗 期 振 連 挽 之處歪 典 救 與 之道 輪 水利開潛便於貨物輸運之河道馬路期與省會幹路或車 埠 將 或 少 築三 安在。 其 他 四 熱 則 閙 丈 閣 利 商 之大 埠 用以工代 相貫 幹路 通。 以 若 賑之機會從事各當地馬路工程。 干條。 便 貨 物之輸 各 縣 至 送。 少須築二三丈闊 則 利 用 閒 站相銜接內。 逸 之支 例 無 事 如 路一 之 此 軍 地 省 開 倏。 奥 彼 從 濬 並

未

始

非

發展商業上一

勃 不 事 興之 致 各 本 虚 糜。 省 鐵 m 將 來之 餉 路 源 I 路 程。 亦 款。 俾 可 大可節 欲 興起者必大有人在 漸 免匱 築 未 省使病民· 築之諸幹 乏之憂軍 界領袖。 之軍 線。 也。 得 士。 以 陸 不乏深明大體 變而 續 興 (工節節) 爲 有用 之人誠能毅然舉辦樹之 之工人非但商業因之有 告 成。 如 是 則 今 後 軍

聲吾.

知

海

内之聞風

叉各 以 地 免争 共圖 築 路。 地 亦採 之。内 執。 方人士須了然於地方貧 及 、愚民 此 地 法。 開 則 之誤會此造福地方一 濬 勞 河 万問 流。 向 有計 題。 無難 瘠原因第一在 田 解 畝 多 決。 勞水 寡。 惟路 邊塡 逸。 派 有益 I 乎交通之不 、去地畝。 作 無損 之 辦 應由 一之舉地方人士。固 法。 · 便。 地 無 地 財 方公款項內公平 者 方上要政應由 出 力。 省 有應盡 力 者 出 地 給 資。 方 值。 內

宗 前 糾 其 在 範 航 河 則 業培養航 察隨時淘 也。 貨 在 圍 流 此 交通 物。 狹 若 缺 减 小 憾。 織 當 之交 另行 之區。 物。 鄭 噸位連 業應用人才力圖航業之振 汰並酌量商業發展情形隨時添備 局。 不 急宜確定 致 通 組 推 以 行 事 織 ~價確定計算 業。 航 無 小 業 人過 火 如 便商 北 公司。 輪。 方 問而低貶需貨之處不致以來源告 哎 算方法公司 及 方法遴選公正 小 面 汽 切 油 推 平 船。 廣 一布國 作。 誠 原 海 能 之上。 丽 外 勤愼之人然 人。以 舉 在 航 國 內 線。 車輛務使往 推 行 地 · 促商業之發展。 以 致。 長 便 僻遠之區則地方 途 管 萬 或 理路局 汽 貨 衆 之直 來貨物。 車。 竭 心。 在 要政。 而暴 從 南 接 並 不 此 方 輸 釐 其 漲。 人 稍 便 及 出。 訂 延擱。 便商 利 士。 航 貪 應集 交通 切 面 行 鄙 之徒。 卽 並 Á 新 改 所以 資學 對 煙 良 章。 Ŀ 於 殿行 稠 內 掃 便 大 國 除

女 鎌 上衆

和

民。裕 興商業之故而共沐交通之賜也振 上。 商 卽 所 以 足 焉。 國。 事業發皇之日亦卽 興商業之要圖 之。 非一 其 他 端。 凡百 便利 事業發達 交通則髣髴於發展商 之日 固 因 振

較。 以 呼。 枯。 日 他 歲 人 商業 之不 抵 通 者 繋 謀 圖。 耗 於交通 覺彼善於此於是百計營謀有憑藉 人士 得 生而 失勢之官 商 如 ·願自媒。 業 爲 Ŀ 之目 半 工 支所述: 謀 失望坐守以待斃夫亦計之太左矣卽有幸而獲 中 之便 若 生 之捷 1光及 程 僚。 于 不輕啓齒不 之菁 否。 濬河築路長途汽 無聊之學 故僅 徑。 心理感其處境之艱 般懷 而 華。 紛 而 就 · 苟 通 才莫展。 於增進 紛投 者讀 批是所 效以 書不 問以貶節求 没一推論: 及謀 車、 商業之繁榮。 故謀 ·成之青 內河 冠 生活· 就 經 小輪等助商務發展 未獲 就 濟 (勢力而 年 輟耕 人 而 之不 罕 爲 者。 不 有計 獲者。 應及 可 一易變易傾分 至者有憑藉 III 恥 之高風。 | 恒十百 及者。 早 嘆 《之農夫手 就。亦· 覺 悟。 荷 之新 殊難 公向屬意 大 干 放 大都爲現成受享之人徒 多數 ·倍於可 開 文字運 事 藝難 眼 於今日見之矣蓋 業。 商業。 光。 人。 及其 振 深 以 活 動 之工 知商 以爲 消 起 而 納之數鳴 他 精 至 徒。 業 附 者。 兩 神。 屬 如 相 智 此 令 比

新

業

方向一

變世界驟寬希

望無

限調

西先哲吾無機會吾可

自造機會之說有

志振

興

海總商會研究裁釐辦法及其理由之報告書

大必須仔 我 會茲就同· 何 金之病民思慰薄海 七年。仍未見之實行。年來工商業不但不發達且呈逐步衰微之現象。而 年生活 國工商業不振之最大原因在釐金國民深受其累婦孺皆知但 設法使政府免收入不足之虞故財部咨文到會請討論辦法本會以此事關係至爲 益 細 人管見所及擬定辦法六則並理由六條 研 陷 於困境本會同 求妥實辦法期於國 人民之期望但裁釐加稅之初財政當局。 人以 於民交受其益而便推行推某等組織裁釐加 國民渴望裁釐加稅之實行屢次請 如 左。 於收入之數恐 裁釐加稅之說已 人民負擔。 願政府 無把 亦 稅 則年 握。 漸 研究 應 知 如

(三)辦法

應請政 府 與各國 、交涉裁釐加稅須同時並舉如各國堅持先裁釐再加稅之議應切

藕 初 文 錄 上卷

頯

初

五

實商 定一 方 面 布 告裁 **松釐一方面** 卽 布 告 加稅。

(二)實行 年息若干釐本息均以新增之關稅爲擔保由總稅務司簽字此項公債須得 裁釐後由政府查照最近一年全國釐金收入總額發行裁釐抵補公債 年

加稅之確定時期方能發行。

或二年)

(三)裁釐加稅後如關稅所加之數已足抵最近一年全國釐金總數份有餘款時應儘先

攤還 此項 、抵補公債。

四)此項公債由各省商會。查照本會最近一年之釐金收入總數招集各業領袖議定分

別攤認之法須認足原額。

此項公債條例。 由財政部派員與各省商會領袖協議可定草案交國 會議決公布

面 即 公告各國實行前清光緒二十八年至三十年 各商 約 (英約第八款第二節

四款日約第一款葡約第九款) 進口關稅。值百抽十二五之規定。

行。(六)此項公債如新增之關稅一年內已足抵前次全國釐金一年之總數第二次不再發(六)此項公債如新增之關稅一年內已足抵前次全國釐金一年之總數第二次不再發

乙)理由

加稅之後我國工 一商業可因此 而發展因進口稅加重後外貨之壓迫力減國貨驟 進

發展之軌道。

(一) 革除 中飽 中間人藉以侵蝕之數奚止超出政府實在收得之數二三倍此項中

數皆商民額外多納之金錢亦卽政府代受無窮之怨謗。

(三) 釐金 裁後運輸上旣無障礙出產地至消費地非但輸運靈捷而良好時機亦鮮

商家獲益不在少數。

現在工商業之發達大半屬之各口岸貨品行銷內地久感困難釐金裁後各口岸商

品輸 入內地無有滯阻則製造家所出物品達暢銷內地之希望各用戶日常所需得物價

低廉之利益。

(五)現在洋貨進口完正半稅後通行全國而國貨則重重敲吸處處留難釐金裁後。 八人與

外貨競爭之物品自能立足於不敗之地事業遂因之而鞏 固。

六 以 上 五 者因直接與工商界有大益但政府所得之利益亦復 非 細。 進口稅 加增 後國

藕初文 餘 上卷

最

後

結

盈

而

無

五十八

內 出品 果政 必 日 1盛工商業 府收入數必有 必乘 時猛進可以推廣至內地使全國各大都會得均等之開發故 絀。

於此 除 扼要言之照上列辦法推行政府 無 次。 其 五。 利民之萬急急務也謹陳膚見伏祈公決。 無數之 且 年富 有 而六十年來所受之痛苦一旦 可 者是故裁釐加稅全國人民皆蒙其利解百業之倒懸慰兆民之渴望是誠今日福國 不 省去 樂行 力 中 强宅心公正之人不患無立足地。 者。惟 飽。 如許收稅人員之俸給各業攤認之公債尙得 故各業所攤之數比原繳釐金減去何止數倍且各業至多攤認公債一二 一部分釐卡人員於初裁時稍感不 連根剷除政府果有除弊之決心商人果有 不過認公債年息之若干釐而關稅得增 去蠧國之惡諡。 便但各地方工商業皆將乘 收還本息而各省實際 進而爲生利之良 至值百抽十二 民事 愛國之真意 上。 時 無 有善 勃 剔

改良進口稅則之詰問及期望

國 元 國 年。 進 實 口 稅 爲 修 則。 改之期。 自 光 緒二 徒以 一十八 政 局 年 紛 修 改後。 擾。 遷延 定 至去 期 毎 年 ------冬 牟 間。 修 方 改 始 進 次。 訂 行。 本 在 年 各 元 國 月五 通 商 日。 條 集 約 民 五

國 四 1-稅 則 專 蒷。 在 上 海 開 第 次 會議。 吾 國 工 商 業 界。 大 多 數 人。 深 盼 此 事 及 早 圓 滿

解 決。 乃 欲 決 而 未 果 者。 迄 今 兰 閱 月 矣。 究 竟 此 事 進 行。 至 若 何 程 度。 局 外 人 無 從 知 悉。 惟

聞 各 法。 國 主 張。 以棉 行。 貨 五 金。 照 之。惟 現行 稅 率。 統 加 否。 四 成。 雜 貨 統 加三成。 各 國 稅 則 委員。 此 項

辦 價。 作 標 準。 後 擬 將 故 -----九 多 贊 ----三年 成 及 九 本 ___ 五 年 本 砜 始 年 之 平 擬 均 將 物 九 價。 作 三年 徴 收 進 海 關 口 稅 估 之 價 標 册 準 之 我 物

簡

明

而

易

日

則

日

則

國 稅 則 委 員。 以 爲 如 依 年 度 作 標 準。 應以 最 近 Z ___ 儿 ___ 七 年. 爲 標 準。 而 日 人 以 爲 去 年 物

價 夫 最 海 關 昂。 估 歐 戰 價 終 册 結 所 後。 列 物 之 價。 價 必跌 是 否 落故 能 作 爲 反 對 應 艺。 徴 嗣 物 價 因 之 日 標 本 準。 獨 歐 持 戰 異 議。 終 結 遂 後。 將 此 案 少 而 移 稅 至 北 將 京 來 解 來

貨。 是否 此 去 年 物 價 爲 更 廉。 此 吾 人 所 急 欲 詰 問 者 也。

調 予 查 係 紗業 所 得 本 中 月 人。 以前。 他 項 稅 兩 年 則。 内 姑 之日 不 具論。 本 請 進 論 口 紗、 紗 4 稅。 均 日 價格精 本 紗 進 確 口。 之數 毎 擔 目 抽 作 關 爲 平 銀 表。 九錢 附 錄 五 於 分。 茲 下以 將

藕 初 文 鍛 上 朱

六十

資研 百 市 價 八 -|-八 究。 十九 於 兩二 此 兩 网 錢 六 年 錢 五 中。 帝 分。 九 分四釐丁巳七 故 制 此 發 生時。 W 年 全國 内 之平均價格。 月 棉 紗 雅 丙 可以 漲。日 辰 五 本進 作為 月 內日本 抽 口十六支 稅 之標準將 進口 /紗每 + 來恐 件 支 平 紗、 仍 均 平 市 有 均 繼 價 毎 件 長

息等 秤 表 增 海 比 照 紗 兩 上一十 高 六 關 加 稅 上 之勢 、錢三分 擔 四 項 銀 額 項 +. 之應 成 十成之一。每 所 则 **拟。** 述 辨 一釐六 斤 法行 個 表 增 - -四 几 列 月。 六 加 耳。 支 啊。 折 十六支紗平 如 去。 之每件值 擔 左。 棉 紗之 毫五照吾國 毎 在 一擔値 吾國 得 紗如 表 海 價 略 關 此他貨乂何獨不然而日本竟將加成之辨法反對之其。 値 進 海 均市 還 銀三十二兩六錢三分三釐以值 關 ___ 口 百 銀三 高。 稅 曾經贊成之加 上一兩 價。 歲 槆 - | -詳 入 件 六 數 爲 兩一 値 八 分 上。 上海 受 錢 晰。 **錢** 五 損 四成之稅額計之僅一 五. 則 分七釐。 倘 規元一百二十 進 多况乎-分九 口 紗 釐。 每件 稅 當 內 十六支以 除 扯 百 更 五 增 重 抽 去 關 兩 加 四 五 兩 計 七 上 稅 百 也。 三錢三分。 之應納 之紗 十五 及 錢二分三 此 佣 第 一磅。 及 金 亩 股 稅 檖 進 一釐。 以 線 刨 租 司 銀 口 曲 使 利 槕 馬

何

左。此

义吾

人

所急欲詰問

者

也。

據 查各 鉗 尙 分之三十九德國百分之四十五爲發展本國 難 制。 如登天。 九 國 而 抽 無立足之餘地吾民直接受此絕大之痛苦則安能禁其不 兀 稅。 年。 何 有自由權華茶至英徵稅百分之五十華絲至美徵稅百分之三十五至六十。 徴 調 查 收 法 進 蘭 口税率之不平允。 西 全 國 4 均 抽 進 至於此進 口 稅百 工商業計固應爾爾而我國僅抽百分之五。 分之二十英國 П 稅 不 得 增 動 加。 百 色相 分之二十二美國 内 告。 國 工商 mi 力 求 業。 挽 永 受 救

也

耶。

大 月 本 本 加 H 有 獨 商 本 事亦未言 舉 自 人之負 六 反 衂 現 日 對 內閣 密 而 擔。 致 始 勒 不 間接仍 之概。 肯 非 秉政以來大倡 氏 |周旋 與日 評論 我 本以 之。致 由 邦 報 我 第 人 實行 使 國 1:0 七 十五 中日親善之說。 我 人所負擔藉 下 風逖 國 親善主義之機 頁 毎 聽莫不 H 受五 恐非倡言親 以 萬五 歡 加增國家歲 無 會況乎 欣鼓 幾何 T 舞。 五. 時。 善之本旨 日本 進 刨 百 人。而 口 如 五. + 稅 朝野間悉力鼓 此 稍有增. 次商 五 維 世。 一兩之損 持 國 榷 一家現 加。 進 失。 亦 口 狀 並 稅 吹 見 非 親 者 則。 善主義。 本 也。 加 酌 年 增 量 乃 日 Ĥ 增

一商業 之四 、要素。 一日原料。 一日資本。一日傭工。一日市場。日 本除資 本 傭工 小原料学

藕 初 文 錄 上卷

場係客體。 矣。 日 賴 以爲 求 加 上發其始聲故不覺其言之率直並願我邦人君子注意此事之進行發表意見造成輿論。 改 於 增 我 進 良 本一般賢達。諒必有見及此或能勉力履行此中日親善之主義而勿任我國 後盾無使我國改良稅則當局獨任其難也。 國而我國生齒衆多實爲日本銷行百貨之最大市場予敢忠告親善之日本。 進 口 而主顧祭 稅一 口稅則之加成辦法有所中 事。 早日結 爲主體苟其 東以 失 慰我全國 去主顧之感情則雖有絕大市場恐無復有盤旋之餘 梗。 人士嗎 而大傷我國人民之感情也予所以馨香 **喁之期望並盼望** 中 白 1親善主 義。 於 膊 和 日。市 平請 祝 此 地

永久抵制劣貨之方法

青島 所受抑鬱不平之氣向苦無從宣洩者今以日人侵凌我國權違背我民意蹂躪人道以致 今 對 於日貨 矣 則 山 文明 東亡山東亡則全國隨亡洵非虛語然僕以爲尙未足懼也所懼 抵 制萬衆一心舉國一 致能 堅持到 底做 会並非常 出 於偶 然蓋年 者人心 來 死 國

實 全 爲前 國 憤 慨忍無可忍不 此 所 未 有。 則 收 如青島 約 而同起圖自衞其一 乏問 題。 或能 因 往 此精 無前進而不已之一 神。 而 得良好 之結 果消極之抵 種沉毅果 敢 之精神。 制。 而 有

此

精

神。

則

今後

積

極之建

起亦本:

此精

神。

誰謂

中國

無救

藥耶。

份乏澈: 未收若 民國 鐘 權。 時 濟 判 額。 禍 各國 方 更 決 將 熱 四 有 法。 臨 死 度。 何 底 年 且當 之日 多 必 **遂造成吾民之惡諡**。 刑。 之效 之自 人。以 間。 仗 更 因二十 義 時 力 無 卽此萬衆一 執言。 **覺。** 並 爲 中訴 力徒惹外人之訕笑此何故 副 有 日 自 部 含幾 之餘 爲 本 救。 逞此 條苛 分人。 我 抵 一心全國一 分之希 援 地。 制 酷條 助。 重 惟行 回溯往 霸 日 圖。 貨。 取 私 件之要 必招各 望。故 利 刑 消 雖 一致之精神。 之日。 此二 屬 事深堪浩歎。 而 曾不 略 消 十一條苛酷之條 公義 求。 國 尙 極。 之深忌。 曾有 未 歟蓋主持其事者僅空言 轉 然 釜 阊 至 瞬。 予日本工商業界經濟上巨 一耳存亡 觀望 結力遂因以薄弱。 抵 而 底 今已 抽 制 者卒 日貨 薪。 旦 歐 呼 大 矣向之癡願。 件存此癡 之舉彼時 吸。爲 戰 無 可 告終和 表 摧 示憤 折 時 故卒招 雖 强 今已 .願。 抵 激 權。 甚 議 慷慨激昂 愈持 促。 故 席 制。 者 一大之痛苦促彼 吾 亦歸 上。重 絕 用 失 而 無實際 力不 久 望。 敗 人 之興情· 應 革。 而 如 公 緩 况 乎 罪 道。 專。 和。 效 乘 五 之救 力 徒 抑 卒 此 彼 愈 分 强 致

類 初 文 錄 上卷

藕 初 文 錄 上卷

政 府 省舍此 無他道 也。

今日 消 結合之也是故僕對於商學兩界作更進一步之請願商學兩界實力抵制應各從消極的 納 法將 我 國 全國 四百 方面並進請約述 人民 兆 人民 括之以 中能代表全國啓迪全國以共禦外侮者當首推商學兩 商 學 兩 左。 界因農工 各界概得 以 商 學 兩 界救國 之精 界僕姑採 神。聯 絡 而

與

積

極

的

砜

如

漁 於 千 現 商 法。 使之流還日本嗣後各本其愛國之天良勿復收用此項禍國殃民之日本老頭票。 悉 界 他 萬 金 之利。 抵 業。 省 H 制 力進行堅持到底(二)不用日幣及斷絕商業上經濟關係(三)破除日本吸收 我 者約 金。 制 排擠我國 計 國 日貨 此種老頭 死 畫 有四千萬日 之刻 乏兩 命之毒計「說明」日 之實業並貸債於我國政府。 毒。 票流行於東三省者幾 方 间 無 事。 有 本政府發行 過 於 甲 此者深願 商 本 界 此種 消 歷年所發之老頭票行 極的抵制(及八千萬。 不 我國 使我國 兌換 人 手 自相殘 中 流 執 取 行 依照現在 有 我國現金用此現金振 於 殺同歸 山東 此 使於中國 項 全國 福 不 於盡彼 兌 建 換券 ~ 者達二千 境 各商幫所定之方 内。 者。 則 約 安 逐 有 興彼 漸 萬。 ___ 坐 萬 我國 設 流 而 國 法 行 取 石

時 之哀 馩 極 的 的 抵制。 美 敦 組織 書於 我 一永久團體定名五 國政 府。 至 九 日。 我國 九社。 政 府被逼簽字。 『民國四年五月七日日政府致二十四 故五 月 九日。 爲 我 國 屈 服 於

宜 勢力下之一 各 地方設立一 一日。鄙意、 所由各地方商業團體選舉熱 永宜 以 五. 一月九日日 爲 國 恥 日。 全國 心而公正者若干人作爲 一致以免歧 異。 此 會員社 項商 界 中 折. 應 九 爲

罰之。(二)調查 之 事 如 下。 (一)會員隨時 全國 銷 行之日 監察 本貨 各團體 物。約 抵制 可 狀 别 之爲三(甲) 況。 如 有 破壞 nJ 抵 以完 制辦法者立。 全 勿用 即斜 者。 如 太陽 正 一之。 或 啤

有 Ĵ 八鳩集巨資紀 組 織五 九工業社從事製造不 久卽 可 大批供給。 (丙)工業用品之必

味

之素化裝品小兒玩具等奢侈品(乙)有國貨可以代用者。

如毛

巾琺瑯器洋傘。

聞

己

可 少 者。 如 漂 白粉 之類。聞 上 海炳新肥皂廠主任已在着手研究製造漂白粉及保 險

與 硫 稍 强 水等以及股線乙類除甲項奢侈品不計外乙丙兩項工業可以逐漸舉辦(三) 銀行扶助各 上業之發展。 項銀行已有

總之此 組 織 勸 項 I 組 織。 須 有 系統 項工 事業 進 行。 須 有 秩序。 一聞此 各會 員。 須 有 清 人組 醒 之頭 織 腦。 不 久可見 切 勿爭意氣 之實 鬭 私

元乘機造 謠 及傾軋 本業之鄙薄行爲願與我愛國志士革面洗 心以圖 艺。

鎮

貨。爲 大衆 带 悉 祉 酷 會需 社。 心 合當 應盡天 永遠 之條 學生自己 抵 鑒 制 别 求。 件。 不 H 地 而 m 貨 職。誤 忘 並 增 嚴 各 之兩 示 此 學 進 此 取 次 最 用 校 拾。 用日貨為 地 失敗原 大之 更勸 H 方 組 方生產能 貨。 面 成之其應爲 事。 仰 並 告 丢失 於星 辱。 因作爲修身講材隨 各 並懇 力(三): 甲 用 期日 學 戶 體 之事 界 請 勿 面。)提倡節: 家長 及暑 誤 消 極 購。 如 乙學界積 的抵 下。 及 假 · 儉以撑 =力 年 假 時提及常作警 制。 利 勸 協 時。 用 極 親 (一)各學校 就 節所得之錢 餘 助 的 戚 商界調 抵 力之所及隨 時。 鄰 里。 研 制組織學界五 究日 律實 《將靑島 醒 查 全國青 財。 貨 日 處演 代 本 努力儲蓄遇有 行。 用 進 俾 歷 **逆及二十** ш° 九 大 說。 年 口 之暮 貨 以圖 製 祉。 衆 造 物。 以 毎 鼓晨鐘。 普 法。 地 並 不 以 方 地 隨 及。 用 設 方 應 時 俾 日

國 刋。 新 報 一業之發展。 業 籍。名曰 告各 發 生 地 方 時。 五 抵 (五)各 踴躍投資藉以貫澈 九。 此書分. 制 H 貨 地 之方 力學 初 用作教科書啓發全國青年 小 界五 法及 高 小 現狀。 rh 永 九 久 學二 社 並 抵制之目的。 中。 種編 特 並 須 闢 公同 法供給三種 國 貨 推定 之自覺力並編白話 紹 四 介 團 欄。 學校 力較 五 及 新 九 之取 發 大 社。 之五 從 明物 用。 事 一發刊 九 紹 編 社。 輯 介 發行 欄。 後。 書。 請 種 以 星期 各 促 勵 聊 內

教育會頒布全國各學校

體

勵

恥

俾

識字義之人咸能寓目以補普及教育之所不逮。

夫日 力 人之歡 人 府 消 專管 載 三萬戶,共計二十萬人,充實我中國之滿蒙各地(四) 者。 在。 支 息。 日 及 外並 哈 皆係 人對 高 故 爾濱 理 准 心觀 百 本 彼 該 麗 派 村 華 軍 萬 國 遭 中 東方發展 人至滿蒙各 俄 村 政 下 住民 中 閥 警察軍隊等實行保護之以上譯密勒 元 國 落 暗 中人。 策着着進逼者實因日本全國人民曾受軍 日金 列 日報。 中 居留 日 潮 之自 會社 於該 本 甚 然世界潮流 僕 村落 殖 烈。 按 地。 治、 於四 教育衞 **曾社作移民** 丽 H $\widehat{\Xi}$ 民政策之譯 它外(五): 本拓殖 軍 該會 月十六日 閥 趨 生、宗 中 於民 政策實行於滿蒙爲時已久其影響於我滿蒙之統 人。 祉 之用。 教等 此 日。 文一 爲 前 主日 項 曾議 鞏 決定日人 則。 事 有 固 其權 (大) 可 組 決 本不乏賢者。年 織 該 在十 曉 及高 然於 氏評論 的 日 會 勢地位起見不 村落。 政 有組 年 祉 麗人 一般 府 毎 内 織的村落。 報第 內置 除 事 年 移 予教育而日· Ħ 來深信民 供 移殖滿蒙之政策。 日人謀我之心機 必 八卷第 給 村 本農家二萬 須 得不 長 移 軍 副 出 火 一村落至少集五 治主 本現 力圖 於各 四百 村長 千 政府 戸高 義 各 侵 五 村 五 十四 矣據 掠。以 者。 落 百 問題農家 戸 書記 自 正 日 頁。 日 行 博 大 n 政 轉 本 有 國

稱初文錄 上卷

六十八

權 僕 惜 髓 日 統。 抵 之痛 人 者 犧 制 及 溷 之殖 跡 牲 無 爲 日 苦高 商 所 貨之偉舉實關係 毅 何 學界 民 有 力。 如。 之精 然 地。 此 麗臺灣之慘劇將徧演於我腹地吾黃帝子孫其將從此 中。 項政 此 高麗埃及覆亡之殷鑒其不遠矣乎嗟我國 除離 力財力暗隨諸 時 策安知 T. 鈞 则 之日不計 我 髮關係 中華 現 在不 民國 君 施行 子之後、願我舉國 重 外已有二十 之存 大岩 於我 亡絕續 再 中國 如 五年 前 者至 其 此 愛國 之虎 他省 矣。 大。 默 人士。 察 分。 願 民清夜思之亦 頭 我國 我 蛇 交相 全國 呼。 尾。 人之最 國 無噍類 勉策之。 其不 人 神 士。 洲 國 曾有 盡 大 大 陸將 矣。 缺 力 矣。 做 點。 動 而 呼此次 去。 敲 盡 於 卽 僕 骨 中 無 爲 茅 吸 系 否。

對 於 華商創辦交易所在棉業聯合會演講辭

題。 織 今 不 日 上 敢 中 海 華棉 不言僕紗業中人與棉業有密切關係更不能不言然有兩 棉 業 交易 業 聯 合 所。 會爲 而 抵 組織 制 日 人 上 擬 海 設 交易所事約僕蒞會共同 在 E 海之三品花 紗 布 研 取 究僕係棉業後 引 事不能不 所。 此 事 爲 豫 同 先聲 起。 業 對 生 明 於 死 問 組

言論。 僕 今 H 而 僕發揮此言論。 所 發之言論 並 並非 非 攻 欲 擊 何 插 写其中藉 人亦 並 非 謀位 阿 諛 置。 何 此 人。但 兩層意 盡 我 思應請 良 知。發 諸 揮 君 本 子 問 先行 題 中 注意 應

也。 美花 中 花 纤. 頭 以 情 也。 華 棉 各 所 形。 如 棉業 數 市 由外 辨 產 漲 市 相 百 者官 消 以 地 所 落 聯 前。 息、 出 人。 述。 人 如 日。 團 廳 合 數 有 之 曾 商 何。 市 之文牘 體 會。 三品 傳 派 若 人不 口 面 達機 合 幹 7-, 不 述 漲 軋花 員 可 吾 價 知 而 矣。 謂 同 關 定鳴 至各 自 得 格 耳所備者尋常酬 微 厰、 否。 業 奮 漲 花行、 呼商 小。 市 確 無 鄕 落 毎年 情 調 有 有 面 如 通、 何。 所 也。 態 情 查 衰 交易。 崇、 宜 實 如 落 東 見 問 乎商 此 之信 洋 況 否。 即 海、 度 爲 餘 商 否。 應 無 滙 敷至 之 美 姚、 業 戰 有 息。 水 亦 煙茶 國 云乎 則 如 尙 也。 太 蹶 歷 問 五. 倉、 日 何。 未 六千 七 整 本。逐 耳。 哉。 曲 出 不 辦 部 m 振 政 然 外 也。 口 數百 矣。 府 Ĺ 問 貨 萬 H 分 憂 兩營業 不 日。 處 何 有 通 而 成。棉 加 電報 花 統計 然 噫。 不 得 商 保 逐 及今圖 市 表否 告花 護。 漲 日日日 項 亦 花 面 、籌備 起 不 掮 更 衰 之亡羊 信。 困 至 落 無 市 可 客。 一洋行 之以 謂 僉回 否。 矣。 則 亦 有 欣 附 市 也 無 不 內 補 重 大。 乏 欣 有 屬 面 探 問 稅。 經 华。 然 毎 也。 此 尚 漲 問 有 聽 各 加 濟 歲 中。 之 喜 落 碼 故 新 毎 會 印

蘓

初

文

錄

上

卷

六十九

七十

爲 晚。 荷 能 推 誠 相 與。 堅 結團 力。 共謀 挽 救。 亦未 始 不 能 自 衞 於萬 也。

現 月 以 者 招 來。 日 股業: 奔 人 走京 擬 在 將 滬間。 次 上海設立花 第舉行吾棉 農商部當局。 紗布 業 亦以 取引 中 應 所於是 交易 招 五 所 千 不 紛 股。 能 現 紛設法藉 在 不 自行 僅招 得三千 圖 組 織。 抵 遂即 制。 | 虞君洽卿| 餘股。 批准。 illi 吾 熱 人 對 心 於 毅 各 力。. 購 買 業 數

三品 章 程 如 取 何。辨 引所股票之踴躍則相去 理 如何。 無 人知悉彼 認股者。爭先恐後未幾已 不可以道里計 也當數日前)數及百 三品取引 萬以 上。 所宣布招股時其。 在日 人 方 面。 以

爲 只 能 以 十 分之一 之股份: 售與 華 人。 故願 購千 股者。 僅 得一 二百 股。 種 觖 望情 形常 接

觸吾 日 人耳 主 持。 目 無 我 間。 可憐 人插足 亦可 之餘 嘆也聞日人設在上海 地。將 來貿易情形因 之三品 細章 未見無從揣 取 引所。 內部組織一 測惟大 權 操諸 切職 務。 外 由

再 有 機 緣 能 與諸 君子 在 此 聚談 否。 吾心 甚 **憂不識諸** 君子 有 何 種 感情

我

國

商

人但受其智

壟斷。

仰其鼻

息。

如

大

(連之豆

市而

已。

此

取

引

所

而

成立

識

此

後

保 流證。 何· 交易 方愆約由彼理 所 之性質雖不 一處貨品優劣。由彼定斷盈虛消息由彼傳佈此外凡關於本業 過 種法定機關但其任務關係 商 光 者 甚 大舉 一凡賣買 成 交。 之種 由

種 事 件。 如促物質之進步。助市況之發展。固貿易之信用完全責任均 '由其擔 負證諸 文

各 國 商 場 中。不 論 何 業。 皆 有 此 種 團 體。 樹 交 易 Ŀ 鮮 明 Ź 旗 幟。 堅 固 之壁 壘 者 也。

姑 我 不 具論。 棉業 而吾華 中所受之痛 人所 苦亦已深矣鄕販紛爭無歲無之而 出 口之棉花須受外 人創設之棉花驗 無法以 水 所檢查 、善其 之。 後。 此 數 年 僅 對 前。 內之 商 人 事。 亦

曾 反 對 此 所 之設 置彼時 政 府 與 商 V 無 何 經 驗未能 洞 悉 其 利 、 弊 今 日 三 邑 明驗 矣。 耶 否

耶。 現在日 人將設立三品取引所於我 (上海亦以) 我商 人之不自為 謀而後他人 起而 代

之。 諸 也。 君子 受 外 界之刺 其試 思之我國 激。 而 設 法 商 抵 人急起直 制 之。次 他至 追。 自 一於受刺 行 設立交易 激 而 所能否己 仍空言 無補觀 」乎決定方: 望不 前。 鍼。 斯爲 次第 舉 下

諸 君 子 縱不 爲自 马計。 獨 不爲子 孫計 デ。 諸 君子其細 思之履霜卽見堅冰 之肇端勢有 必

至並非僕言之過激也諸君子其交勉之。

近 日 報 載 日 本 將 退還賠 款。 要 求 在 各 大 埠 建設 紗廠 鐵 廠以 爲 酬 報。 設 取 引 所 於 Ŀ 海。

斷 他 花 亦 紗 何 布 獨 業 之第 不 ·然茫茫大陸上之實業權能握在吾本國人手 步 也。 設 紗廠 於各商 埠。 傾 軋 我 國 紗 布 廠之第二步 中者能 有 幾 也。 沒何嗚呼痛[‡] 花 紗 布 業 如 此。

有机 文 錄 上卷

七十一

商 份 餜 人。未 仔 有 限 細 研 公 知 究 此 司。 花業 事 詳 關係之重 細 章 元。 中 人認股不 程 尙 天。 未 刊行。 大以一 甚踴躍之原)我國商· 而 各方 人獨當繁劇。 面 人對於股份公司鑑於前 因。約 接 洽 者。 有數端請分別言之(甲)上 尙 未 能 將 此 事原 任。 車意存觀望。 委懇 切 述 海 交易 明。 故 所股 各業

行業

資

本

五

百

萬

事業浩

恐

未能勝此

重

據 幷 易 而 分頭 所 論。 僕 看 正 由 詳細演講各本業生死關係使各業咸知本業交易所成立之必要(乙) 式 七 來。 此三項 成立 中 醴 後。 中。 《再行定奪》 各舉一 疑 間。 皆 人擔任收款彙存銀行。 不 足慮 (丙 照原訂 也(甲)請原發 章程· 七種 非 起 各團 行業 人。 協 連倉庫 體代 同 各 表 業 学業僅受成: 如 重 製簽字 要 人 物。 不得 釐訂 於 各業 刨 理 動 就 事 用。 棉業 俟交 長。 細 此

於 機 事 實 聚 上。容 於 處環 有 阳 球 隔。 各 時 國。 未能辨 無 此 辨 法故鄙 到。 則各該業不 見以爲 妨公請 各業交易所當 理事長名譽職。 由 各業 自行 設 組 承 織 之。苟其 F 啓下

關。 亦 未 爲 不 ग्र 事

難

辦

到蓋萬

無

此

全知全能之人。足以獨當八面。

勝任

后愉快。

況欲

以七大行業貿易

僕 於此事呈文及部批尚未曾仔細研究然有一事請諸君子切勿誤會此次農商部批准

其端 非 此 由 虞 項 有私於己 耳幸諸 交易 君治卿組織交易所云云虞君係原發起人資望才力信用道德爲滬商冠而虞君 所。 大可 也苟各業知自謀虞君义焉能越俎代謀故此事之主體在於各業虞君特發 君子量力認股成此偉業不獨本業之幸抑亦我中國之幸也。 以 抵 制 外 人 壟 斷。 故 不惜犧牲其 、寶貴精 神。組 織 斯舉實 爲 大局 計 耳。 並 以

箴國民

交失 益信 我 其 先哲有言義勝 蹂躪 舉 私。 此言之不謬蓋國民爲 置國事於不 敗。 國 陷 人權者以一種有力之警告一方面追源禍始集矢於曹陸章輩人民與政府徒手 民澈底覺悟 我 國 欲則昌欲勝義則亡敬勝怠則吉怠勝敬則滅證之我國革政以 於 問而後武人政客得逞其爭雄攘利之陰謀辱國喪權問 屈抑之地位 · 犠牲 一 國家之主體民德不競卽國家危殆之禍所由起國 」者實我國口 切。 置 |身家 於不 民前 顧。以 此不 負其 救 國 爲 愛護國家之責 前 提。 方面 任有以致 属行 知羞 消極 來之往事。 民 醜。 之抵 之。 年 而 來 各 者 外 私

燕

初

文

鍛

上卷

七十四

塵。 利。 府 奮 富 民 意。 小 務使 惕 鬭。 起 小 依 然 强。 於民 愛國 而 試 然 而 若輩 禍 國 處 驗。 知多數國 學 以 氣 政 理 國 之激昂。 姎 腐 者 勇 不 民而毫 於赴 得 **羣起爭持商工各界咸** 至 敗 繁則 稍逞 若 士。 此除曹 義敬 勉 決能服膺六韜尚義 從國 其好 今後 無顧 以 民請 將 應 狀。 忌者未必遂無其人。 陸 章三人外尸其。 如何 事 則 故爲 政 求。 儲養其 海澄清。 罷 免曹 舉 表同情罷課罷市幾及罷工。 主敬之教訓。 世 陸章 學 所 政 力。 諒 治 咎 八則我國 以平 解。 庶進 煅煉其志行淬厲其 者。 卒 ÏE 以發揮 於軌 大 得 衆 民今後對於 初 有 怒。 步 道。 人 誠 吾國 之貫澈。 我 在。 可 謂 自 中華民族 民報 於 全國 今 域 政府之措置。 精 然 以 民 與政 國 神。 時 往。 響應莫之能 之任 之精 爲 事 步 國 糾 曹 府 務。 效 戰 紛。 神。 陸章之後 惟 用。 經 更宜 爭 待 樂。 以 之勝 所 此 我 求 患 國 注

學 今後 養 之大局。 未 到。 及 吾 有 所假借 爲 此 懼。 者 用 流怠氣 特 引 亞 中 聖 一之欲念 願 無 伐 敗 善之名言爲 乏。 相 率 而 吾國 趨於自殺之一 民 勗。 途或 **| 牽連而** 遺

績。 回 某 溯 然吾人試平情思之。革政時喪失 某之 民國 夕。 革新後所謂。 如 何 遇 險 菜某 大偉 人中偉· 之役。 如 人 小 律· 生命 何 盡 者不知凡幾此若存若亡之共和政 力。 八者幾乎即 傲 睨 世。 舉國皆是聆 若成· 立 民國 其 之巨 公言論。 功。 無 體。 非 非 不 誇 斯 知犠牲 伐 人 其 其 誰 功

痛 無 在。 數真正 國 苦政局紛更民生凋疲皆發端於此伐善之一念故予嘗謂此種偉人罪 **諺有之日善捕鼠之貓不善鳴然則以有功於國自鳴者其人格** |愛國志士之頸血之心力而得之彼紛紛擾擾者徒促國家之命運增 亦可槪見矣鑒前 ,則有之功以 進國民之 則 安

後吾人又何敢已於一言哉。

此 天 所 阿 以 可 教令後 職。 私所好。 欺 次抵抗政府全國 得 相 本 無幾而羣力之活動國譽之增高實足令人欽敬深願我國民本此强毅不屈之精神。 無 待。 之難局。 功績 人人光明磊 在 外人間、 之可言惟吾民以習於寧靜無擾故在己以安守本分自策。 毋因 一致無論男女老幼智愚賢否皆有所犧牲此不過聊盡國民應盡之 以 無能 落始終恪守尙義主敬之良訓以蘄達救國之目的則我國前 循。 毋驕縱毋偏 力 無團 結 激犠牲 相譏 諷。 小 此次羣起力爭表示吾民 Ž. 顧全大局不求 名。不 圖 族 在政 利。 固 有之精 不 所以柔愚 涉 黨 **神。** 雖 派。

箴青年

不相初文 錄 上卷

予何 民 爲成功耶且予素落落不克與世周旋撫躬自問缺點尙多自懺尙不暇安能爲青年進箴 立言 申 報宣 國 綱 人 要俾述『已往事跡足爲表率』者。 達民治的積極的精義牖啓國民願至宏也此次紀念囑予撰辭用廣策發並導 斯曷克當此予廁身實業界僅辦小廠三數家比之歐美事業 年。 上 海 申 報 館因雙十紀念特出增刊策勵共和意至 及 跡 其成功之史足樹圭 美也。 家。不 擾 泉以作南 攘 · 及 百 十載。 已成 二。 豈 針 者。 噫。 遂 陳 足 以 跡。

勗。 規 焉 耶。 敢 雖然。 重 申報諸賢哲切望我國 **遠雅意藏我一** 得之愚乎故不揣簡陋將素所服膺之數大端。 凡百事業能發揮民治的 積極的精 神。 與諸青 使予進一 年 言以爲 商 榷

於 予年十七時嚴父見背知非自立不足以圖存始黽 毎 年元己盟潄後卽按豫定本年欲治之學業開始 勉力學植提綱挈領愼始要終之主 攻治若干時刻。 餘日依 時 攻治以

社 會。 本此 精 神。 於各 學 術上。 一伸己願⁶ 求。 可 永 得 不斷之進 步不論治何 學術何事 如是

如是已三十年。

並無所

苦但覺在

在覓得無窮之樂

趣人

生不

過數十寒暑

耳。離

學校

而

恆。 成。 事無 不舉矣願我舉國青年注意者一 也。

人 治演進事業繁興雖然有事業不能無組織。 而組織全賴乎團結團力之固否即事業成

之場。 敗 事以 己待遇之失宜有爲之士當 泛 所 誠苟或有力所不逮處事卒無不 亦 由 無 判團結因何堅固永久乎日惟恃誠意而已人與人交接間無往而非 往 而 非誠意感通 之地。 引以爲大戒勿輕責人先求在我 我 果 · 濟。 痛 待 人以 心國情者動日難覓三人以上之團體。 誠。 刨 偶 有 不 如 之所自 人意 處。 盡願我舉國 人 恆能 相 性情 諒。 青 而 我 年注 忘 果 試 自 處 驗

今之計惟 力冀 不 之十一齡童子耳於此短時期 人 小 成 如斯。 功 大 (成。當 不罷休成功亦不 政局 有 修養我定力啓發我智慧增 機 如 不 斯幾乎無一不令人失望 問 違 順。 不 罷休願我舉國青年注意者三 懾 不驕從容 中。事 事 欲求與歐美相匹敵共和大業豈 審處。 進 我道德鍛 m 灰心雖然民國 連 積 極的 鍊 也。 心思才力與循環起伏之困難 我 精 成立 神。 應務不 僅十 求 年合今歲計 如是之易就 近 功 不 厭 不 倦。

意者二

也。

相 妨 生 助。 害他人自立 在 有 志之 世。 飲食 居處。 儲 之精 能 無 蓄 力。 一不 神爲限若不勞而得食爲吾人絕端所不 勿 存 賴 乞助 人力之相 之心 助。 以 以 求 小例 自 立。 自立 大國 家 有 ·社會之成 餘 力當扶! 許溫 立莫不 助 危 濟 丽 開幸獲之風陷 困。 深 量 賴 力 羣 助 力之 以

初文錄 上卷

七十七

情德 多 色咄 無 知 四温 無 恥 者 人舉非助人者所宜出善乎唐睢之言曰言之有德於人也不 於 人願我舉國青年注意者四也。 不自拔 之途是鳥乎可此予 所竭 力主張 限 制 的援 助 法 門也雖然 可不忘也如

是而

後

可

·以言助·

有己。不. 人各有 小 相 宙。 自 草滿 然斷除 忌由忌起謗遂開衝突徒知責 原 自澄淸性海 二小天地。 知有他植物何知原無足怪人類素號靈物宜以禮義自制示異於無 庭。 咸 口 1孽祇求5 類陽 光以滋 安能逞性拓展自己地位侵入他人之範圍逞舌鋒以謗 始願我舉國青年注意者五 所以 自立 長甲求遂己之生而 之道。 人不知返省紛擾由此抑知掩短表長怨憤可息澄淸宇。 敢信 口雌 黄。 掩 也。 乙乙求遂己之生而掩 與人以難堪 矣。 世 俗恆 丙互求 人 情。 者 知之物情夫 滋長。 同 苟 喻此 名 但 利 知 則

業所產 我 用 無 國 之。如 才之可用嗚呼人特患不知勉爲有用之才尤患不 土 是立 廣 生物質胥人類 人 衆。 可轉貧而爲富轉弱而爲强人日求 而 日患貧弱 之幸 一福無一可容 者。 無他多 廢芍多數 (廢時廢 事而 學 者明 物而已人才爲國家之元 知利用廢時廢物作新業之領域耳。 苦無業之可託豈知 此。 急將向所委棄者。 、事日水 氣。 時 間 人。 正 設 法 乃 利

哉。 願 我 舉 车。 國青年 注意者六也。 人才特不 所以救之之道故成此不易收拾

思想 十 民 牟. 國 也人自為 來擾攘原因在乎見異思遷之無恆心也。 紛 擾 (無已我 戰之無互助精神也喜自衒 國豈 無 出 衆 以市 **爾詐我虞之無誠意** 知 舉每傾 軋而 妬 功使多少人 也 因循 苟 才。 且之無 之局 相 積 消 滅 極 耳。

嫅 不 乎此皆前· 次 升 灌。 也一 人徒有才智而少修養之所致也吾青年其誌 敗 **塗地戾** 氣 所 在。 殃禍 **阿至** 兵 凶 水 早無 蒇 之使團某西友有言曰中 無之蒼生何 辜。 蔸 枕 國 藉。 現 吁

於積

不

相能

之中誇毀盛行流毒國家之至堪驚懼

也若

7-

华

來某也富貴某

他逃亡。

某

也

在 無 希 堂。 希望 者 惟 小 學 生。 雖 然。 小學 · 生能 生而 擔當 蚁 事 耶。 西 友此 言。 希 望 我 全國

靑 以 年。 造 國家 悉 心 問 無 學從事 限 之福 修 利。 養。 果爾則十年二十年後中國之富强可立致而申報諸賢哲指導策 勵 行 衆 善斷除 諸 恶。 人 人植 以 抵萬 合萬 爲 之大願 力。 起

勵於民國者至此可大慰矣。

翨

今日青年之任務

羊 欲 抵 此 價。 年 惟 苟 如青鉛以終身言則青年時代之光陰爲最有價值之光陰 而 問 萬 斵 無 補牢責在今日蓋來者 亦 成 者。 爲 青 金凡善用。 過 限 罪徒。 效 喪 稍 年 因 之缺 往今日之所受者是欲 ·會所能 其 有 昭昭無煩贅述予今不爲青 有 道 或 腽 純 有孤 憾者惟賴今日展後此無限之希望者亦惟賴今日今日之代價。 德 別。 粹 之學問題 也蓋青年 諺 今日之時 學問 心云青年 陋 寡聞 及 年 道 體 雖 會。 德 魄 而 時 光 者皆默許 爲蠢漢。 耳。然 者。 可 代之光陰 乃陶鑄青年之機關 問將 追。 斷 而 而 乎不能嶄 未雨 誰能 來今日之所 或 年會進若何之讚辭而僅就青年自身乘時 其然 有體質 如黃金幼年 栽培 綢 也。雖 繆。 然 一虧弱 露 青 惟 爲者是往 在 也青年會之有益於社會國家以及 然。 年 頭 而爲病 今日 德 角 時代之 人 生於世。 於社 性 才智 也。 光陰 會中 也但同爲青年。 夫。 者 今日之爲 其何 皆有 不 魄 可諫來者猶 力。以 也夫青年之所貴 如 故邪蓋 今日。 白 銀。 成完全之人格 時 雖 基 而 凡在青 或有放僻 年 今 至 可追。 日 暫。 時 代之 刻之 進 每 但 刻之代 平 年 取 然 欲 世界 之 時。 光陰 爲 微。 邪侈 者。 而 補 趸 前

思 維 之鄭 重提出今日青 年 任務之一 大 問 題爲 舉 世青年 告。

宜 擴 光 可 貶 中 奈 身 歷 日 日 剷 展 以 膺偉 主 平 國 刼 何。 得 除。 世 平寶 販 爲 礟 此 ${\mathbb L}$ 不 業 界 權 奴。 路 彈 穫。 磨 轉 大 不 之 謀 大 之 相 不 使 咎 藏 瞬 原 知 獵 戰 大 中。 術 由 見。 利 命。 無 料。 白 争已告 酷 數 業。 入此 自 量。 引 不 用 取 髮。 之行 烈之 領 爲 可 前 之 改 取。 時 以 機。 新世 全 無 湔 四 不 造自己命運。 一球視 禁。用 終 爲。 滌 戰 得 見 顧。 **界當知**: | 本相 古 求 數 其 爭 。焻 北 雖告終經 矣。 線所 誰爲 十年 之不 建 人。 不 設者 漁 國 後 屛 際 汝 之積 棄。 竭。 集 世 與改造世界命 不 不 之罪 可 身 見 盱 界 和 有 注大勢所趨非深閉固 百貨 濟聯 平 爲 來 以 互 恥。 衡 相 發揮 得 空 言。 世 者。 全 界所 之最· 提 盟。 魚不 氣 球。 非 如 青 此 無 其 和 中。 攜 誰能能 奮發不 以 年 有。 責 大 平 大 **運胥從汝** 限 更當. 有吾 排 Ż 謀 量 人 任。 洩地 乏光 出最 口 均 戰 實 進 爭 可 裏 知 在 人 **已開始**。 心機 樂擒 以圖 之建 所 世 拒 大 者。 棲 吾 界為 之貢 息 非 應 于 可 了 議。 中 億 地 我 拏 存。 出 汝所 蹉 青 事。 中 休養 此 乎。 而弱 Ŧ 獻。 跎 國 萬 轉 年 年 我不 補 一乎農產 生息於振 念間定之青 肉 蹉 有。 古 否、 Z 人 自 强食 瞬 跸。 手 雙 間 否、 不 不 無 肩。 之 爲。 人 缺 磨之公例 夀 斧 時 青 人 旣 然。 憾 始代 豐。 興百 不 機。 幾 柯。 年 者。 爲 創 礦 耕 何。 非 藏 造 我 業 也 亟 汝

八十二

美國 威邇遜 示 汝前 總統單軌主義造成光明燦爛之新事業爲全地球人所馨香拜倒者之祕訣。 矣今日最大之任務已來汝前幸勿遲疑觀望一任大好時機之逸去請進

步與青年諸君論今日任務之必要。

一須陶鎔超越羣衆之德性

吾其: 奢侈乃自滅之媒,吾其救之以樸儉蹉跎乃自戕之刃,吾其救之以精勤,詐欺乃取亡之途。 吾其救之以誠實傲慢乃集矢之的吾其救之以謙恭暴戾乃孤立之階吾其救之以和靄。 **欲築莊嚴宏大之住宅必先奠定至堅實穩固之根基德性者乃人生堅實穩固之根基也。** 貪鄙乃殺身之漸吾其救之以淸廉鹵莽乃僨事之由吾其救之以愼密厭棄乃 刻薄乃召禍之機。吾其救之以仁恕具此人格無論入何方面皆可以水乳交融任孰 可 以俯 救之以貞 仰無憾青年人欲爲今日任務之準備不可不首在此煅煉德性上下至大之工 恆紛歧乃致敗之門吾其救之以專一輕浮乃必傾之兆吾其救之以深 無成之證。 職 沈。

一須儲蓄建設事業之能力

物 切 驗。 辦 事 事 能 業。 力之所 皆須 得 富 HI 驗。 有辦 出. 凡有 事能 M 途。 力之事業家為 識。 爲 適 用各該業之 之主幹而 大授僅 之專門學識。 後一 切事業賴之以 爲 識。 處理各該業 舉。 此 之實 主 驗能 幹

事 擬 者。 議 除學 而 不 識 能 建 經驗外信用問 設 有 學 識、 專門學 有 題尚 經 版。 矣雖 苟不 然信用: 爲 各 方 非 面 憑 所 取信。 空 可獵取。 斷 乎不能 有 亦非 據 旦暮 有活 叫 幸致故篤 無實 動 地 位。 則 志之 欲 集

與 艱 地 難 位 卽 戰。 因之而 戰 勝 時類 若 逐步 宇 層 加高此古今中外 艱 難。 卽 州 長 不 避勞 若干 事業家成為 分閱 辭 歷。 造 地 就大業之不二法門也審乎此。 位 出 之卑 若 手 分成 不 績。 信用 ·酬報之豐厚。 刨 因 之 而 然後 逐 步 可 擴

事

業

家。

初

入

##:

拧

不

憚

艱難。

苦。

不

陋。

求

娲

智

盡

能。

經

僅

有實

在

松工

而

無

可

小

就

而

不

मी

專

而

在

經

之前 與 慮 盲 पंग 覓 辦 途 事 111 最 子之要旨世日 寥 根 闊。 據 地擇業既定而 何 者 界 與 吾 III 之德性以 問 性 之事 習 後可 才能 業 以言進 最 無 相 限 近。 量。 未 取。 何 者於 進取之途亦有二一 下 手前。 治 聲· 宜 應氣 先 熟 求 審 中 何 爲 最 者 佐 適 爲 理。 合。 社 會最 卽 爲 從 需 建 此 精 要。 設。 何 佐 密 理 者

傑出 三之事 業 家建設 之事繁扼要言之可分爲四時期者調查若 組 織。 若開 業者拓 展。 均 爲

簡。

A

具

有

前

述

各種

及

上述

造成信用之諸

定例。

刨

得

步

步

成

功。

而

爲

卓

事 業 建設 家 必 不 可 缺之程 序予也 插足棉業中請就予在棉業中建設之大概爲青

約述 之以備以 職業界後起之英之隅 反。

額。 其 一調 與消費數 查 上所有之事。 之比較以及歐美各紡織廠之優點。 如原料之產 區出數之多寡物質之改進輸運之利病全世 內國各紡織廠之弱點凡此種 種皆實 界產 地 出

考求至了然於胸中確有把握而後已。

會需 其 次 要之種 組織 上所有之事。 莂。 勞力供給之狀況工 如地盤之規定經 場氣溫 濟之概算建築工程之主張機械 之調 **灣發動** 原 力之取舍保持拓展 能力之研 之豫 究社

外 不 測 之防備。 凡 此 種 種皆精密籌措至毫髮無 憾 而 後 已。

衆 叉 其 坦 則 次開業 待 白 遇 無 낈 私。 誠。 無 後 內 收臂指相聯之實益受時事影響措施不 所有之事如處事處羣方面定權限則部分清劃俾各知職責之當專對 部 糾 紛之現象觀準 出 路 來源買賣 自有權衡。 亂。 出百 總持 折不回之精 穏健不 搖之 神。 任局 尶 度。 外試

予承受資本家付託以來夙夜非懈以自勉策而行之有效者也此外如出品方面。

以質

地

種

種。

皆

破

情

物

理是非豈容混

視。

取當

機立

一斷之施爲勿謂言之匪艱行之實難凡此

殊 收 嫌。 之自 慾 設 揮 業 發 點 展 則 力。 不 用 望。 己 者。 務 達。 且 戶 剔 一他國 原 有 殺政 口 總 待 之 必 未 滿 乏局 掩 選 其 有 要圖。 有 行。 時 何。 拼合 之事 意當 策 人 不 在 無 地 機。 定之 耳光乎謀 必 節 幾 勢。 點 原 但 兩 之不 事 代 實 補 節 之當 俱 此 有 何 諸 救現 限度。 也最 為 進 地 時。 中 不 荷。 滿 人。 盤 某 否。 得。 有 行。 足之穴空 以信 固 吾 後 轉輸之便捷望原料之低 如軍 1-0 在 則 地 册 W 類能 指 則 之缺 某某 尤 寧 要 不 善 行言。 視乎主 爲 點。 事 施 守 供 赤 家 不 拓 點。 地。 拙。 誠 力尋 甚適 則 爲 給。 展 又 則 至 而 事 (設置 尺 自 Ŀ X 於 人 力 風 矢。 寸 優越 當 必 所 入胸中: 圖 才問 至。 拓 有之事。 然以管 分量 若 開 代 必 事 展 之陣 然之 發爲 寫 業 題。 于-後 供給 分行。 之必準以聲譽言。 不 有無智珠以爲 功 勢也故言保 理 爲 廉。 不 地 世 效 者雖然最終 界各 之吾國 進 稽 以擴 之 財 造費務使 取 核 若 力 上言之兢 者 國 則 問 張 何。 退 其 I 題。 也。 工 則 (營業 商業 休。 後 苟 其 守 商 斷。 視 兩 拓 措 減 非 者 而 家 不 則 第 擴 色澤 兢 展。 Z 豕 輕銷場力求 不 गि 具 施 不 按圖 天則 業 備。 旣 範 能 固 惟 求 滿 業。 步 圍。 韌 共 爲 奮 進 ___ 之方 到底 其不 適 足 收 ガ I 必 進 而 及 索驥此 當。 吾 有 商 者。 斂。 常 後 勿怠。 國 蓋 家 能 鍼。 其 令 此 濟。 事 乃 業 發皇 實 增 從 人間 眅 如 故 所 業 民 失 旣 某 廣。 則 戶 事 占 界 之 發 爲 無 其 其 甚 拓 地 地 吸

藕

初

文

鍭

上

卷

八十五

業 昧。 各 他 則 然。 爭 如 如 未 之。 其 材 辦 易 其 ___ 性 各 使遺 他 有 以 諒 各 揭 短 設於 之則 事。 長。 示 不 亦 也。 大局聯 持 方. 何 言以 成見各稱意 獨 右 無難處 不 恩 然。 蔽 引 義。 之事業之榮悴一 伸 之人人有善。 其 則 材 觸 不 办 以 類 變化 用 湃 之。 藩。 ήŢ 則 無 雛 視 機匠 方骨 揚 俯 乎當 川揚 仰 木工 任 無 之。不 平 事 þ 棄 者 ijſ 建設家之活 辦 共席定處分。 失直道於斯 之材人各有習 事能力之足否鳴 用其 民。 則 不 性。 心 人 徇 有 才 不 忍苛 情 過 呼辨 而 當 面。 求。 雖 爭

真 地。 不 遺 才 不 過 不 涉 誤 足 失 券. 於再 於交臂邇言 於 政 抬 四。 之旋 事機 好察下問行 Ľ 渦。 告。 . 任誰投信。 至。 **鈴重** 不 觀 公 不棄夫 望 财。 以 不 因 芍 · 惜紙 爲 循。 意 以 嚮白 挪 船。 事前必豫算 必隨答 用。 愛情 斯 不 零 兼 11.14. 1 不 勿 物 稽 致竭蹶於臨 不 **uu** 並 此 任 騺 種 Įţ 不 種皆吾 置 消 耗 身 時。 於投機 事 有 後 答 必忖量。 就 芝 商。 險 則

良

朋

至

戚

必

開

除。

不

納

浸

潤

譖

言。

攻許

之風

不

啓

不

受包打

諵

託

鑽然之輩

不

來

片

語立

談。

仐 H # 界 1 1 平. 是又 鳥 गि 以 忽 諮。 不

憚

煩

必開

滅

以相

則不

mi

凡

人

應

4

接

物

||||

真

肝

膽

肵

HH

表

兄

大

IJ

業

所

FH

成

就

之惟

徑途

也。

我

青

年諸

君。

人人

欲

有

所

建

敨

於

年乎天不生吾人於百年前關山鎖閉之時代。天又不生吾 人於百 年後政教修明

代。 炭。 爲 吾 甚望 吾 全 國 青 年 各 就 所 有 之 地 位 盡 汝 天 職 吾 尤 望 各 地 青 年 會 青 年 各 就 所 有 之 地 賴 位所操之業務發揮之光大之盡汝應盡之天職爲舉世青年立青年人格之標準去其倚 之歐羅巴,又不生吾人於主張正義人道之美利堅乃竟生吾人於共和草創後生靈 非常紛擾之中國雖然困厄者幸運所從生憂危者聖明所由 千 他 浩浩前途造詣 誰中堅人物福國益羣係汝責任振頹起衰係汝本務願與吾舉國青年交相勉之。 偏 載難逢之機會已至汝限前百年不朽之事功卽在汝掌襄今日何 人之謬見而拏定希望自己之決心更去其 生吾人於 ·十世紀初葉生活競爭非常酷烈之時代天不生吾 有誰敢汝限冥冥屬意使命已界於汝身今日青年之任務關係至 坐待將來之迂計而實施 出吾青年至 人於連 日。 利用現 萬金一刻青年 而 果不自 年血 元在之敏 飛 [非薄 重 肉 大。 搏

派遣女學生出洋遊學意見

管 氏 有言一年之計 初 文 樹穀十年之計樹木。百年之計樹人、人才與國運有密切關係古人已 上卷 八十七

特 以 我 計 舊 及 人 才 矣吾國自 馭 新 氣 運。恆 海通以還與外人接觸步步退後至近 有 不 能 從容應付之憾近二十年 年益形窘迫非 來時局愈艱難實業愈消歇起 吾國 無 人 也。

至 近 4: 民 國三年明回國時留美學生。 出 人。此 洋 遊 學之士益盛憶八年前即前 學生言之耳其留 已 增 至八 清 宣統 百七十餘人視宣統 元 1學生之盛。 年明在美時留美學生僅 元年。已增六倍有奇聞 矣。 有百 四十

今已

達千

僅就

留美

歐

벫

留日

更不

衰

策

進。

任

在需

计於是

乎

派遣

遊

學之事

起。

費 留 盡 務 義 生 學 上分 回 務 有 國 者。 幾 自 後定章須任義務官費生畢業回國者。 有 何 費官 幾 人。 舉不 何 費 人。 其 得 兩 未 種。 而 白費生畢業 確 由 知之吾人 政 府 派 任義 之所 回 務。 國 知 im 後。 者。 由 仼 已大有人在其由政府 不 本 何 人自盡 過 職 少 務站 數急於就 義 不 備論。 務。 或迫 事用 今 一於處 ·待言 祗 非 就 派 境。 所 官費生言凡官 以相當職 學之人其大 勢 不 能 任使 虚 義

盡

義

務。

或

力

有

不

逮。

不

能

盡

二義 務均 。

之用

其所

學

也。

卽

使長

才短

用。

循

序

漸

展

布

其

抱

進。

在

社會

事業

上。

稍

多

數

新

八才畢業日

回

[國後政府不之用,其懷才而深願爲世所用者或能

造

腷

於邦宗然由實際上觀之脫離宦途獻身社會亦寥寥若晨星吾人之所確知者多數

人物無所事事覓一地位難如登天使各人自己之大好 光陰與國 家前此輩

大學費舉消磨於 無何有之鄕亦良足痛 己男學生且然又何論乎 ·女學生。

雖然社會新潮流方層出而不已出洋遊 此 生。 礼 有。 新 後 會 潮 此 無 之新潮流爲派遣女學 流。 數之金錢實際不能收幾何之效果是空增國家 大足以福國 利民如其不 生有此潮流既經造就之人才如其盡爲國家社會效 能盡爲國 學亦新潮流之一 家 社會效用。 社會之負擔而 則 種前此之新潮流爲 此新 潮流徒足以 已於福國 消耗 派遣 利 男學 國 用。 則

子芍 今請 無高 就 派遣女學生言之彼提倡女子遊學者以爲女子天性與教育事業有巨大關係女 等學問將來辦學不免起幾何窒礙之處。

何

然 、學程度既不甚關心更降一 以 則 競言 故 派遺女學生矣而 派遣之人西文程 度到 其未嘗出洋以前。 步叩其所習科學之目的若西文也若美術若家政者醫學 彼能卽入大學 如 與否。 何 堅立根柢。 示問[,] 也。 如何 文之程 一十分預備的 度更不 則罕 問 有計 也。 中 西 及

最普通 之目的故占數爲最多其他有裨於自立立羣之新學術。 男學 生有視爲畏

初 文 上

利利 文 岁 上 答

途者固不得苛求吾女學生。

玥不 敢謂女學生不應派遣留學惟以中國金源窘迫上下交困之現狀言之覺此舉大可

從緩斗請進言可以從緩之理由。

女子 心神外不過求家庭間之歡感而已然中國自有雅樂如古琴等精其藝者可以驚風 讀 西文非急務. 即西洋音樂圖畫等美術亦非甚急之務夫音樂舍學校 與會場 雨。 調 節

鬼 沁神此項國² 有絕藝反弁髦棄之偏讓日本音樂專家銳心研求起承斯乏。

四 者於家庭之布置兒女之訓育以及凡百工業之助進於女子獨立自助事業上。有無限之 畫長於寫 生與 我國 畫術之重意匠略天然者相比較固大足供吾人之研 求。 其神 致

作用然擲國家巨萬金錢而僅易得此戔戔之美術似已得不償失況學焉未必果盡盡爲

未必果用則不值益甚矣。

耗費多金生利之程度。未嘗增高用財之數目隣於豪奢是自趨窘境而已夫何苦而 政 (烹調 裁 縫各 學術國 習既 不同施行 即不 適。假 **令爲自己家庭**作 欧化計 種 種 出此。 設

至於醫學爲進化國重要學科人民之程度既高生命之防衞益急邦人士苟由是竭力注

我 重 家庭 國 權之事。 衞生公衆衞 叫 以 斂 生自治事業則必隨與俱進則他人雖挾蠶食野心以來而。 求。 。固宜急急 然而 女子學此須 得終 身 守不 嫁主 藉 口 以 蝕

克鞠躬盡瘁造福人問否則所結之果能有幾何。

更進 思 他 想。非 國精 ___ 步言。 有 華僅有國學根柢亦有所未能必也兼。 衂 學根 有高等學術之女子方於社 柢 不 可。 國 學 根 柢 既深。 方能 會有關係然在社會上作事非 吸收 有極高深之西文程度始能進彼大學然而 他 國 精 華。 以 補 養 内 國 有 思想不 之不 定。 欲 可。 欲 吸 收 有

卽 計是一人學費須備金錢萬 萬 得 此 中 西 兼長之人 才遊 元籍 學耗金 令中 四 卽以留美論。 兼長之女學界人才既 歲 必 毎 人擲金二千元卒業 得。 每人萬金之學費旣 以 五

求

之現

在欲

(覓若干

·中西兼

長之女界人才恐

不多得。

學業既告大 成。 日 回 國 必 在 國家 社 會擔任義務始有裨益然獻 身國家社 **心會擔任義務**

云云。求之男學生中。尙不多得而況女學生乎。

由 是觀 之浪擲內國 多金僅弋獲一女學 士頭銜而已雖得 與外國 女子相媲美而實際則

無補

鞘 初 文 錄 上卷

以 然 可 也。 金錢多設若干女學校使一般女界俊秀共增知識使我中國國家社會實際受益之爲得。 歲 则 日 女 派 緩 學可不必急急提倡乎日否否不然女學之提倡實不可一日緩惟拙見之所謂 女 :者屬之女學界之普通教育因普通教育最適用於現社會最爲 學 生十人出洋遊學投金錢二萬元於不必收獲效果之鄉誠遠不 社會所需求者 如節 省 此 項

玥並 要所缺乏之學術有若干種及到美後見一般學子所學者大牛非國家社會所需用之學。 經 回 國 濟 後。已 力充足有一不足卽以從緩爲宜。 非反對派遣女學生如能在派遣女學生出洋遊學時第一中 一事。誠非當務之急故發表拙見求教育界相與研究而討論之知我罪我舉不 一年 -有半益痛 心於幹濟之才之缺乏培育之力之不足服現今大勢論。 玥未 出 洋以前。 涉足社會多年。確 西學問程度充足第二 見國家社會所需 派 計也。 遺 女

實業上之職業教育觀

我 職 業 教 有 社。 舉行 第 屆 周 年 紀 念大會承黃任之沈信 卿 兩先生推 重囑備 演 詞。 固

不獲勉將鄙見所及者爲諸君子揚權陳之。

謂 夫 之 定之行 其 非 上 百業 其 裹。 且 職 地 業 之 新 無 隨 以 、務之天 位。 論 職 業 之衰 意 其 名 始 業。 之 變動。 詞。 此 何 終 時 解釋 盖 種 如 卽 敗。 常 則 微 農 職。 孟 胥 吾 不以泛泛之職 視 變 · 有 一。 一 細事 人 由 目 必 動。 人 子 之務 如 所 於 身 則 平 故 業業 是方 徒爲 謂 此。 如 其 不 就 旅 力 所 r^fi 暇 凡 न 之者皆得提起其 人 業 若 Z 田。 研 答。 餬 工 事 之業當 司 以 究本 對 人 口計。 此 上言之。 者鳥足 视 人之務勞作。 修 職 無 之而確認的 業盛 愧 其 守 惟 利 以 如 平 天 凡社 茇 以 傳 爲 爵 祿 行 之是求。 業名之職的 者 舍。 得 職 職 自己對 失之原 業 是。 精 商 會 業 不 中人各出 家之徽 負 家。 人 神發揮其能 人 が世人不 之務貿 此 其 不 因。 於所 業 論 應負之責 外 託 無研 號字 槪 與行 易 置 祭。 業 事 其 業之 之。其 力擴大自家之責 本能。 以 等 究。 何 有 不 顧。 皆 故 任。 致 途。 絕 以就 大天 是。 異點。 無 其 不 無 對 人 居 對 專 於 進 盡其當盡 ___ 業常遷 步其能 職 心之不 容易 於所 就 多 所 方面謀生之途。 在此天 天 立 良 圆 業。 地 之心 轉在 上言 良。 亿。 任。 别。 力之薄弱 旣 職二 增高 皆 固 如 事業場 則 力。 有 之。 去 無 字。 久於 發 所 待 來 我 世 並 業 國 達 如 無

爭之時

倘

何

有保留殘喘

之餘

地

出 轍。 代。 鳴 呼以爲謀 不忠無甚進步之行業家尸位於百業中陷百業於頹敗處此 平。

遠播響應 振興實業 救濟現社會困狀之呼聲日高振興職業教育力謀實業發展之主張一致。 **甚捷吾人提倡此職業教育說僅及一載而職業教育之聲已洋洋乎盈** 耳。 幾幾 風

乎合全 願 教育界之提倡職業教育者從實之一方面進行勿從名之一方面進行也從實之一方 國 各學校。共入於職業教育之一途矣。何君子豹變之神速也雖然名者實 之賓竊

面 進行奈 何卽無論舉何事業行實地之研究是也。

僕 沙紗業 工業家應盡之天職而改良物質振興農產亦屬紗業中人所應注意之一要事。 **取最善之處置舉** 中 人也請以 · 凡原 紗業論欲求紗業之逐步發達得永立於不 料出數之多寡品質之優劣以 及社會需求之狀 敗之地必須行精密 (光) 盈劑 乏調 虚。 固

不耗 I 廠 費材 之管 理 料。 方法亦非常 且能愛護機件尊重 重 要全廠工人至少有 廠規惟日孜 **孜盡心工作彼微物細故間往往發生至大** 千人以上如 何 而使各工人不 空費 時

此外

商

之關係凡處理其事者又鳥得一日疏忽之。

要 至 顚 在 Mi 棉浆 於 必 撲 潍 製 此 不破之地 之發 造 J. 方面。 無 法 以行 展 憾 如何 振 随 然 之矣五。 後 與紗業之道 之實業救時之主 使造費節 銷 路 相競 H 暢 減以增進事業之繁昌。 而信用 如是振興他業之道。 爭。 瓦 相 張 公如克 進 日 厚。 步。 循 芍 其一 環 精 m 厰 亦 此 進 何 如 靡 種 如 獨 是。 何 種 有 已時。 各廠 使出品精美以投合主顧 不 大問題豈彼遊移不 然如凡百農工 皆然。 夫 然 後 則 我 文 (明之競 國 商 紗 完視職 礦各業。 爭 立 足 斯起。 之需 業 在 於

如

傳

含。

视

Ĥ

身

圳

ĺĵ

旅、

mi

不

知

Ų

任

者。

所

能爲

力

數。

育乙爲 X 至 Ŧ, 行之事 課 潙 於 談 於實業 外。 何 一事育成 教 容 有 活 易 不 1 以 然惟 業。 爲 尙 界。 動 泛範 2 古 亦 所 11 何 其不 11: 如 Mij 奘 事比之教授事項尤爲 Ü 輒 圍 尙 容易 Ť. 潚 躬 不 14 諺 然 行。 Mi 無 た 愈不 訓 絕 所 不 教育二 ijŗ 其 肼 限 界為 之於講 可以 生活之途也智慧學術。 事去育之本旨遠矣宜 一大學校。 字。 不 含義 堂 講 以 求 重要鄙見以爲 芹 不 内。 小 其 廣。 學 而 然 須 講 重 歟。 堂 育。 將 平各 固 以 高 教 乃 世多 小以 教授尚非甚難之事 育二字 外。 不 學校 至 可 2忽忽教育8 少。 廣 上 然立 所産 諸 分別言之教 至繁之地 學校。 出之新 身處世之大道 界中 亦 方。 未 人。 當 爲 至育成之 人 在 物。 往 在 不 事。 往 重 不能 皆 除 育

九十六

今日 業。 叉 豈 志 諸 成 尙 者 美。 育 濟 效 教 生 旣 範 也。 如 知 在 之可 要務 得 有 何 製 圍 表 身 其 雖 是蓋 家。 摮 任 而 方 造 然。 進 言。 庶 隨 之 然 物 忽 求。 合 果 面 矣。 鄙 品。 諸。 時 教 裏面 無 用 彼 使 可 冇 溫 則 見 復 戶 캩 但 以 非 如 言職 習研 界 欲 小小 必 以 遺 但 但 K 中人往往 爲 苦 求 憾。 何 所 理。 僅 知 9. 完毋抛荒舊8 業 不 脚 即除 教導 心 然 求 如 云。 其能 應泛 跟 教育。 從 後 何 未定 事。 諸 E 口 可 堅持 生能製 然尚 輕 辦 舰 以 模 項 以 教育 之教 視 所 與 仿 到。 不 學業更 職守。 云各要 浪 物 有 到 尙 人 品之 員。 角 出 底。 事 擲 屬 培成 雖認 勝 層 業 勿 譗 I. 職 之設 作時 形式 起 點 業 吸 於 種 爲 收新智識。 教育 實業界需要之人 教 市 物 遷 ___ 動之念並 會足爲 種 育 場。 間。 件。 而 辦 事 職 否 竊 上 如 業當 更須 業 則 自 到 表 何 爲 外。 欣 職 如是以言教育庶 人 面 可 而對 精密 業前 H 慰。 宜 以 以 I 夫而 隨 種 我 不 以 ___ 於灌 才。 校 耗 爲 途障 時 職 拙。 思 費 考。 業。 真 人 保 中 賤 各 輸 IE 杰 礙 存 事。 如 而 可 我 穩 哉。 職 者。 此 種 何 爲 見 職 方能 職 業 貴。 乎近 自己 業 卽 異 原 職 重 業 教 吾 料。 教 狹 嚴 思 業 矣。 育 確定 育 教育。 知 未 使 視 遷。 必 肅 識 之 致 見 出 於 之 職 氣 品品 能 之 能 業 其 此 此 象。 確 無 力 有 精 事。 教 數 篤 爲 職 何

之諸

少年

更努力育

成

其耐

勞習慣持久性質克己復禮

一夫斬除

切巧

取

倖獲

之

觀

急須注重 夫然後職業教育始進於完美無疵之地步吾知諸大教育家當確認斯言爲職業教育上 人入於莫可奈何之窮境吾則以爲不盡然凡真有學識經驗者社會之中正多斯人盤旋。 之 事而確立斯業之根基也社會生計 日益迫促世 人每以生活途窮時 勢逼

之餘地。 人日求事事日求人。在失業者方嗟嘆活計之難尋在事業界方憂慮需要人才之

無多 也人亦求自奮而已孔氏有云不患人之不己知患己之無以見知於 人也 西諺 世

界不 由 於缺 問 汝 少適用人才並缺少獨樹一幟之人才耳教育界諸君子實負斲削人才之重任操 爲 誰。 但 問 汝能作 何 事竊謂此語。 非常 適用於吾國職業界吾國各業之不 · 振。 皆

左 否 右國運之大權現時 適 用 於實業界能否挽 之紛紛擾擾皆前 救 今日 社 會 生計之困 此舊教育之遺孽也由是以觀則 狀。 則 吅 諸今日教育界造因之如何 今後之人 才。能 而可

知諸君子多賢明職業教育採何方針當胸有成竹無待鄙人之喋喋矣。

歡迎美使演說辭

下初文錄 上卷

九十七

同 V 時、 轉 以 各 最 而 如 好 賴 人等 所 日 貧 也美 機 力 許 得 本 退 有 美 高 爲 敬 還 會。 之人種因 博 犧 歡 公 富。 深 仰 學成 國 我 之發 牲 退還 聚 當 他 轉 學. 私 適 國 許 弱為 拾 問。 歸 掌 利 庚 展、 堂。以 發展 庚子赔 博 爾滿 子賠 國。 者 康 之人 H **十:** 任 强 夕 爲 在 ፓታ 此結果 视 循 1 博 國 爾 款 才 惕 上。 基 款。 酒 康 家 大 流 嘦 起 厲 種 學。 乃 溯 俾 者 此 酡 百業者正自有 Imi 無 然 我 韶 树 會効 源。 良 者 掩 稍 資非 闪 款 國 學 大 在 救 懈 學校 會。 美 学学 之。人 息。 力。 此。 植 獲此勝果奮袂 今日 美 前 秉 材原 國 校長時。 人等 貴 衂 麒 胩 也。 途 排 子頁笈 聚首 校長 退還 人。 自立 希 校 動 不 段 力 望。 耳得 後於: 一堂其歡 勝 教 庚 國 與 本 Œ 一會會員 子 學, 以 叫 慶 而 復 訓。 幸許 美國 触 I 渡 生 起 失何足論願我同 無 不 學成 者當 款 商 之歡 騺 量。 虚名。 欣 之 爲 thi 博 他 丽 有 鼓舞 後為 聚正 士: 教育 國 有 本。 不乏其人 多 不 以 我 不 學 乏深 復相 營 界。 致 國 加 人 阊 爲 此 得 親 道德。 而 國 何 私 乎當 也。 識遠見之士見 利。 許 能 效 同。 受 人奮力作 如 以發展 我國 博士 也。同 力。 其情 勤 教 超 退還 會員 勤 誨。 出 處 人等 凡流。 義 懇 爲 令 去報 此 庚 懇。 此 I 中 相 日 商 時 注 得 子 蒞 事 因 孚 久 代。 爲 賠 之 賠 國。 美 力 此 主 會。 爲 國 款 良 卽 於 張 款 故。 與 何

所

以

報答美國

退還庚子

賠款之德意

邇 來 花價昂貴幾及一倍致本機 布銷路頓行停滯閉門歇業者十居八九貧民生計。

障 礙。 良堪 浩 歎。

減少而來 各交 粗 查 紗 此 布 次 價 進 戰 國。 棉 口 花昂 甚 截留 源不足一也印度盧比不 少而 貴 棉 原 昂。 日 花 因美國 此經 本 作 文 火 盡力供給 藥之用三也以此三因。 濟 學 花印度花 中不 易購買中印問 可逃之公理 布疋於俄 運至 日 國。 本 也 買 以 及中國者因潛艇 而 致 中國 匯兌頓生障礙致 中 花之運 日 兩 國 與 焉。 往 存 布 爲害運費奇 日 EII 本 甚 少布 者。 花 難以收買二也。 驟 少 然 則 激增。 昂。 布 致 歐美 價 噸 昂。

稍 維 留 艱。 原 身 料。 入 其 以 維 中 者。 持棉織事 自能 喻 業。 於 此類 此 旨。 平一 因 絲 繭 種慈善家之主張不合乎商業通例言之非 出洋過多恐 礙 本國 綢 業。 而 設 法 限 制 絲 、艱行之 繭 出

之 空 賣

空不

花

亦隨之而

羽嘗 以爲 大憾 事。 蓋 出 口貨 金額逾於入口貨金額其國未 有 不 與盛者。 反是未 有不 衰

文

獨 敗 不然 者。 限 乎盡力提倡植棉改良並請求地方或中央政府扶助之此其時。 制 絲 繭 出洋之消 極 抵 制不如提倡蠶桑之種 極 進行爲 愈 心絲業. 如 此棉業

更 有 進 者商業以信用爲根本苟布業製造家力顧大局保守信用應用雙線者。 勿以 單 紗

其 代 之應用三二線者。 學力精力能力以袪除積弊整理廠務務使人無廢時工無廢料日夜孜孜以從事於斯。 勿以 四二 線代之尺 八寸門面 分量。 皆 有 準 則。 不以 價 賤 而

雖當 此 風 雨飄搖之時或無難樹立赤幟也維持云乎哉維持之聲不絕於耳鼓此國貨之

所 以 遲遲 不振

對 於中國實業破產之感言

讀 不 得 九月二 與辦實業已二三十年矣凡百實業在此二三十年長時期中當能堅定根基而年 已至於破產將二十餘年之老廠出售於日商鳴 十五 日滬上各報所載前 某紗厰主 一某君復總商會函謂其受內訌 呼何其言之傷心 而 抱 外患之影響。 有餘 痛 來各 也。 我

國

識 我 復 則 政 受 則 言 融 自 哉。 顧 時 此 實業界諸 何 策。 曾 振 因 反 玥 有 設置 惜 之機 是言 盡 如。 日 次 之以 嘗仔 興實 公 售諸 日言維 其基礎堅定嶄 此 歐 判。 實業廳 戰 商 會。 枯 進 業。 無 細 影響以 人之天 外商 巨 發 煩 亦 取。 推 竭。 公。 展 持。 則缺 敲。 予 且難於登 不 以 其 對 者。 受兵 日日言售賣。 人 而恍然於我國實業家之所以失敗者厥有四大端。 策 之多言 乏邁 致 職 於 年 內 然現 《勵之實 否。 自 不 匪 國 蹶 歐 知 往 實 天。 刼 戦迄 業。 其 頭角 Z 而 雖 掠 矣。 事 以業之振 記 業 然 以 粘 至 不 凡 之 我 一於極 振。 令。已 之生 幾。 者爲 國 म् 215 慘 神 情以 言 日 自 禍。 製雖不 與又當 四年 辛亥以 府 死 兩國之工 保 點 而 卽 雖不 衡 受苛稅 問 于。 金 日 本之大 題。 之。我 則 源 餘。 少。 其 來。 滿 百 良。 並 乘 商 物 對 戰 時 纍 溢。 國 無 如 猛 業家之程度 堅 小 昂 何 於 始 實 鬭 大 加 工商 之痛 籄 騰。 而請 業 頻 有 其 內 進。 倍於 年。 滿 經 國 而 失 Z 環 敗之 內 谷滿 求維 壁 業。 苦。 心。 工 八曩出日。 訌 商 顧 百 壘。 在 如 貨停 及 持。 原 此 我 坑 何 業。 徧 爭 學識 繼 之概。 因。 地。 出 歐 我 其 放 國 宣進 商業因 戦期 棄保護 而宣 實業 滯。 其 國 注 甲 羣 相 力。 不 而 界所 以實業界老輩 比 謀 中。 商 試 告 内 商 我 之以 訌 界。 之責 束 較。 國 利 破 而 返 之爲 之工 用 躬 產。 良 呈 合 今 蕭 之自 此 往 終 小小 自 任。 害已 以 索 商 千 藉 然 乃 現 日 問。 內 殺 業 不 而 金 載 口 而 無

有机 文 錄 上卷

百三

之不 馬。 營 窮。 數 此 事前 此失之 終至 於氣 私。 所 迨 項 惟 毫 顧。 無 此 厄 指 歐 意 精 無 歌業。 運。託 運。 無 惟 戰 四 出 預 於 私 神。此 É 種 顧 孤 終 之 質臨事無研究事後無覺察對於事物 劣根 有盡 四 終。 此 去 忌此失之於舞弊者三也(丁)不從實際上立 便 傲 行。 取 之 失之於疏 慢 習 內訌 種 失之於倖 期內訌囚: 是圖。 之權 者 非 劣根 性。 成 已 不 也。 (乙) 是雖有忠言不能納。 於神 息各 識 脛 性。 忽者二也(求 東 何 尙 國 外資之接 未 者 血. 日方能拔除淨盡 鬼。 購貨不 拔 本。 視 I. 視 四 商業 也。 貿 除。 易如賭 若糞 **(**丙) 歐 則 濟 問 戦 我 家。 之於 蚁 土。 其 且 而 國 一自家責 將 烈。 博。 優 則以侵蝕 雖受挫折不能悟。 如 我工 許 重 有 作 劣。 旦 一於此卽 有望 振 孤 祇 一商業。 注之一 可以謂 押 任。 旗 求 **三之**實 為能 其低 鼓。 無 棄 逐 爲 如 可 加專向幻察 足以 擲信用未支 之爲 業。 押。 弁髦 鹿 禍 事。 廉。 仍 中 借 爲 或 出 視 召失 買 無管 恐 原。 福。言 則 口口口 無 司 賣 苟 以 輾 事 可 不 借。 轉 人 立。 空中捉摸望盈 理。 我 敗。 豪 究 出 如 閱牆羞 入。 國 奢爲 叩其 兼 人 不 其 奴 入 於 實 而 知 惟 殊。 良 隸。 業 意 闊 外人之手而 有 無 抱 待 身 窳。 之更 界 劇。 惭。 須 所 手。 小。 但 工 人如 閉 贅 旣 中。 挪 爲。 望 可 於以 幕有 一餘之 述。 移 結黨 以 其 不 大 堪 然 術 脫 鰛

無

所底

企惟恐若干年後。茫茫大陸上。尙能飄揚我五色國旗否予念及此不知予涕之何。

對於浦東電車公司之平議

見諸 事與否報紙傳聞尚未徵實但始則發緒言論以探我國民心理苟有隙 生上 尙能裝載大批貨物以助偏僻之區農工商業之發展,若電車則止能在短距離之繁盛都 浦。 車通行後地方居民每多由城市而移徙鄉間通行電車使居民由聚居而散處於個 軌道之密布幾如掌上螺紋凡城市 海 浦 便利行人故電車之通行雖謂之僅便於交通亦無不可是故各先進國之城市中電車 實行者所在皆是姑將此事一研究之夫敷設電 日日新聞及英文滬報載外人擬在浦東沿海敷設上南川電車軌道之消息果有其 一經濟 東沿岸外人所設之貨棧林立其並無交通不便之處概可想見卽以上南川三邑論。 上至有裨益令浦東通行電車 中繁盛之處往往 則 何 如非惟 無以 有大多數居民醫集其間。 車與火車不同火車自己 上所述之關係且其地濱臨黃 可乘卽進一 便利交通 但一 步而 經電 人衙

不有 可文 錄 上卷

務 體 欲 歐 上 使其 敷 的 洲 南 設 川 規 水 破產。 陸 大 沿 畫。 此 謀 不 交 德 海 通。 至不 敷設 甚 帝 人 往 國 國 需 **上來客商份**。 能贖 要之電 者 電 主 義 車 亦 軌 回 唱 然。 道成 車 道 而後已况乎電 不 稱便 辺 觀 軌 夫 道。 立 來。 捷。 某 之日。 何 垂 其計 四 鐵 路、 刨 無 + 之左 通行 某 华。 Ŀ 車 公司、 卒至窮 南 敷設後對於各種事業皆可由是節節 川三 也。 電 或 車之必要今外 及 縣 (者日)子 兵 種 黷武。 主 種 權 外 塗炭 迁 剝 人 甚 所 落 之始應· 人不 矣外人之辦 生 經營之事 靈。 · 惜費千萬元 歐 之日 戰 業 結 乎。 束 否 事。 之日。 否 任 往 不 往 進 然。 行。 亦 揮 有 刨 則 其

歲 光 大 遠 德 不 月。 創深 久將 大 帝 (思慮 國 主義 受大 痛 周 E。 衆 國 詳。 消 滅之時。 之解 何至 民 前 再蹈 棄 此 對 則帝國主義之不能行於今日也 由 是羣情 前 於 人之覆 政 治 1: 一 致。 感情 轍。 振 而 刷 冷 求 精 澹 遂 之遺 吞併之大欲歟。 神。 力 圖 設業已憬然覺悟。 自 明矣。 衞。 以符立 况 乎我 東西 國 各國外交家。 之大 現時 國 內 經。 所 政 去陰 紊 有 亂 類 擾 省目 翳 幾 亂 而 分

自

數

國

民

Z

憤

慨

也。

且

上

南

川

人

才

推

出。

則

對

此

剥

膚

噬

臍

切

身之痛

苦諒

必

不

致

於

膜

視。

益

國惠羣之方策對於此

種重

大問題。

會又值開會之期各地方優秀分子日夕討論

放

晴

光。

期當

不

遠

觇

人國者首當鑒及

於此諒不致濫使陳腐之吞倂政

策。

而

激

動

我

多

之。准。 此 一 知 必 有 以弭 舉也不識民氣與財力之爭持終局之勝利果屬誰也願我海內愛國人士注意及 患 於未形而免後此之風潮雖然外人之見利忘害者方且挾款 赴京。 要求批

上海總商會近事之談片

惶 際。 列 内。 爲 恐萬 **、會董之末因才識經驗均甚膚淺故就事迄今無何建白受會員之抨擊及多衆之非難。** 幾乎 海 特將上海總商會年來所立之地位及會員對於會務之熱心本吾良心及就事以後所 而 總商會自發生佳電以來已閱多日矣不負責任者之宣言及報紙 上 狀無地自容本不敢藉文字以表示意見惟 無日無之而會員之能 海 總 商 會近日之紛 | **擾主因局**| 明 其真相者恐 外人罕 無幾人。 有 知 者。 默念當此科學昌 、非會員 荷 不 明 與外 白 揭 埠人士更無論 出 乏。則 明時代凡事 之評論於此時期 紛擾恐 矣玥忝 皆求 無

初文錄 上卷

橅

聞

所

見為

我國

人道之。庶日後對於會務之改革知所適從乎。

會通電 袁氏當 國鑒於往京 全國首倡贊成各省商會聞風響應淸室遂覆而上海 上 海 總 事。不 商 會除行 得不 籠 使 其職 絡 上 務外對於 海 總商 會爲假借名義地步於是乎上 《各方面》 並 無別種關 總商會之名由是震動 深条辛亥: 革 海 命。上 總 商 海 會 會 遠 長。

非 有 人。 能 倡 視會董之地 躍 注 行 而 貴族 力 爲 於 上 所 海 體有若干志行合一之士無不呈發皇氣象者可證明斯言之不謬。 主 義。 負 位亦隨以加高者以故會董額數三十三名似嫌太少矣。平心論之。苟有其 道 故作 之職 尹官銜煊赫。 務則會董 此論。 蓋吾 而 人苟 會 人數有三分之一已足否則卽 長 放開 之地 眼光觀察英美法 位因是而高淺識者流援母 徳議 十倍此 員 中 以子貴· 之中 數。 亦 堅 無 之成 矣。 所 人 物。 用。 玥並 例。 及 我

凡 國 歐 戰 各 有 地方團 告 四 終。 五 外 國。 觥籌 人挾 交錯聯絡友 全力以經營遠東商務上海 誼。 於商 務 知 識 外。 實首當其衝。 更須 具 有外交知識之專門人才然 而 外 人之在 上海 設 有 商 會者。 則 向

之僅 富 於商 業經 驗。 而未諳外 交方略 者對 一茲不免 有難 色矣。

南

北

議

和

時我

國

聲。 各方面之來探察商民意見者頗衆而上海總商會介於兩大代表團之間應付途不 之大政治家大學問家及偉人名士醫集 滬濱而 上海總

商

會。

素

之新 應 海總商會除依據商會法第十六條行使職務外又增加國事外交兩項國事日非而商 使會員而能尊重其選舉權則愼選賢能會務當不致有隕墜之憂也然而今日會董等百 缺少專門學識以致價事會長會董不能獨任其咎也何則蓋會長會董皆會員所公舉向 及把持會務之說所由來也今幸會員覺悟日後選舉時當能一掃從前之積弊數。 口 向 付 不能辭其咎者則運背商會法第二十四條再被選者以一次爲 使僅僅對付兩方面尙非難事而對付無數方面斯爲難矣槪括言之自辛亥迄今上 職 切。 務亦日繁外人日求擴張商業而商會之外交亦日劇於是主持商會者左支右絀。 茅 能 面 面 俱到 矣此皆會長 以與會董缺 少專門學識 有以致之雖然會長會董。 限之一 語。故 世襲會

不 意見紛歧討論是非研究得失本開會時所習見原無足怪惟據理辯難 我國自辛亥革政以來民氣勃發思潮泉湧革新觀念亦如春筍之怒生第主張 務之謂。並非爲人奴僕之謂也明目睹此等侮辱知其不可以爲世訓故不嫌辭費而贅述 、可奴視當大 事而傷人人格則 更不 可蓋機關之辦事人確係公僕然公僕云者爲 則 ·可 肆 意 謾 **沃迭出途致** 社 會服 罵 則

董等以一 海總商 薄。 足法 會。 關 會全體會員對於會務累具 口君口口等對於六十五人之團體並無意見不過借此機會研究會員應守之範圍。 並 意方得決議。是故各會員當認定宗旨盡力會務度能收效設使到會者不足法定人數或 此 m 次 係 無從懸擋然因此舉動引起口口口君等一百十五人之反對致臨時大會不果開。 願古訓昭然願我全體會員共勉之。 事前口 口口等六十五 定 重 會章程第十條第二項召集全體大會決定八 不得開會解決一切懊喪殊甚會董等以爲此次改革會章實爲急務於是依據 人數而意 會。 大照商會法第二十八條 乃試驗會員是否真 君等登報設立籌備會并發三聯單通告此種舉 見紛歧則此 一人以會是 熱 長問題請求開會會董贊成之擇於七月二十六日開 會雖開等於未開則改良會務之期望仍歸 正熱心改良會務以到會之人數及會員之態度決之言行 心此次召集大會實行改革度必有一 有 會員三分之二以上 月四日舉行解決重要會務。 到 會得到會者三分之二以 動合法與否。 致主張。 泡影故 玥法 而變更會章。 律觀念淺 玥深信 明敢謂 臨 Ł 而 時 而 同 本 上 會

中國實業失敗之原因及補救方法

中 設之工廠外。竟無實業之可言豈吾華人無振興實業之能力數抑振興不得其法 **育民族之精勤鴻篇鉅製變然成章然環顧國中除外人之工廠日新月異及三數華 範且編訂條例用資獎勵此外振興實業之論說策疏觸目皆是或侈談中國之富力或昌** 國提倡實業四十年於茲矣竭政府之才力財力於通都大邑設船局建工廠作 歟。此 國 人自

大有研究之餘地矣。

僕不敏近十年來亦頗注意於實業抵美後東奔西馳於各方面細探新大陸致富之源并 默察吾國 社會之狀況恍然見吾國實業失敗之理由凡八是否確當不敢自斷倘亦足供

吾國人之研究者乎。

實業 者何哉。 學 有志於實業皆可從事要須得富有科學智識及經驗者主持之庶辦理較 生尙 关 比 年 以 是其中得歸咎於學生者半而半由於社會無遠識。 來歐美日 本及本國之實業學生亦實繁有徒顧與實業無絲 政府無宗旨有以致之耳。 〈有把握則

文

上卷

夫求 農。 國。 忽而 方收派遣學生之效留學生中注全力以研究專科而學問深造者固多然忽 叉改他科但求 有目的隨性之所近擇定一科竭四五年之精力以求其融會貫通歸而貢 學科者矣此學生之目的不定一也。 一紙文憑誇耀鄕里不從他日辦事上著想者亦頗不 少甚 而 有因 I. 忽而

事

因政

黨而改

習故實業 以全權佈置一紙廠或肥皂廠恐不免張皇失色手足無措矣且吾國人自幼養成懶惰惡 時間於試驗室然此實驗不過一 歐美日本大學之實業科往往學理與實驗並重故農工醫礦及各科學之學生費極 應 用化 《學生中頗字 學家於造紙製肥皂等法。 夫二也。 有不願在場廠練習者如此之人回國辦事眼高手生焉得不 小模型耳於場廠之管理用 靡不 心領 神會叩其所學則津津 人行政仍覺紙上談兵設有 而樂道之倘一 生阻力。 旦授 多之

緊商 生在 其爲 人自顧尙不暇安能及於實業而集股難矣此學生缺乏社會信用三也。 家平時受父兄師長之約束於他種社會少接觸迨遠遊五六年過返祖 何許人雖具大學問大志願而社會上之信用毫無所見加之商業彫 學銀根奇 國。而 社會

此

學

生缺

乏實習工

續。 實業家所最應注意者則管理法是也而管理法之要旨則場廠總理應熟諳全部份之手 庶幾 有利則興有弊則革用人行政均得其宜歷觀吾國實業之失敗關於管理法者其

故有三。

敗者一也。 即無學識經驗而此人之能否專心致志以辦此事亦不問也總理與事隔膜而使事業失 大抵總理一缺往往屬於稍有時望之人至於此人之於此事有何學說有何經驗不計也。

衙署 吾國 相伯仲一若噉飯之人不多事業不能振興者此失於過寬者二也。 人愛排場重情面一廠之設尙未開張交易而某部若干人某科若干人冠冕堂皇與

間 工人之所樂工人而不能樂其業則惰心生惰則出貨遲而成本遂加重此失之於過嚴者。 有苛刻之輩以扣減辛工爲能事但求有形之減省罔知無形之消耗蓋刻減辛工大非

二也

力自治尙不暇焉能治人卽實業學生何獨不然受學時期往往不 且吾國普通之人,具管理之才者爲最缺乏蓋管理法卽治人之法 也吾國人素乏自 注意於此迨回國辦 沿能

不初文 錄 上卷

覺左 支右 絀處置爲難此實業學生昧於管理法者。 四 也。

貪逸恶 之五 及實 辦 種 荒寶貴之光陰作行政界之點綴品。 オ 不 點 触 而 之感 問 在焉。 者除農學 辦 阻 實業。 鐵路者矣。 業。 其 滯。 者有一於此足 當十年 用當 觸。 勞。 道 資 八人之常情。 於社 德 本 幸而告成心血 學. 家 其材。 生尙能自用其才外餘則非 (欲其收: 以前社會之崇拜 會之感情 問 雖 尚非 能 注意於實業亦 阻實業進行而况不 力 m 其時。 如 效 實業學生甘心操作於場 己耗 漸相 也。不 何。 及素 而學 過影響談 去大华且薪 冷 有志 所研 留學 生叉 淡。 用非 或 未伸蓋吾母 究 與 生竟不可思議以爲救中國之貧 且趨 、政府用。 耳此實 者 社 止於一乎然亦不能全歸咎於學生 所學比比皆是有工業 會少接 何 水亦薄每月百兩以上者殆 重 種 仕 學 國 即社會用今政府遭此 業學生貪 途。 厰 問。 觸。 者恐不 實業失敗 爲 但願藉 其薪 且 地 於逸樂致 及半數追 方 俸優 之原 不 此 得 ·靖號令! 家入 厚不 因。 進身 銀行 負責 關 使實 回 紛更。 多事 弱。 於 國 不多見故不 之階。 業 徒受 惟留學生是 祉 者 任。 不無停 會者 之秋。 也。 偷 失 矣。 爲 煮 有農業 社會 敗 於 所謂 親 亦 何 者。 社 ·惜拋 暇 戚 有 頓。 五 會上 上 金 誤 也。 顧 人 種

游

光龍至於民生大計實非、社會中人夢想所及嗣後留學者日夥人品遂雜而留學

手 生精 無 段 完 能 力以 人。 力間有更劣於舊官僚派者於是向之崇拜者今則鄙棄之輕視之幾疑留。 殊 研 究 不 之。或 知 留 學生不 可 成一 專家假使用 過 多讀數年 外國 非所習與常人 書。僅 得科 (等安用此) 學之皮毛 耳苟能 留學 生爲。 用其 凡期 所 望 學 學。 過奢。 竭 生

假 則 中 失 À 使 有 望 大肆 更 學 易因 生於此。 其簧鼓之舌诋毁不 失望而 改良工藝試驗農產品行之數年而未見效果且間 致 灰 心。 遺餘力。 而實業界竟暗 殊 不 知 改良工 中遭一打擊。 藝及農產品。 此 失於 社 其難等於 會期 有失敗者於是 望過奢者六也。 改 良 政 治。 社 會 與

改 易 物 良 質 而 改 建 社 會習慣。 設 良。 難。 卽 破壞 建 設 夫 之謂。 改 由於自然如水之就下其性然也建設全在人爲如水之受激而 良 非歷年 政 治 及 久遠。 祉 會習慣。 安 可 動需 以收改良之效今不 數 十 年 或 百 年。 期其 改良 久遠而! 物質。 何獨 但求 不 然。 其 速 向 效。 上 破 也。 壞

速者七也。

有

挫

折。

卽

大

肆譏評務使任

事

者灰心奪

氣。

而實業前途愈不可問矣此失於社

求

欲 至 全國 於 吾 之實 國實 業振 業之 失 興是南轅 敗關 於政府 而北轍也蓋獎勵者虛榮也保護者實益 方面 者。 則獎 勵是也今不行! 保護 也爭名者於朝爭利 政策惟獎勵 之是務。

不 有 文 条 上卷

百十三

多方挑剔。 夫 而 途。 地。 ·吾國人之衣食用二品來自外洋者甚多振興本國實業卽抵制外貨而財 於市。 賞 倡辦實業其艱難困苦自不待言而橫征暴斂罔卹民艱。 無絲 政府卽不獎之亦復何損反是雖獎之亦復何益此不過 一章賜一牌未嘗不足以彰政府提倡實業之盛德然出貨既優市場上已占得立足。 前 毫之補救此政府 實業家乃爭利 關卡節節 留難僥倖成立。 者。 不採保護政策而使實業失敗 非如熱中之官僚派徒尙虛榮者可 而持 久者能有幾家果能支持較久出貨 人者。 土貨之稅重於洋貨甚 一種愚民之政策耳於實業前 也。 ·比也更進一 層而言之目 尚優政府從 源不致外溢。 至 局

至 切 則。 苟 之關 其收 於補救之法,一條為緒非短篇所能了簡言之則吾國理財家應以遠大之眼 學生所最注意者即除去數千年遺傳之官吏思想是也無論居官者如何錦衣玉 主 效當 任 係。 份熙來攘往得人生之樂趣。然尤必毋求速成,毋具奢願即有倡實業而 者 而 在五 放 社 會健康 浪淫 六年後竭澤而漁之政策自殺政策耳社會 佚 所 致 尚當 與否。 應視 盡力維持。以求最後之勝 有 無實業爲 準有實 《業之社 利蓋失敗者成功之前 會。則 中人須知社 人民 生計 會與 裕 遭失敗者。 光產 如。 身 道 家。 驅 德 有密 訂稅 也。 因 而

實業

以達振興實業之目的則吾國前途庶有豸乎。 如 何坐擁萬金實業學生斷不可爲所誘惑變否素志世有韙吾說者乎願各自努力進行。

實業與教育之關係

弁言

蘇省第二次教育行政會議。吾蘇政界教育界諸君子雲集一堂討論教育之得失及其經 學識膚淺义加之以短於辭令有所陳說知多疏漏深望諸君子進而教之。 驗定今後進取之方鍼立國家百年之大計當務之急惟此爲最用意之美莫與比倫湘玥

中國今日最要者何事乎

處此內憂外患交迫之秋吾國所急宜振與者何事乎。各方面解決此問題者知各有獨到 應付終非善策主張理財以益稅餉者有之觀商戰劇烈貿遷無術足以陷多數於破產地 之見解觀世界各國以武力擴張國勢主張練海陸軍者有之觀凡百要政非財 不 舉仰債

不初文 錄 上卷

一百十五

位。 社會之繁榮主張大與實業者有之。 張振與商業以圖抵禦者有之觀農工路礦種種事業足以安置游民開闢閒地增益

排 除 難局 之大方鍼

國

家

消歇。 湘玥以爲 同 宰割之苦哉書日自作孽不可逭其斯人之謂歟。 如 其 進 時振 我 毎日毎時債事 何彼自 精神 無論 作同赴民富國强之一方向庶乎成功捷而實效見。各界中人誠能竭盡。 萎頓。 何 此種種主張誠屬要圖然萬不可顧此失彼僅僅焉作偏面之進行必也各方面 項 知難而退矣特恐自己無知無識。 坐待死亡不務振拔果爾則入雖不 事 業皆足振興所患者一輩持悲觀主義之人敷衍 耳人雖百計欲圖吾國我苟能與邦人士戮力同心在在猛求進 如緜羊然惟日夜懾人之威怵人之勢。志氣 欲亡我我已以俎上肉自居其能幸免 所事。 奄奄 無 生 心志。 步人無 氣。 積極 但

實業與國家之關係

精 立 國 於工藝或長於商戰或富於農產或豪於鑛藏或厚於水利或則單獨制勝或則以 於 地球之上嶄然見 頭 角於昔日 於今茲者。若英若德若美若法若俄若日 本等 國。或

舉刻 能力而今皆受强鄰之支解之吞沒矣然則實業關係國家之興替之存亡顧不 苦經營並致富强他如埃及波斯印度高麗等國無企圖實業之計畫無發展實業之 重且大哉。

實業與社會之關係

今日 湘 玥赴此盛會由滬至寧在汽車中縱目觀之默自忖量起無限之憂思今請爲諸君

子 數萬 由 典加之以 市菁 有 天氣之溫和物產之豐盛亦無偏枯然則人事之修實業之興宜其相若而不相懸矣豈 **言之成理站舍上海。而以蘇錫常相比較蘇州爲人文傑出之區自滬寧鐵軌通行以** 略述 滬 大不然者。大上海商業雖大半入於洋人之手而華人工廠亦頗不少賴以 分利之人舉目皆是生利之業罕乎有聞而彼投我蘇人嗜好之玩物 至 華。幾 寧自 或謂 幾乎 風 上 上海 尙 **『海縣境經過蘇州無錫常州諸名城之數境者水陸之交通利便實相!** 趨於 一萎而 爲 空文人情安於小就其上焉者、 中外互市之要港富商巨賈薈萃於此集資興業較 不能復盛自辛亥淸政推翻以後公館鎖閉。 依舊宦情濃 **厚其下焉** 幾幾乎 滴鏡我蘇人罅隙 便 者、 內 生活 始 蹶 地。 終門 或 而 洛以十 者 不 來商 克再 戸争 此 知

常州。 之藥物 革 合 若 紗廠。 新先於諸邑學生界教育界人才之盛甲於他處錫邑人民中有一大部分勤樸耐勞工。 團 四力乘時下 則 販。 大不然無錫境內各項實業之發達之競進有殊足令人稱羨者若麵粉廠若絲 若布廠若電燈廠若榨油廠一 則 已據 而 起企圖諸 我 蘇人之堂奧也不禁爲蘇 般新 事業者正未 區區 一縣境 有艾試 人士一憂念一汗下焉。 耳大小廠場。著名者已得二十餘 問 以 何 因 緣。 而結此 自蘇 果。日 以 西。 無 錫教 若 家其結 無 育之 錫。若

籌 具。 境 於 內實業亦 此 畫善經營且富於冒險性質易受外界刺。 他 多 無論矣由是以觀實業關係於社會之盛衰爲 M 質 與膽汁質之混合體 在活動比之蘇 州 則略勝比之無錫 乎。 境以 內機聲隆隆百業繁昌人民生計 戟。 而有一往直前之概其因以集事者殆得 則 何 不 如遠 如豈地位使然歟抑 甚由 鎭而 ||寧實業雛 因之 人力有所未 而 形。 尚未備 裕。 武 陽 力

耶。 以諸 君子 之高 明。不 難探 **| 索其究竟|** 而 得相當之救藥方 術 矣。

要而言之同是國 家同是社會有實業則盛而强無實業則 衰而亡天演公理無從倖免者

也。

生產力低落之三大原因

因實 往。 之類。 急急焉補救之其不淪而爲原民者幾希矣(原民係未受教化之野蠻如 振興而國民之生產 關時代原民或能生存當此 力遂低落生產力低落而國民之道 德 じ · 途梏亡循: 世 俗 此以 所

微弱。 無國 腦筋遲 民教 育無國民教育故無國家之經濟觀念與國防之捍衞 鈍在此委靡 不振 之團體 中。 雖集千百人衆而遴選一二適合於高等事業之 觀念致精神萎縮。 氣

之前。

降

而

爲

奴

隸

爲

牛

馬

哉。

一按生產

力低

||落之原|

因。

約有三大端。

零雄

角逐之秋有不

俛首哀鳴

於强

有

力者

人

、オ亦大不

易。無

真正

國

民

教育

之害

有

如 是。 生番

在閉

有 C之 其所謂 題 無時間研究。其所謂安分之人民大抵飽食終日無所用心終其身無尺寸建樹者往往 機 智。 而又薄有 才能薄有資力之人民無男女無老少相率圍 坐。 從 事 賭 博。 無

醉 晝 好 國 無夜究其 時 心 光之事。 以無 戲 劇。 時 推 正 流 間研究故竟浪 而 弊廢時: 至 不止此如自號達人之輩不惜以社會高級之人相率冶游景況稍寬之家。 一於杯 中醇 失業者其害猶 (廢千金一刻之時光會泥土之不若民德墮 酒。 口裏捲煙戶 有 限名節 何莫非剝奪社 掃地盜賊窩藏 會金 源戕害國 浴者 其 公害伊胡 家元氣 至於此能勿 底。 之事。 且 空 嗚呼

初 文 上卷

痛

惰工 人。 怕 失之於尖刻或失之於混同操切則易於激變放任則養成偷惰尖刻則大失人心混同 進。 三無管理方術出資者役人勞力者受役於人出資者與勞力者地位雖異求其生產力 而豐於所獲者實彼此 一無所警良工無所勸不 用 始 終不懈之精 力。 有同 不能處處用精密之檢查大抵不失之於操切或失之於放 久同化爲工場之蠹 一之希望苟管理得訣彼此自能各償所願。 物工徒無可用之才工 事又鳥有振作之 乃 般 主 一持之 則

出品之不 略爲整 之興味 倍。 密之稽查員時時處處督率記錄以爲獎勸懲罰之備去其閒廢無謂之積習振其發憤 而工 力漲縮之大問題,吾國人多數尙未研究及之今姑作一譬喻以引起研究家研究 理略爲 | 資加足比平時加增十分之五如平時每工三角者今則每工 一作得銀九元 可乎設有一廠於此。日夜工徒計六百人得一時間研究行 良產額之不旺推本窮源鳥得不歸咎於管理之乏術。 獎勸使良工 者。 |今則增 有高値希望惰工無幸獲 多至十三元半工徒作事 心思每日或 之精 神自然大振。 動研究之良管理家。 毎 四角半平時 夜 毎 更得 人 多 勤 出 力

整頓是每年中有無量大數無形之損失益當有使人驚駭者拙譯最新學理管理法可 律整賴實業界每年有無量大數增收之額當有令人驚駭者反是以思國內各廠 足以應付裕如是一年以內,得淨盈六萬元也。一廠之所得如此。殷國內大小各廠: 爲九萬元去加增工資額二萬七千元則該工廠一整頓後一年以內已可得額外盈餘 多得十八萬工額外之工作。設一工所作之出產品最低價得銀半元十八萬工所得 『除去休息日』一月可多得一 就加增產額一倍計之則該廠每日可多得六百工額外之工作。以一月二十五天計之。 爲雄之精神多作工一倍亦屬極平常事或竟增多產額二倍以上亦恆有之事今請僅 **六萬三千元。去添用稽查員若干人及一切新管理法一切表册證券等費有三千元亦** 萬五千工額外之工作以一年十二個月丼計之一年 者

實業種因於教

實業足以救時。此種 廣儲實業知識之豫備。平敗所事彼因噎廢食者流輒以辨實業易招失敗以相惕相率而 口頭禪。幾乎盡人能言之然而實業重知識彼鹵莽從事者偏不能爲

藕初文錄 上卷

百二十二

爲獨善一身一家計甘心爲與國家休戚不相關之人前者後者均甚謬誤是皆實業知識 以缺乏實業人才故致得不良之結果更進而究之他國實業人才之隆盛賴平素之發育 不儲備不普及有以致之也詳考我國二十年來累辦新業而累招失敗之最大原因其不 之不修不播佳穀不費耕耘之勞而望此後之豐收世界寧有此倖致之福哉。 與儲備。吾國實業人才之缺乏。因乎素不知所以發育而儲備之窮原竟委當歸咎於教育


二種實業人才

實業人才之盛否關係於教育之興替旣如上所述今請進論實業人才之派別夫實業人 第二三兩種人才恆可由人力培養成之實爲實業界之主要人物國家之康强社會之富 裕胥出此輩人才之手由是言之教育其亟亟矣。 其二爲富 才用概括法區別之大約可分爲三種其一爲無藉乎教育之天才如鋼鐵王銀行王等是。 有組織實業能力之中堅人才其二爲實業界各部分克盡厥職之輔佐人才此

教育果以何者爲主旨乎

教育最重要之點可分之爲甲乙兩種甲爲道德教育乙爲科學教育完全受此兩種教育

實業界中堅人物遂由此產出其兩種教育之綱要得列表如左。



任務時不可缺少之兩特質

特質不可少。請備言之。任務時不可缺少之兩特質一爲能力。一爲毅力能力與毅力之範 圍至廣大例如熟悉機械之原理於機械之構造之拆卸之裝置之修理之使用之保護無 既受上項所述教育中完全之培養而擁有辦理實業之才略至於出而任務之時更有兩 不了了。使不肖工徒不能掣肘後至工徒能自訓練而管理機械管理工徒之困難。胥得以

有 初 文 錄 上卷

自家能力戰勝之推而至於進貨出貨之事以迄補助物料之採入及應用一

百二十三

切利病無不

上之困難。 了了。 至煩 螿 力戦勝之此 有所 難 波又起。在教育不普及。人類不齊等之秋。而欲收如願以償之良果大非易事。苟主持者。 受 應付則多方使賢能者處處得自效之機奸險者在在無生存之地於是乎用人行。 而 疑 挫 雜事機之變幻至無定意 在 於一旦 慮。 亦 我 有所搖惑有所驚怖有所顧忌有所鬆懈有所退悔。 無往 之精 外如上下人等之遴選或委任與 寒威之下則毅力尙已能力從學養中來毅力從審決中來。 神更足以貫澈之而後進 而 不以自家能 外之不幸百慮所 力戰勝之雖然猶 出貨物使用貨物之困難。 黜陟以及風紀之整飭弊害之防止主張則 不及。 有慮事業之範圍 細 小 之罅漏。 而經若干年月孕育之花。 大 (患所隱) 一
既
擴 **が** 律以 具此 大事情之接觸 伏。 兩偉 自己之能 波未平。 政 出 無

湘 如 何採 玥不 文忝與盛會未能在主持風教之諸 取。 如 何 執 行屬於教育行政範圍內事。 君子前多所貢 未敢少參末議 獻僅就膚見所及約略陳之至 也。

而

任

事。

其成功也猶反掌耳。

實業界對於學生之希望

五 四以來學生愛國 |熱誠達於極點痛外交之險惡睹政象之日非徒手奮鬭犧牲無量數.

資貴 數偉 器。 利。 而 雅 課 且 今回之重 光陰以求 勢刦利 人奇士之不壞金身無一不從烈火中鍛鍊而來今最大多數愛國志士遭此痛苦。 之外繼以演說未曾喚起羣衆已受軍警之蹂躪夫前此 一受痛 誘進迫不己於是乎莘莘學子繼續抗爭苦乏良策依舊以罷課爲要挾之利 內外軍閥之覺悟早爲各方 創。 不 得 視爲 失敗。 有 挫 折 /所共諒: 而 後 有 欽敬 大 進 步。 咸深然外交情勢非但 有磨 之稍 錬 而 有貫 後 有 澈。 真 精 不 得 神。 無 古 有 視 轉機。 來 爲 以 無 勝

生於 至 深 且 憂患之哲理觀之安得不 ·摯者不 第玥 等 也。用 敢不 爲 揣 多士慶也明順 鄙 陋。出 其 愚 《身實業界中》 者 二得之 見貫諸 知我 全國 實業界之期 青年 學 生 之 望於青

處事尙實 力學生徒抱赤誠以罷課表示 民意。 然而藉 兵力以固地盤吸外資以肥私! 嚢

比 無 比 顧 皆是空言要挾安能有效況乎青年學子。 慮。 流於觀己 更忽 於觀 人。以 爲 利 **河在** 手。 可無怯懼。 年 -少氣盛受 不 愛國二字之激刺。 知寶此鋒芒以專用 往直 於批 卻 前。 更

窾遂致摧折非不幸也實處必然之勢也。

玥 核時 事默察我邦人士惟一之主張大都爲消極的對待而絕少。 積極 的互助。

稱 初 文 錄 上卷

百二十五

境反是未 界內部 於對 牽 生 去旣 在 制。 之運 以致政 待 功明甚望學生諸 如是。 世。 之中殊可立 惟互 動。 微呈分裂之狀足致危害即全中國 有 學 此不 生 中 助 象 矛 淪 主 日非國本益危忍令全國人士有爲之腦力可寶之光陰不知不覺竟消 可 痛也對待以 深明 於危殆者也入九年來。 義爲最有裨益互相助力則人羣進化愈速而社會亦因之而 不澈底覺悟者 君自今以往益將互助精神發揮而擴大之然余所慮者。 互 一助之有品 則骨肉竟變爲 益者已不乏人惜尙未充分豫備。 也。 政府政黨官吏人民無不紛紛然用對待法以相 仇敵互 內部偶呈分裂之狀亦間接足以危害學生 助則吳越亦化爲弟兄二 廣而 善用 一者得 之。進求 示 日趨 失之相 但 更大 學生 於善

之作用。 進。 科 學入門有三要點一視察力二推想力三公平之判斷力各種學業無不由此三者 世 人但 於焉 故科學精深之國。 層 知科學係 出。 魑 **魅魍魎之輩自然絕** 一種 學問而 工其普 通國民之視察力推想力及公平之判 不 知科學家出其科學方式以處理 迹而 政治 社會逐日趨於上進之軌道我國) 斷力。 二切人事。 亦較 更有 富。 國民之 健 莫大 而 精

普通病根。在乎缺乏此三種真力量故是非黑白無有定論而中原鼎沸之臟患途由此釀

國

成 矣今日一般青年卽 來日國家 社會中中心人物國運之否泰羣治之升降骨於此三

能力之足不足上判之此不可不充分修養者又一 也。

矢一鵠達: 應借他 挫折之來,其父奚免雖然亢進固爲失策受微挫而灰心因外樂而變志尤當力戒青年奮 最大表示之豫備在乎專心向學作他日獻身社會之整備玥並非謂學生研究學術外不 救國之道不一有政治教育實業及種種方法並行不悖當各界盡各界應盡之責任。 鬭 意志之堅定宗旨之不變回憶 忠 而 二大成 今何 告諸青年 點。 事以發洩愛國熱誠。 如 與各界周 此 功期固在他日而不在目前諸君等所以終抵此大成功之境界者全在乎各 乎由此可見我輩青年。淬厲自己志氣尤爲前途成敗生死關 救國之大目的青年當求學時代故青年最大之愛國 之前者愛國熱誠宜深蓄而不宜輕洩俾日後蔚成大材爲國效用將來任處 圍之情勢不 如前此之愛國運動偶一爲之本無不可然於國民方面。 十五 十分審量僅憑 一年前對俄對日等同志會發現時熱誠慷慨。 一往直前之氣概屢演此 表示。 一成不 尚在 頭。 因 來日。 此 變之手法。 而 不 亞 玥 而 **卒** 日。 蘇萬 更 來 種 有 日

何事不變初衷此不可不夙夜自勵者又其一也

藕 初 文 錄 上卷

一百二十八

羣相 造世 能 謻 之挫 載 相。 在 界本諸所學力謀發展則中國未來之新命運與學生諸君事業前途俱無限量也曷勝聲。 努力振 **岩**乎國際競 擴 乎主幹人才之缺乏主幹人才既缺乏即一 界之公福。 充互 時之機會諸君乎我中國實業前途未可限量明深願我全國青年學子以此次所受 集注爲主人者。 折作良教訓。 助精 興實業非但足以圖本國 爭於今為 神發揮 雖然振興實業談何容易今日我國實業之不昌患不 益自奮 苟不善自謀則巴爾幹半島之戰禍或不免見諸東方然則 視察 烈經 勵力求實學以養成 推想公平判斷之 濟之戰甚於鐵血東方大陸原料豐富市場廣袤萬 地位之安全亦足以消弭他國之侵掠與衝 治 諸 能 有用之全才並熟觀 切有望之新舊事業不足健 力更濟之以百 折不 世界大勢洞 在呼資力之不 回 之節 進。而 悉社 操。投 坐失 我國 突。 m 國 會真 定。 (身各 此 間 視線。 人 Ŧ 接 丽 而

米貴之原因及其補救之方法

香以

為轉之。

民以食為天古來善治國者莫不以足食為先務足食則民生途教化行禮義廉恥四維 乃

安守其· 張糧食之關係有如此今者吾國受歐戰之影響糧食出口較前激增內亂頻。 本業加之以農學未興農政不 修糧食產額恆有不給之處更加以門戶 仍農民 洞 闢。 日 不能 本

米貴風潮迭起日商勾串吾國奸人百方設策盡量吸收出口漫無限制少數黠者借穀賤

一說聳動政府而政府中人,一因大借日債關係希冀見好於日。

傷農之 照之小 利故公然運米 出洋不但不 加 限 制反 推波 助 瀾。 種其毒害於民間故至 人一因眩於發給 於 此 日 來

米價每石已漲至十六元爲曠古所未聞生計界恐慌情形不可終日僕不揣固陋請述其

原因及補救方法如 左。

米貴之遠 因與 近因

我國雖以農立國於農學素不講求地力日竭農民生活惟艱儉於培肥致產額有縮而

無

人 繁殖。 因不 衞生故死亡枕籍纍纍荒墳觸目皆是熟 田 日削荒塚日多而害蟲巢穴

亦 增為害遂日 初 文 錄 烈雖墾荒事業亦逐年進行終究得不償失。 上卷

藕

白三十

三兵禍連年擴張權勢者流日事招募一旦失敗散而爲匪生產之農夫變而爲消耗國

之兵士更流 而爲擾害地方之盜賊其結果使良民不能安堵農事廢弛產額遂 減。

四東南人滿西北土滿於此多失業遊民於彼多荒廢田畝凡人滿之區食料偶告缺乏價 值 因而驟增而於上海爲尤甚。

五 米販巧於運動請領護照借名軍米以避稽查況金錢萬能沿途疏通一 照且可屢用出

口數目益無底止。

六沿海口岸隨處可以連米出洋海關無從稽察。

七卽非口岸。而日本商船便於通行隨處可以接受此項偸運之食糧。

/棉價 . 昂沿海產棉區域因之不照棉穀輪種之舊制連年栽棉以期厚獲米糧減少亦

復不少。

九因運 米出洋囤積居奇者日多而米價因之步步提高。

偶 有 因 |米糧 一發生事故報紙記載獨詳當地人民恐慌大起有餘力者爭先恐後購而儲

故米糧益缺。

糧食恐慌發生後各報爭相傳布產米區域亦起恐慌此地運至彼地設法限制申地

源遂日見稀少。

積 極 與消極之救濟方法

由官廳設 法 限 .制價格「此事已由仁穀堂函請總商會登報以安民心」

組織糧食調查會調查存棧米糧數目。設法使其平價出售「此事已由總商會議決進

三各處添 設平糶局廉價出售「此事已由各當地熱 心善士實行已兩星期。

然鄙意尙不止此也按物價之低昂實出於供求之定例求過於供則價昂供過於求則價

廉。 無古今中外,其理一也湖南兵禍連年。交通阻塞米糧陳朽苦乏現金聞每石僅三四元

左右江西產米亦多聞南昌米價每石僅六七元。苟當局者以救 濟民生爲 念集二二十萬

竟未之前聞耶及今急起圖之尙未爲晚此係積極的治標方法也積極的治本將奈何。 動資 本運. **一輪來申不但有益於上海湘贛兩省人民亦交受其利移粟之古訓豈當局** 者

流

惟 務農而 已無農卽 無工商無農工 一商卽無生利之途而國無與立故立國之道首在務農。

藕 初 文 錄 上卷

百三十二

衣食足而 之大計畫因 士之行爲指導之而糾正之是乃救濟民困之要着也。 此機會抉出究竟希望全省人士及全國人士咸着手於農業之改良並注意於監督代議 清夜思之其能 有害於本省耶或議員諸公有比振興農林更好之計畫在耶抑別有不能明言之苦衷耶 經省長交省議 後 地 可 以言 制宜。 會核議不謂省議會袞袞諸公竟將此案打消之意者振興農林之計 有動於中否米貴之主因及 規畫全省農場採用科學方法增多產額藉裕民生此案曾經通 冶安本年四月間省長召集實業行政會議僕等 人民之不富裕均應歸咎於農政之不修僕借 曾有 振 與本省農林 過。 其

迎神賽會之心理平議

讀 燄 明於此 愈盛不惜犧 四 月十 號某報時評判佈某君 更進一解焉按我國向來沿行多神教而神教之究有何種作用研究神教尙在 牲 其 財力心力體力。出而反抗以傲睨官廳斯言何 迎賽 前會之心理謂愚民平時畏官 其沉 如虎。 痛而 有餘 旦 恨 衆。 則氣 也。 雖

萌 者。 如 芽 社 鄕 一稷之類害神 時 愚 代。 無 故 知。 素 玥 昧 不 於益 者。 敢 如五聖之類鄕愚之崇祀害神者以求其不爲己害而已其崇祀 斷 其 神 生前 有。 亦 之功績。 不 敢 必其無姑就 而姑且崇祀之者不過以爲 神 教 而 別 之爲二有益神。 向 叨 鰰 有害神益: 佑。 去年 竞獲 益 神

滿 收。 車滿篝之癡想耳按農業通 而 今歲 稻 |麥登 場。仍 盼 福 神 之庇 例收成之豐歉視乎鄕民之智識程度而定故善謀國是者。 護。 俾 得穣 穰滿 豖 之 一豐饒。 此 不 過 類 於 壺酒。 豚

家 使 亦間 教育 普及科 接 受 其 學昌 利。 而 |明交通| 鄕 人 之 便利。 對 於善謀國 息率減 輕。 是者敬之若帝 更求產額增 天。奉 多。 物品進 之 若 步農 神 明。 而 人直接受 無謂之崇 其 祀。 益。 亦 國

不 北。 禁而 然 而 自絕矣我國自改 國 內 紛 爭。 愈演 愈烈。 政以來因私人 而政府 應辨 泛惠 權利起見爭執迄今尚未解決同 民事業愈遷延而 愈絕 望至 使國 一國也無 本 動 分南 摇。

人之共 威 墮 地。 國 和 權 也。 伸 旁 民權。 落。 國 我之共 命 將 終。 無 和 《教育實 也。 絕 民 業 命。 之可 鳴 呼鄉民 言。 無道 之所 德 欲 廉 者 恥 無 之足恃舉國 他。 卽 安居樂業 皇 星。 丽 禍 至 矣。 無 日。

福 我 者 則 炭祀 之 雖 土 木 偶 像。 亦所不 計。 不 知 我 國謀國是之袞袞諸 公亦思 實 行 惠 民 政

策。 使 鄉 民之崇祀 否 平此 雖 鄕 人之心 理實卽我 全國大多數人民之心理 也不不 識

藕 初 文 錄 上卷

一百三十三

藕

一百三十四

諸公其亦加之意否。

勸工銀行與各小工業之關繫

商各業雖 謂爲工商 士。 所 我國自提倡實業以來垂數十年於茲矣乃富國之成效未見各業反瀕於窮途自給之虛 下不克在愛用國貨聲中求一立脚。 願難償百貨大開其漏巵試縱觀內國工業界現狀不特固有之殘局不能支持。且每況愈 相排斥以致終歸於失敗乎然各都會無限公司乘時進取以擴展其本業者爲數亦不少。 在都 無政府保護尙能 界無遠識之士以操縱之故等於冥行者之擿埴索途自然陷於困境。 有謂爲國民無財力乎則鉅萬金錢咄嗟立集謂爲當事之人。止知爭權攘 竭智盡能以爭一線生機紆迴曲 地有職之士怒焉 憂之謂爲國 折以有今日。則吾工商界中 內無 人才乎則優秀之 乎然 莉。 而

人之生也必須有旺盛之血

之能力經驗亦不可爲不厚然則內國實業不發達之原因果安在

液營養全體然後五官四肢方克各盡其天職內國實業之發

耶。

展 之於人身關係之大可不言而: 也全賴雄厚之經濟左右調護然後地方百業自然日濟於隆盛經濟之於實業猶 喻矣今者內國經濟萬分竭蹶息率驟增匯兌不 通。 此 血 時 液

欲希望實業之發達豈不憂憂乎其難哉。

者居多間。 年 來我國銀行事業發展頗速固我國經濟界之好現象第前此舉辦之各銀行商業性質 有以實業之名義立業者然與工業界不相接近故工業界之獲益 者良鮮而· 小

則 更 無論 矣此則勸工銀行之設立有未可一日緩 者。

政 間嘗研究東西各國工業發達之原因莫不仰賴銀行之挹注此類銀行大都由政府組織 民 國 之以宏提倡者。 應盡 人 府能援助 籌 畫積 之天職由是言之動工銀行之組織亦共和國國民分內事 之固屬佳事如其不能援助則合力自謀以求發達內國之富源爲共和國國 極進行之方策而謀 而在我國 則政爭紛擾。 國家之富强雖然共和國 般野 心家日夕孳孳以個人權利爲急務安 國 民凡事須完 也。 有自 動 之 精 神。 ~暇爲

自 五 心與 四連 動 毅 以 力。有以致之乎夫亦以家常日用品中國貨稀少故不 來民氣日盛。 抵制劣貨全國響應乃爲 時無 幾銳氣 (驟減鳴 能不仰給於人而作此 呼豈 我 國 民 缺

藕 初 文 錄 上卷

一百三十五

後 飮 鴆 外來之劣貨無可乘之隙矣。 止渴 之舉耳世不 乏熱 心遠識之士持百年久長之計以求國 人其計維 何即盡力促成此勸工銀行作各小工業之補 内各 小工 一業之發達。 助 丽

關維持之而發達之起點雖小收效自宏焉。

客日子 應時勢需求也光乎此勸工銀行成立後其同類銀行之接踵而起者固屬意計 任 務哉。 步 與客言之勸工銀行除普通營業外更有關係於振興內國實業之要計數則。 與諸 應之日君言良是然百萬資本特始基 同志組織之勸工銀行雖集資百 耳按之盈 萬爲數究屬無幾安能以發展 科 而 進之公理。 n 逐步 全國 中事請 實業為 屬 擴 張。 以 進

各人之專門學識。 調查歐美日本及本國學堂之工科畢業生並曾辦各項實業失敗而有經驗 與所得閱歷通信聯絡遇有機會卽介紹而聘用 、之使專門人才不 者詳記

查者

四屬於建設

及促進者二請約述

如下。

學非所用而長此湮沒。

俾 請各 地 無棄材以達利用厚生之目的。 地 方熱 心家調查各當 地各種特產品之足供工業原料用者藉以推廣各工業。

- (丙)調查海關進口貨物俾國人曉然於金源外溢之鉅大而圖補救。
- (丁)調查全國已設立之各工廠各項工業。每年出數若干。並對照每年進口之製造品若
- 干擇其最急者設法提倡以圖抵制。
- (戊) 邀請專門人才擔任顧問工程師各廠如有組織或改良等事可向勸工銀行延請藉

免耗費。

(己) 編輯勸工月報將調查所得之資料及全國工業進行狀況隨時報告國人藉作

南針

前 以上所擬辦之調查事項及出版 少有調查報告則作事有根據補救有徑途其失敗當然可減少勸工銀行關係工業前途 此類皆暗中摸索事業之成敗素無規畫一一委之於命運千車一轍故失敗多而 ,事業所費無幾而於工業上則有大關係蓋我國工商業。 成 功

之遠 助。 此 一大有如此雖然勸工銀行此日之成立來日之發展全賴各方面熱心愛國志士之贊 係提倡國貨杜塞漏巵造福 社會鞏 固國力之積極的事業出各自積極之眼光積極

之願力以促進之不禁馨香禱祝以觀厥成也。

莉 初 文 錄 上卷

百三十七

花貴紗賤之原因

棉 形觀之則異是紗價頻跌。 不 紗賤之原因所以不得不研究而謀所以補救之也。 花爲紗廠惟一之原料近數年來因紗價之高昂花價亦隨之而增漲宜也惟自本年情 知 所以 《保全之一 且 紗廠業不能支持。 而花價頻漲業紗廠者無不受虧而普通 ,則全國· 金融無論直接間接咸將蒙其害此花 社會循 視紗廠為 利 藪。

因。 價之所以 現世界之商務已有天下一家之勢商市之低昂高下其原因有在數萬里以外者本年花 如 外美爲全世界第一產棉國前昨兩年花價低落因而減少種植以致去年收穫。 此 高昂與紗價背道而馳者雖在國 內亦有一 部分之關係而 其最重要之原

僅 百 有 九 十 八百三十四萬 萬 包預算至明年 **包本年收穫僅有九百四十四萬包至本年七月底** 七月底將盡數用罄此美棉價高之原因 也。 調 查存 棉。 有四

則

在國

又羨以歐戰之故國家富力增高。遂致一切物價昂貴異常生活費異常巨大年前曾有羣

衆運動力持節購主義以減低物價本年物價低落已至相當限度衣料爲人生所必需勢

必多購以補不足匹頭棉貨之廣銷此美棉價高之原因二也。

戰後商務陡衰工業受虧因而減少工作工人失業者日衆遂不得不抑志降心以求食於 奮俾免爲廠中所淘汰美之棉織業遂因而獲利出數盛需棉多此美棉價高之原因三也。 工廠之門於是向之僅願工作八小時者。今已工作九小時或十小時而其工作且愈 加 勤

次於美而以棉產著名者爲印度印棉價格向以美棉爲轉移之標準美棉旣貴於是印棉

之價格亦不能低下矣。

吾國 底本少又本年新廠陸續開工增添需要甚巨以致本年棉產雖大致甚佳然以紗椗增加 爲全世界之第三棉產 國近年以時勢之需要產額時有增加然以去年通花歉。

之多供求究不相抵此華棉價高之原因一也。

又以政 局 不 靖土匪蜂起內地植棉之農民運棉· 出售旣多困難攜銀歸家尤多危險以致

存棉不售心存觀望各口岸之棉花來源途形減少此華棉價高之原因二 也。

到 市 棉花途遇軍除雖已完釐稅仍須任意加征或美其名曰保險費苛稅重 重成本日昂。

藕 初 文 錄 上卷

鶆

此華棉價高之原因三也。

數華棉捆載 日 本 棉 織業夙以美棉印棉6 以去以供急需而美國方面亦以棉價過高有上等華棉運去此華棉價高之 爲 大宗原料本年美棉飛漲印棉亦昂遂向吾國方面收買巨

原因四也。

約 日 本 在華新 百萬 **椗華棉雖昂尙較美綿低廉日本在華旣擁** 設紗廠甚多現上海靑島二地約計已有日商紗廠一百五十萬椗已開車者。 有巨數紗椗叉利用其雄厚之經濟。

敏捷之消息以大購華棉此華棉價高之原 因 五. 也。

數 日英雖同爲島國然英之棉織業皆紡細紗故尙能競存於今後之世界日本則紡粗紗出 多而 銷路滯不得不以中國爲 尾閭上海紗號每將日本之三品爲準繩日 本氣象不佳。

則中國紗市亦難起色此紗價低落之原因一也。

淮 內 貨。 亂 各口岸存 頻 內 地 紗號已不到 紗以軍隊忙於運輸交通爲之阻塞以此種種因由棉紗逐不易暢銷內地。 敢放 、 脈 益 以上 匪 時 發。 無形損失極巨雖存底已空亦 不 敢 放

此

紗

價低落之原因二也。

卽 使內 地稍有銷路日本紗既蜂擁而至在華日廠又盡力開出現貨或期貨買者爲數少

而售者爲數多此紗價低落之原因三也。

合觀 售銀 百商 吾國紗業之不振。由於外力之壓迫者半由於內政之紛亂者亦半。然吾國民當知外力壓 業。 八十四 上述花貴紗賤之原因已可概見憶民國五年袁氏稱帝時三四五月間十六支紗僅 求助於政府內政紛亂決不能求助於外人若內政常此紛亂則不但紗業受其害凡 無 一不受其痛苦。是以在商言商之舊習已不復適用於今日吾商民對於政 兩。 而購花成本須八十六兩工繳完全無着紗廠受虧匪淺今其時又再見矣。 治必

須進 業庶有恢復之望否則商業愈衰生計愈艱非至全國淪亡不止紗業不振猶其小焉者也。 而盡其應盡之責任急起聯合商界重要分子,用各種方法逼迫政府改良內政則商

與日本某侯爵改良華棉之一席談

日 本 臨 時產業調查局事務官某侯爵訪予於德大紗廠批發所寒暄旣畢某侯爵問日聞

賴初文錄 上卷

百四十一

内爲 之棉 二支 收 君 爲 宜 應 生 **〜穫之棉紡☆** 培育。 一處設 設 設總 從 來 及四十二支之細 立 華 時 場 何 植 之目 逐年 在 立 場於此數處以圖普及余日敝國政府曾在直隸之正定江蘇之南通湖北之武 處入手。某侯爵答日漢 晚農 棉 何 植 處畝 成 試 的 棉 將良種子供給農家以圖普及此卽爲 域。 、驗場已有な 細紗後。 事 何 試 **数若干能** 、 驗場 情年 將次告竣矣某侯爵又 在某侯俘答日考察華棉 將樣 紗今歲棉質亦已檢查 车 矣其成績若何答曰今已 紗分贈有志改良棉產之諸君子以供研究某侯爵 來 一去瞻覽否答日場 政 口揚子江 肩 擾 攘。 問君 二帶極 未能 狀況藉圖 試 過。 注 力於此。 棉 宜 驗 地 質佳良。 植棉此 中詳言之此種主 本場一大目的繼而轉問某侯爵 美棉之目 在 四関 改良叉問曰。 上 海之引翔 但設置總場 年去年 其纖 外 的 如 何 微 河 在答 南陝 據先 收穫 鄉。 亦 於漢 張實 共 並 別選優 生高 西等 有田 未變 之花 口 衣曾紡 設 六 劣。 處土質亦好。 見。 分場 改 良 + 叉問 擬 良 畝。 種 將 於 華棉。 惜 本居 其 日

相

符合叉問

某侯爵曰頃者先生言來華目的有改良華棉語設使此計實行則用

途义問日貴國借款於敝國政府謀改良棉

某侯爵答曰大約出於貸資貴國政府之一

他

各宜

棉

品

僕

曾 於

五.

年

九

月

+

·日是

一農商

部

文

與

先

生所言

何

種

絕端 產。 以外 府之同意然決非民意更續言日僕個人不贊成此說因恐貴國誤會有外交意味故 能 要人 等創設中華植棉改良社社內亦設一試驗場於上海之楊思鄕其入會者皆花紗。 亦須借用外資得毋太不近情理乎況改良農產而圖普及誠爲吾邦人士應盡之天職若 爲富務之急。 會 出於貴國政府 凑 先生所言甚是敝國年來內亂頻仍向貴國貸款爲數已不貲而在敝國 改良。 人代謀 集而借外資苟借外資而無傷主權本無不可惟改良農產而設試驗場爲數無。 物。 反 驗場外曾有 以 對此舉至於借資而 謀廣及會員 東西 及 改良至 改良則於普及上恐不免反生障礙某侯爵稱是者再逐進 洋已回國 一二年內各省宜棉區域內當必有具體之規畫出現僕不能確定何 其他 中人之意思歟抑出自貴國之民意歟某侯爵答曰此事 已達入百 何程度但改良之期當必不遠敝國人民深謝貴國 改 之農學生及各地方熱心改良棉產之士不 、 良棉質· 改良農產 人設試 之機會乎應之日有去 験場 更屬荒謬蓋築路開礦動須數百 **多者數近百** 戶況各省省議 年僕會 偕同 設分會以免紛 郁君 會 中亦以 而問 萬。 人士希望華棉 屏翰 藉 大約 有識者之輿論。 日除君 口 改 或能 於 聶 布業 君雲臺 年 歧。 良棉 内能 時 不 所 也。予 得政 收 不 質 重 設

一百四十四

而別。 達之美意但不出數年貴國或能在敝國市場上購買改良棉花也暢談至十二時始握手

組織華商紗布交易所之釋疑

我 織當時予亦爲發起人之一。而股款無多且受有力者之牽掣該所致招收受外款之嫌疑。 萬萬有零國內紗業在近若干年中雖稍稍發達而事業之拓展。尙須羣策羣力庶能有濟。 自日人在吾滬設立取引所以後各商界受種種之感觸途有上海證券物品交易所之組 年擲二三萬金已從事於植棉事業力謀產量增多與棉質之改良矣未聞有人起而反對 計三大端。一原料之增植及改良。二製造之力求其精美三推廣銷路以杜巵漏今紗廠家 予遂子身引退與該所脫離關係繼念紗業係我國最大之實業去年棉織品進口竟達二 之組織小之爲本業前途計大之爲國家經濟計此項組織實所必要夫發展實業之原理。 紗業買賣之實權萬不能落於蓄意傾覆我國棉業之外人手中遂有華商紗布交易所

日。此 權 中爲足慮。 利。 農 與廠 夫事與工廠無涉增植與改良奚爲今紗廠家鑒於本業貿易主權之旁落外 遂 無 涉。 與 組織此交易所奚以爲。 紗業重要分子組織交易所。 此 說若 m 反 確則製造歸之工廠銷售之主權歸 對者日汝工廠也買 賣係吾等 中間 之販買

織 試問 紗布 交易所。 全球 有此先例否麵粉廠家已組織麵粉交易所矣則紗廠家與紗業重要分子組 互相提挈互相研究發展全國之棉業而抵制舶來品其誰曰不宜苟紗廠

展。 家 紗廠與紗業唇齒相關應合謀本業之發展。而反對者則曰否豈業中人不應謀本業之發 與 而業外人反 、紗業重 要分子而 得操縱於其間 不 應合 耶。 組紗布交易所 明白事理者流苟平 也則已開辦之取 心靜氣以思索之。得 引 ;所等是何· 毋 哑然 人所 、失笑否 組

乎。閱 開 會當時公推口口口君爲臨時主席報告開會理由並請口會長口口君蒞會云云」開 日 和悉· 昨日 「下午三時。紗業公會特開 全體 大會。 紗號同業者到者三百餘 振鈴

於今日 洋 此 洋 種 全 灑灑之大 始見之雖然紗業豈無人乎不過脚踏實地研究發展本業不受人威 體 大會。 演 m 曾長不到。 說 外。 無 須再 人發表意 四差人邀請。 覚 夏 叉何· 也。 何也到者三百餘家除臨時主席口君 此 中 真 相明眼 人當 能 知 之紗業 脅利誘。 無

有机 文 錄 上卷

一百四十五

一百四十六

人未悉推廣本業之原理故作此以釋羣疑。 甘同流合污。與雖鶩爭食已耳予讀口君之演說有所感且喜紗業中大有人在而恐我國

論交易所之利弊

常衰頹之情狀我國商 原理物價漸平而先令又奇縮前此所獲之利益遠不敵後此所受之損失。商業上頓呈非 歐戰期內出口貿易勃與加以先令奇漲一部分商業獲利殊豐厚迨戰事告終依供求之歐戰期內。 間。 孤 所遂風發雲起後先屹立交易所旣如此其勃興而業外者因各本業衰微羣趨交易所作 畫斯遠大際此商況不振。受世界潮流最大之衝激後共謀各本業地位之鞏固於是交易 注之一 形形色色真相畢露死者死逃者逃變產質衣者踵趾相接於是有識者皇皇然相告曰。 擲以故交易所門庭若市每一開盤空頭者多頭者,其歡樂憂苦均在各人眉宇 人於是恍然悟商業與全世界在在有密切之關係眼光

交易所卽大賭場也父誠其子兄勉其弟以愼勿入此賭場相警惕嗚呼其信然耶其不盡

棉花論。 我國年 措手。而一部分棉商之信用。因之大爲損失。去年秋冬間十六支棉紗最高價漲至二百八 憑多頭空頭損失不知凡幾因交易手續太簡單,且雙方均無充分之保證卽欲淸理無從 受虧而 當商業將如何使其安然插足於市場乎然則改善之道將安出卽組織交易所是也交易 出 所內無論購進售出須照定例存銀若干爲物價變動時保全信用之餘地物價愈漲則售 知 進逐步發展之軌道此設立交易所之利於商業者一 矣世界大通物價漲落時所恆有苟長此不思良法以改善之則棉商紗商以及種 兩後竟跌至一百二十兩而一部分紗商之信用亦遭損失其對方所受影響亦不言可 者存銀愈多兩方買賣由交易所作中間人爲穩健之保證偷一 來商業漸與消息亦較前靈動交易亦逐漸增多然商業道德反因之而薄弱即以 民國六年七月最高至四十五兩不出兩月貶至二十三兩交易買賣向以承票爲 在交易所買賣者又須具有實力彼此交易有實力有保證則正當營業正可從此 旦市情激變對方不 種正 致

歐和告成各國注全力於遠東商務而我國身當其衝安得不急起直追以求自衞我國最 文 * 百四十七

ä 回

實權完全 貿 而 大 易 出 年 愛政消息 來棉 產 業 如 競 絲 茶等受傾 業 靈 爭較前益烈卽他業亦. 通時機不可 人手 中。不 軋 致受外人 致 而 坐失規定 短縮者十去八九地方生計頓 何獨不 操縱與擠 畫周 密市況得以保持各本業自衞 然自組織交易所後以本業中人主持 軋此設立交易所 失 所 之利 依。 國 家 及力謀開拓之 稅 源。 因之銳 本業

在

本

於商

業者二

哉。蓋 是 利 我國之盛與 爲 故 密 物 切其營業院 浦棉業 w 美日 交易之成 漫 各 市場彼此於棉業上 心立 均為: 國。 無把握耳雖然我國交易所中之賭博性質豈獨業外人之狂 範 各業 圍。 拓展 本業 均 '有交易所。 亦 中 愈 大其魄力之雄 人間 重要消息互相傳達非常靈捷。 紐約棉業交易所自 有業外之人。以爭 厚亦 槪 時 可 想見而 設 海 底 間接投 世人並 電 而 線。由 兩國棉業上之關係更 機 未 太平 於 視 熱所致哉當 其 爲 洋 詬 直 中。 病 惟 達 不 英 者。 國 如 何

局 者 實 不 能 辭 其咎焉。

交易 交易所中而許非本業者作經紀人。以啓業外人投機之漸此爲交易所中之弊害一 經 紀 所中 對 之經 於 本 業 紀 人即俗 情 形。 必 甚 所謂掮客者是也以花業論經紀 熟悉代人買 賣。 不 致 味 於 市 情。 人應以向 而使委託 者受 操花 (甚大· 業 者 之痛 爲 限。 也。 則 若 該

業外。 之結果。今市上譁然某氏盈餘數十萬某氏虧耗數十萬卽以此耳故交易所雇員在本 之人。多頭空頭之細 皆不 所中理事長以下皆爲所中雇員除各本業理事勢不能因充當理事而停止間接營 得 在 本所作交易而 帳完全在彼輩掌握: 於理事長及常務理事爲尤甚蓋彼輩均係主持 行故彼輩了 顺 在所交易其勢必如大連豆市所 全所 事 所 得 務

所 行。 過多存在某處主任雖有特權然該公司存款全數或大多數而存於該主任所私立之銀 按 公司 甚或 重 要 條 擅用 物。 例。 公司 存款收押本交易所各項證券因此謀利 私 設 主任。 銀 行。 如總 而任 意 理 局 挪 移 長 本所! 或理事長等對於本公司 經濟 者此爲交易所中之弊害三也。 者其違背公司 經濟不能任意侵挪。 條 例 可 知 矣故交易 即存 款

私做交易等於監守自盜此爲交易所中之弊害二也。

押 日 來信託公司。 於該 所 主任自設之信託公司 如春筍之怒生結果如何雖難預測設使以某所之主任將某所之股票抵 內此 亦違背法律之事雖難保其必有然不敢保其 必

般或有之則爲交易所中之弊害四也。

我國 |有能力者於商業中隨處有發展之餘地惟發展之狀況及限度則 視發展者之合宜

有机 文 錄 上卷

百四十九

一百五十

無庸豔羨其脚踏實地循正軌以謀自然之拓展者亦無庸退卻也交易所之現狀若 斷 耳奸巧詐偽者終歸傾覆最後勝利恆歸之公正誠實者是則幸。 致巧取之途可 此社

地 願各交易所之股東隨時研究公司條例監察重要所員之舉動而有以 會中人賭興之豪闊若此且一般人於法律觀念薄弱又若此因果相尋不知伊於胡 中堅人物亦隨時注意盡其監察之職遇有如上述各項弊害發現則設法抑制以減少 取締之。幷願各當 底。僕

融 上發生之險狀則當局者私心或可稍戢社會賭風或可斂息矣。

華商紗布交易所開幕演說辭

今日 本所行開幕禮承政商學各界實臨鄙人敬代表本所致感謝意並略陳本所所負之

責任及鄙人等所抱之期望。

求日廣事業亦日漸擴張事業日擴張而信息靈通條漲條落瞬息千變事業家所用之智 夫世界日 文明交通日利便消息日靈捷地球面積似乎逐漸收縮呈密緻狀生齒 日繁需

之乎同 國 慮 社 耗。 百七十八萬 册之紗廠及上海紗布業大部分重要商人組織斯所擬與英印美日棉業市場相聯絡。 八百十餘 益。 由 聲 二百二十 會亦利 九年 是得 已綽 應愈周所負之責任亦愈重故事業愈擴張地位宜日求其穩固夫然後 氣隨 乎有 華洋貿易總册。是年我國出口貨達五萬四千一百六十餘萬 時 以 、等鑒此狂瀾起圖 萬 萬 賴之世界文明 將 達 兩。 各 餘。 餘兩竟占進口總額三分之一。苟設法杜絕棉貨巵漏以抵補出入相抵之虧 兩 兩 即棉業· 棉 有 種 國 零出入相 確實締造。 一之目的。 一棉市消息貢獻同業消息旣靈局中人不致 紗 進 口達七千八百六十八 在內國占重要地 各 抵益 國。 保障棉業免受意外 挽救除天津 從事商業且注 出二萬二千零六十餘萬 人等日夜研究而 位可想而 各 紗廠 漢蘇蘇兩: 全力於商競 之虧折。 自辦交易所外聯絡全國 知矣邦人士夙夜思 共計棉業項下 實施者也譬之水 發展棉業鞏固同業均等之利 兩是年棉貨進 者。 暗中摸索而受不 正以 此 也閱 進口達二萬 兩進口貨七萬六千 維。 口達一 火菽粟然人苟 曾在農商 亦思所以補 最近出版之民 人已交益國家 一虞之虧損。 萬六千 四千六 部 救

而

實益

之如

何

刨

爲

同

求

之。固智

一賴之以

生而不能

日離交易所亦猶是耳同人等深願悉心盡力蘄達到

今日

百五十

百五

所懸之兩 展則非惟棉業之幸亦卽國家社會之幸也。 大目的更深望社會及與本所有關係者監視吾人使本所事業永爲合法之發

交易所之性質責任及其功效

經紀 今日鄙人代表上海華商紗布交易所歡迎諸君諸君或爲交易所之主顧或爲交易所之 瞭毫無疑慮如是則交易所在吾國商業上始能發達而立於穩固之地位始能爲商業之。 爲交易所之老友。更有互相握手歡談之必要良以交易所之爲交易所在吾國商業 未有悠久之歷史。其性質如何其責任如何,其功效如何必須時時研究討論務求十分明 人或爲交易所之愛護者總之皆爲交易所之老友鄙人似無須更爲喋喋然正 商業之利器此鄙人所以樂與諸君 一言也。 以 其 上。

交易所之性質爲代客買賣此語諒諸君已熟聞之然代客買賣之精義則爲從事 者所必須十分注意而保守勿失者何爲精義。即於代客買賣之外交易所之自身不做絲。 交易所

保障。

一始能為

促進

非常穩妥若以不明交易所性質之人爲之不免見獵心喜則交易所之危機四伏矣。 證金如此則無論市價漲跌如何在交易所自身毫無絲毫風險此交易所之特色其營業 **亳買賣是也代客買賣買主賣主皆有保證金倘遇市價高下較互則有追證金或特別追**

不動 公司之藉以爲營運之資乃所以保證買賣兩方之信用除爲營業用之設備費外,其餘概 交易所之責任與銀行相同。在保管存款。及謹慎放款交易所之巨大資本非如他種商業 兼營代客買賣以外之事則交易所又不免處於危險中矣。 外不得移作別用。以防流弊此爲交易所之責任若在不明交易所責任之人。任意放款或外不得移作別用。以防流弊此爲交易所之責任若在不明交易所責任之人。任意放款。 用益以保證金之收入爲數甚巨其保管責任自屬非常重大除存放殷實銀行錢莊

以其交易成立之始即存有保證金。一遇市價低昂則又有追證金及特別追證 交易所之功效則爲保障信用增進效率,其交易非常公正無論何人或買或賣皆極可靠。 上之保障。故交易所之保障信用。除當事人不守章程外。真可謂萬無一失凡因對人買賣 方不能履行契約則根據營業細則履行違約處分至經紀人自身則有保證金爲身分 **验萬一有**

幕初文錄 上卷

而受損失者咸樂交易所之穩固可靠此交易所之所以發達也。

百五十三

一百五十四

非常良好並願吾國現存之交易所皆能注意交易所之性質及責任而收良好之效果是 君皆交易所之老友願諸君時時注意交易所之性質及責任如是則交易所之效果必

華商紗布交易所新屋落成演說辭

則鄙人之所希望者也。

今日。 吾國 貨 吾國棉業尙在萌芽時代以吾國紗椗與世界紗椗之比例言則吾國尙遠 上 人士之愛護與信用。並全體經紀人與主顧方面之和洽從事俾一切得以 源源流出。常此不圖挽救必有金盡血枯之一日故推廣棉業實爲吾國民自救之根本要 海華商紗布交易所。自上年七月一日開幕迄今已一年有半矣此一年半中重荷社會 進 口 民 有 之數已有値銀三萬萬元之巨額一國之金融爲 經濟尙未發達。生活程度尙未提高購買力尙未充足而民國十年 此建築告成遷居新屋之盛會同人至深感謝竊願乘此機會爲諸 一國之血脈棉貨源 來平 順 在各國之後以 利 源 君 進行以達 均 進 進 毎 口。 年棉 現 金

圖吾國棉業以上海爲中心故全國紗廠與上海紗號聯合組織此上海華商紗布交易所。

即以推廣棉業鞏固金融爲宗旨也。

高之時紗廠 欲知交易所 損失如此買賣無相當之保障實於棉業之發展。大有妨礙交易所不但有平準物價之功 在 月棉花價格最低之時紗廠購進期花甚多然其後花價步漲每擔價格最大與最 之巨於是買主方面不得履行契約者甚多賣主方面咸受非常巨大之意外損失。上年四 用。 十四 且又爲買賣 兩以上於是賣主方面又多有不能履行契約者以致買主方面又受同樣 與 紗號售出期紗甚多其後紗價步跌每包價格最大與最 推廣棉業之關係不得不略敘事實以爲之證民國九年一月棉紗價格最 兩方之保證既可顧全商業上之信用且又能增進貿易上之效率此 小相差至八十餘 公巨大 小相差

華商 紗布交易所即以保障信用增加效率爲目的而 設立者也。

自以 交易所之事業以保守信用爲原則一年半以來所以不隨在潮怒濤而俱逝者同人不敢 功 經紀 人全體 與主顧方面之能守此原則而和洽從事實爲事業發達之最大原

因經 紀 人與主顧有 如一家人互相和洽保守信用則雙方各有利益而 社會對於交易所

不和 文錄 上卷

一百五十五

一百五十六

之信用實爲一切成功之基礎也。

需然萬 者昌。 不 回 善用 憶 一世固 上 之。則 年七 一不善用之則可以破壞信用擾亂市面爲害亦非淺鮮總 無 有百 月一 水 मी 日開幕演 利 溺。 而 火可焚其害固 無 一害之事物貴 說以交易所喻水火水火於人有大利。 甚巨 在人之審於得失之幾愼於 大也交易所亦於人有大 之事在人 利。在商業上亦在所必 取 日不可或缺然萬 · 捨則弊 爲。 去而 萬 事 得 利 見 人

於同 易所 矣吾國棉業。 爲 人與全體 推廣棉業之重 尙 經紀 在 幼 稚 人及主顧三方面。自今以往尤 要事業願吾國民注意其事嚴加監督偷蒙加以責善尤所歡 時 代其盛其衰 不 僅關 係一 業。 必慎 溢加 實 與 **慎遵守交易所之原** 全國 經 濟 命 脈同 其休 則。 迎。至 戚。 勉 力

進行。 尙 須 務達 設 法聯絡 保 障商 歐美日本之交易所以發達全世界之經濟事業此爲同人之所希望荷愛 業增進效率之目的以貫澈 推廣棉業鞏 固 金 融之宗旨將來 進 行 成

恐臨無任榮幸敬述一言藉伸謝意

中國實業進行滯緩之原因

者作本究原以爲國勢之所以陵夷至此端由實業之不振而歸咎於軍閥武人之養兵自 民國奠基於茲十年論亂相尋迄無寧日馴至民生凋敝更甚於前國庫空虛每況於下論

衞。 地擾民盡其荳相煎之能成南北分裂之局鈎心鬭 角召亂滋紛祗便私圖罔顧

朝楚暮秦載鬼盈車。 而政客議員又復壽 ·聚鬨 張爲 一室。 幻噓氣成雲藉政黨議院之美名依軍閥武 於關係國計民生之至計,非特不加保護,抑且從而摧 人以自己 重作離旋分

業。 而 國家元氣之所由勁喪社會事業之所由墮落咸因於斯道謀築室禍亟蕭牆其影響於實 其患之延及於國家社會誠 如論者所云。 惟余以爲中國實業所以不 振之故,其受病

尚有大於此者。若舉委其責於軍閥武人政客議員此語所謂審於腠理之疾而 忽於

膏肓之病矣

底 我國實業 止。 |而當局諸 本在幼稚時代。份須待政府之扶翼維護俾之前進顧我國政局淆亂迷離。 公叉方依違於軍閥政客之間補苴罅漏苟安旦夕復奚暇留意實業。 靡有 爲之

規畫指導以樹百年不拔之基所賴全國人士視此爲救亡要圖出其全力於兵荒 征 繁飲之中促進此略具雛形之實業使其規模逐漸擴充事業逐逐漸進步勇猛 水早暴

藕 初 文 錄 上卷

「百五十七

百五十八

進旅退之狀瞻念前途不寒而慄其所以進行滯緩之故雖千端萬緒不可更僕數而 得。 乃返 一觀吾國 近 數 年 來實業之外表似有蓬蓬勃勃之勢而 察 其內容則頗 其 有 旅

病之原

則不

出

字四端。

已無 徒 羣起拾抉奸僞貪詐恬不爲怪人方精益求精而我乃得過且過甚且冒牌戤影。 見目前 日祗 《及言之可》 求近 之小利。 利。 古稱 痛。 吾國 而 戎 不顧信用之喪失茶業一 狄之師勝不相讓敗不相救我國 出 口貨榮譽之掃 地。 ·因於此。 落千丈職是之由迨事後補 商 人情都類是每有 救大 微 、勢已 視同 利 可 去亦 固常。 則

愈久 日目 丽 致遠故近世實業家往往有以至微之資本經營歷一二十年遂成偉大之事業蓋積 光太近古人言植果之利五年植木則倍 利亦 愈 厚今之資本家。 味於此 義。 甚 有朝投資 之而所獲則三焉夫汲深必須綆修徐行 而 夕郎責 償 者責償 既勤。 獲 利 自

其目 爲 光於 於辦理實 公全國。 一故其範圍小而獲利亦不 業 人士又多喜逐步效颦乏創造開拓之能力拘局於一 大深願全國人士協力同心通盤籌畫爲有 隅 之見不 能

遇

緩

急易致

弱蹶

之象而

貽

瓶

罍之羞是所得

且未償所失。

然其足爲實業

之障

礙。

莫

此

紊之組織以開拓吾國固有之富源而杜塞無窮之漏巵焉。

其地 事 不 友 循序漸進學識自能與經歷並增此古人所謂大器晚成也而今之爲事者大都但求增進 業者產生之物品。全賴企業者爲之先導而盡其宣洩之妙惟是所須分量當與實業相稱。 之心非特足以價專亦且戕賊人才使之不能詣乎深造之域其阻礙實業之進行也實甚。 往往 否則恐慌立見而 中 敷 之經歷而言深覺此種論 日學用不相稱。今之辦事者無不日人浮於事謀事者無不日謀事非易然就余數年辦 日多企業而 位。 應用之患非謀事之非易而謀事者存徼倖苟得之心故遂覺其非易夫就職任事當 無 人勝 而不 企業方曩歲疋頭 知自審其學力其所希望者恆逾其學力之所勝是以每有創建輒以環顧知 任 少實業。 丽 中輟非果無人勝任 市面且爲之紛擾不寧吾國辦理實業人士大都寡於經驗短於識 企業爲輔助實業之事業苟能運用得宜自能收指臂相維之效實 調似有未當之處嘗私謂吾國今日非人浮於事之患。 一業因先令之驟縮而失敗幾至牽動大局近日交易所、 |也能勝任者願已不止此矣此種躐等而妄希非分 人多而 信託 見故

公司之風

起雲湧識

者以爲

將蹈橡皮股分之覆轍誠非過慮之論非企業之不可經營特

百六十

不望吾國實業界之謹愼將事者也。 實業者亦咸以其所辦事爲企業之投機舍本根而謀枝葉長此不已何堪設想此則不能 今日之經營 企業者大都以身家生命爲孤注之一擲又無商業之智識以爲之輔而辦理

戰之場。故增加智識爲今日辦理實業人士惟一之要圖而提倡實業教育溝通實業與教 害之僅及腠理也夫病宜求其所由不外乎缺乏工商業智識而不肯安乎其位之故以今 以上四端均爲吾國實業進行滯緩之因而其病則深中膏肓非如軍閥武人政客議員爲 所嗜投彼所好否則人步亦步人趨亦趨彼已占其先著我方隨其後塵復何能立足於商 日交通便利萬國輻湊商業情形一瞬千變經營實業者當放其目光於世界然後能 育之界線此則余所持以爲培本之法者也。 知

振興實業之程序

年 來我國實業如日方升。各項事業中呈活潑進展之大觀者尤以紗業麵粉業爲最而各

業發祥地點大都在水陸交通便利之處此外則殊沉寂焉有心人力謀內地 展。 便利 前 以供振興實業者事前之考量藉減以後之困難倘亦海內有心人所樂聞者數。 事之熟誠亦 荷不 逐漸 處實業所以發展之原 悉心籌畫偷偶蹈絕地則振拔無由不但金錢化爲鳥有卽國民濟時之希望。 移開闢富源之主張於內地予亦夙植此主張之一人也但組織公司良非 且隨之以俱去當此國家多難實業萌芽時代何以堪此不揣愚陋爱將 因。 及內 地通有之障礙以及農工商發展之程 序約略言之聊 得均 平之 易事。 交通 一及赴

夫組 金 隆運。 融 凡 電 一業能增高農產之代價。 融。 流轉運輸便捷原料勞工羅致俱易製出貨品行銷暢達苟主持得人管理合法公司之 幾蓋電力爲 氣 織工 此 可 數端 以立 一廠之要點 品 致此 者缺一不足以使公司發達至於極 區 交通 切動力之母。有一大電氣公司供給電力則無論大小各工廠所用 租 界內。 有 便利處實業勃興之主因也今以 九日人才日母金日原料日機器日傭工日管理日交 助進商業之繁昌實爲惠農益商裕民足國之樞紐,請先言工業。 電力竟達三四萬基羅 華脫年 點而交通便利處人煙稠密人才薈萃金 上海 來境 內 隅 工業之因 論。 五. 年 前 以 通。日 振 I 部 輿 市 者。 局 推 知 廣

動 力。 可 由 此 而 出發成 本因之輕減管理 因之簡便他埠無此便利實業發展 心之情形。

瞠 平其 後。 僅 原 動力之便利。 其 收效 尙 如 此。 餘 可 槪 想矣。

埠 內 資 地 本 因 字家類多 教 育 不 故步自己 興民智閉塞交通不 封是以 雖有 ·便。 金 少 數 有 融呆滯於發展實業諸要點所缺過 力者起而圖之往往以 種種原因旋 多加之各大 作而旋

此 非 內 地實業之不 克振 興也。 蓋尚 有 先 決 之問 題 在 也。

以豐富。 業 中所最重要者厥惟原料棉質不 蠶 良尤 桑不 改良絲繭產量曷 望增 要圖。 改良紗布競爭難於制勝麥子不改良麵 加。 舉一 二以概其餘。 局。 知 改良農產家 實爲 謀。 常務之急 粉 出 及。 而 何

人民罔知 命脈所 在絕少研究地利無限天惠可驚苟稍稍整 **蓮日用** 百物。 應俯 仰自給 而

農產之改

爲

振

興內

地

實業

惟

無

如

執

政當

類

皆

人自為

無暇

顧

內

地

進 有 步。且 餘。 乃以農· 日 見其退 也不 化民生 學學也不農故蹉跎 日 日用竟減縮的 暴棄數 自給之能 千 力。反 年著名之農業國。 相 率 仰給 於 於農產 外 來 物 品。 上。 非 不 但互 但 無 市之 尺 寸

舶 品品 跋扈卽樸陋偏僻之鄕若者爲必需品若者爲奢侈品亦莫不喧賓奪主焉吁可憐

戲已。

五. 美利堅立國以後二十五年間國內實業尙無若何之發展厥後四十五年間。 地自東徂西橫貫全洲之第一鐵道線由此告成同時發現加利福尼島金礦厚生利用諸。 年至一八六〇年) 爲國內實業逐步發展之時代時彼國執政諸賢戮力一心開闢新

里之多幹線之旁廣築支路星羅棋布密於蛛網總延長超出全球鐵道線二分之一以上。 〇年相距僅四十載增加至二十萬英里至一九一五年。全美國鐵道線竟有二十五萬英 大業因以循環開發由是益努力謀陸地交通當一八六〇年有鐵道三萬英里至一九〇

(全球鐵道線不過四十九萬英里)全美境有橫貫大陸自東而西之五大幹線連絡太平

第一物產豐饒之國者固然歸功於農產然扼要言之無非受交通之賜而已我國 洋大西洋瞬息相通速力甚大輸運便捷世無其匹棉帶麥帶黃金徧地使美利堅爲 面 世界

四十分之一。農產物淤塞陳腐於腹地者不知凡幾遑論改良暴殄天物其誰之咎歟卽久 更爲廣袤經營鐵道事業至今已閱四十載全國鐵道線號稱六千里不及美國鐵道

已通行 附近各區域未曾銜接一氣廣闢大道以致交通仍滯運費殊昂行銷爲阻不但此也卽使 之各鐵道線三數著名大站規模粗具餘均鄙陋荒蕪毫無精采此無他但 有

有机 文 錄 上卷

百六十三

農 積 苦 人 産 相 無 如 率裹足 物運 自 山。 之方焉。 行 任 送 組 而 織 風 到 之運輸機關直裝歐 內 雨 站 以後鐵道 呼。 地 之摧殘往往停滯兼旬不能運 之財 源遂末由開 管理殊欠完密需 息不 美。 發矣設 商 而 不 車者手 使 通。 所獲遂 内 出。 旧母金因· 地貨物。 段靈敏而 微。 也。 之而 竭智 而 有時 路員 虧耗時機因之而 盡能竟送至各口岸。 且受人之壟斷 亦 狡 黠 殊甚。 把持。 逸失商 坐 而又 使 貨

其自

救

鳴

此

仰人鼻

知何

時

得

以自拔

農 工。 一 大道。 彥。 果 酌 鄙 人於 量各地情形次第謀畫各項實業農工 以 能 此敢下一 方面 便運 開 誠 ·輸 其在 治 改良農 相 見。 斷語 作增進產品 交通當 相 日欲圖振興日 聯 絡分途並 事。 急宜 量。 使 仿行 進。 內 內 地實業。 不 地 出十 一並與而商業亦隨之以發達矣我國不 金 歐 融。 美 一方面 年。 便 逐步呈活潑 利貨 吾 知 物轉 應先推廣鐵道。 中 國 之實業。 氣象。 運方法,將路政嚴行 人民 必 生計。 更於 有 可觀 《鐵道沿線。 漸能 者 乏識 矣。 裕 整 餘。 頓。 然語 然後 時俊 廣 以 惠 闢

不

皇賢

在

位。

政

治

澄

淸。

荷常

此

南

征

北

討。

爭

權

攘

利。

惟

地

盤

之是圖。

捨

國

難

於

不

顧。

而

暇遑論實業之發達哉。

改絃易轍求所以自立之道若干年後,吾民將爲奴隸之不

愛國 安能 素位 局不 新聞報館總理汪君漢溪對於本年雙十節繼續徵文以予涉足工商界於工商界所受時 生利 長 政爭所波及政權久已旁落政府視同贅疣不幸陷於無政府地位忽忽已三閱月邦 此終古 靖之痛苦。及所抱政治改善之希望當知之較詳囑爲撰稿予不文第感於汪 府所點綴哉無已惟有表示我工商界殷切之期望期望無他攘利之政客相率歸休。 之至意不敢不貢其一得之愚予工商界中人也工商界年來所受之痛苦無往而 而行相與安之雖然羣龍無首對 的 私。 政府及早出現俾舉國 同 耶共和締造忽十二稔雙十又來紀念國慶國旣不綱慶於何在揮淚之不暇又 心戮力發展 社會經濟增殖國家富力消弭國內殷憂助進全球幸運而 人民咸得安居樂業而已生利的政府云何政府當 內對外失其系統國際地位受損 實巨叉安能 一君憂時 局。 人士 任 其

劇 烈國紀蕩然禮義廉恥敝屣棄之孃奪把持黨系爭之僉以爲握財政交通之權者。

初 文 鍭 篇與我邦人君子商権之。

百六十五

百六十六

謀 可 而 得 攀 任 附 肥 意 争 缺 侵 競 者趨之若鶩謀者無 蝕 者 巨 款。 不 悟 典 也。此 賣 國 外教 產。 予 育。 限。 取 予 司 法農商諸 肥缺 求。不 轉 有限於是傾軋 瞬 間。措 部名曰閒部。 大 坐擁 之風熾 藉以位置第二 巨產 矣所謂 矣故 財 紅 交 等政客 部 久 者。 有 如是 紅 而已。 部 如是。 之 噫。

政

體

之敗

壤。

至

一於

此。

復

何

言

哉。

計 財 與 者。 部 於民提綱挈領。 無 而 非 大宗入款爲錢漕捐稅及關餘鹽餘等等雖握 民 荷 間、 斯 財政 息息相關之循環裨益要圖一方面 世 斯 當 民 之膏 局長 獎進保育農工 於理 血。 於 人 財。 民實 取之於民而民不 商各業使種 無 幾 何 之利 種產 循規 怨亦 益。 若 律 額。 全國經濟實權然實際不 (僅可 步步 夫 以取之於民。他方面 財 政當 謂挹 級增。 發展國家 局。 注 有 而 方然其所持 能 統 Ż 出若 籌 經 兼 過 · 濟。 于 恃 顧。 高等會 財 此 作 以 力、 挹 財 政 用 府 注

意。 應 部 餘 掌管全 捷交系名 如路政航 國 政非但毫分 目。喧 鐵 道 騰於政 郵 電航 無成 海間。 路。 收支款 效且廢弛實甚交系云云徒爲軍閥政客植權攘利之惟 酒名責實。 項位置· 除郵務辦理成效卓 人員。 其勞力遠 出財 著 外。 (部之上) 次惟 電 壁 政。 壘 一份 堅固。 差 强 而 人

構

成

生

利

的

政

府

之原

則。

我

I.

一商界對

於

今後

之財

部。

所繋

以無窮

之期

望

者

也。

機 關。 邦 人士竟 |放棄本有之監督天職相與充耳無聞當局如彼民智如 此可憐 亦可 恥已。

雖然。 職權於交通範圍內事尙須擴展庶幾責專而效宏例如關幹線築支路省道縣道以次開 交部 中不乏賢 後。 一旦君子道長。 必有抒其素抱起而從容整理 之者惟鄙見

拓化游民爲路工發荒 山爲寶藏工業原料取用不窮腹地產品轉輸便利同時開潛 河

推行 擴 張 航 盡利之歡聲徧滿 路。 以我國 之羨餘補各國之不足取各國之特產應我國之要需一 宇宙間矣此交部構成生利的政府之殊勳我工商界對於今後之 策 **畫**。 整 理 間。

交部所繫以無窮之期望者也。

農部 應時勢之需要一方面文字宣傳廣播實業淺說一方面闢場研究起圖農產改 良。統

計 頒行。 偶 開調查之例商標登錄。 聊盡保護之方於百 無聊 賴中稍有表見然終以國 多

争漩渦。 故。 財力不繼於工商業保育政策上迄未見有差强人意之設施兄農商當 去住靡定等職官於傳舍雖有賢者。 亦往往以多種不 幸關係卒之無所建 局每每牽入 白以 政

雖 才具之人居此要職俾於一切設施上及一切保育政策上暢所欲爲而克收厚效務使國 然往者已矣農工 一商爲立 國 要圖。 願自 今以往。 有振 興農工商宏 領並幹 有 振 興農 商

不初文 錄 上卷

百六十八

無 寸黃金矣百利具興則衆患盡息此農部構成生利的政府之正軌我工商界對於今後之 游 民。 野無 曠 土。 地 無棄利。 自給有餘進給世界夫然後寸寸土地寸寸光陰胥 化而 爲

農部。 所繫以 無窮之期望者 也。

力不 賴。 國 教部 人心 不 適 之失於陶 應 '以等閒 足而 愈墮 家千百年大計。人間無量數事功在在需才在在有待乎陶冶是則棫樸作人之舉萬 爲 時 **一勢之需求**。 全國 鏄 落風 度 教 有以致之耶。 視 日 俗 維 也且也國民苟失教則生產力不克與消耗力並進嗜慾多而消費巨生產 育事業之中樞最良: 尊任份 製巧取幸獲之風因之而 愈敗壞水深火熱人民所受之痛苦愈不堪言狀如此景況何莫非 樸重 今欲挽既倒之狂瀾非力謀良教育之普及不爲功教育莫良於 廉 恥守禮義自立 學制 之釐訂教育事業之匡扶悉惟教育部 日盛優秀分子流爲政客政客愈多政爭 立羣避名務實劃除自 私自利之行 設施 為。不 國 愈 民

失磊落

光明之態度此等人才而

爲國

家社

會中心·

人物中興不難立見矣夫國

一民教育

中

地

最要之點在乎才愈大而心愈虛不辭任務之辛勞而惟以不能厚植信用之是慮不嫌

小而惟以不能發展所業之爲羞出力務多而享用惟儉制心一

處而所作務精人

位之卑

勉 日 不 爲 爲 可 國 無 此主 生利 之前 張此適應時 驅而以 剝蝕國 勢需求之教育在教部尤有扶植獎進之天職此教部 力爲 醜事青年學子。一日 不 可 無 此決心教育當局。 構 成

生利

的

政

(府之要圖)

我工商

界對

於今後之教部。

所繋以

無窮之期望者

也。

於 律警備份已司 軍 事 人 古 部。 醜 一萬兵於商 業 期望 備。 海 類 今。 地 生 行。 當縮 有 上。 陸軍。 利 庶 幾可 智愚賢否之不 的政 無論 尤 雖 有多種關係。當此全球一家中外互市農工商業借重 至 切。 不 之制度自衞之力蓄之於農工 最 府之出現。苟我舉國一致植此有力主張更進一步轉客觀爲 中 而 能 掃 法與警務皆問接扶植 於 外。 小 限 他 而 切人事。 日 部 空於來日 度。 齊境界有過 之應 取其於必要時足 不 備。 皆惟 務期 如 歟。 何 振作。 漢百· 順 予也主張 小小 現。 逆得 年不 我工 生利 如 何 以 失之不同處理難 一商百業 生利的 改 用。 事業。 商自身而今日兵匪擾民之痛苦軍 自 革。不 我 衞 和未可 大中華民族。 而 界莫不 已誠能 政府 在 本 之產出。 問 一日或 解之糾 切 題 進 切 範 絕 焉。 步。 圍 於悉力整 無 外交處亦不 缺者也內務外交於 以 採 侵掠 渴 紛。 取寓 望 内。 維 姑從 與國 攘 持 **!**兵於農寓! 主 一頓財、 社 利 略焉。 在少數· 會之 一觀轉虛想爲 的 之心。 一閥跋 交農、 政客之歸 秩 時 故 扈之 教、 兵於 全利 也 序。 無 海 至 法 陸

賴 初 文 錄 上卷

一百六十九

一百七十

實行則我大中華民國生利的政府實現之期固不在遠也。

解決民生困狀之研究

我國 泰 獲詐取陰謀豪奪之種種不道行爲。禍國而殃民雖然彼等所恃以生活之途亦至危殆彼 然則我國之立國大計固莫善於重農而莫急於舉辦墾殖大業厲行移民實邊之政策矣。 而不治有一於此足以病國光兼而有之國內種種之紛擾未始不伏線於此兩端之下也。 軰 吾人試默察之舉凡今日之一切病國害民者何一非民何一非謀生無路遂相率出 半 則彼輩之舍歧路而來歸者必大有其 亦自知其不足恃。蓋的一而矢衆無往不苦其生活之途窮設有安全之生活出現於前 土燥天寒。地多棄利以是因緣東南有人滿之憂西北有地曠之患人衆而不理地廣 生齒繁多地方廣袤素爲各國所豔羨東南各省大都山明水秀物產豐饒西 人可無惑焉。 [北各省。 其幸

且也世之習逸成惰者固不知植果千樹之勝萬戶侯鼓腹高歌之有四時樂也減生活上

可以赤手奮鬭到處可爲家在 可因此實施種種困難問題大部分可因此解決也不須且資可以依次進圖不待機械。 烈之競爭增大陸國無量之天產食糧高價可因此制止工業原料可無虞缺乏裁兵計 在足以序天倫之樂俯仰能自給人人可以植自立之基以

過庶之民族起闢天賦之荒原生利之豐奏功之捷有斷然者願我海內之謀國是者一致

策進之。

横決· 或者日子之所言固甚是第以我國年來不靖之現狀觀之與子所主張者適得其反法令 之地歲無寧日。農田變荒蕪之區固有之利源。尙且不能保持,其他復何言哉釋之曰。 不行武人跋扈濫募招則匪勢必編爲兵一失所則兵亦卽化爲匪民不聊生村落無安居 無論 事業爲解決今日民生困狀之前提者其用意亦若是蓋人生之所至急者莫急於得衣食。 得 手方法各省區氣候地質水脈交通有種種之不同當相機而定之。 衣 食。 也有壅之使然者因勢利導大禹行所無事而奏萬流歸海之豐功矣予以厲行。 投 孰 身何地操業何途不問其爲自利者兼利者其同一之目的無非爲資 謂開衣食之大源去競爭 之焦點而不足 以解決生活上之困狀哉此於墾殖之 生計。 無 非爲 小人之

不可文 餘 上卷

在總商會演說太平洋商務會議之感想

終勢力範圍及商業政策不無變更一九一九年檀島農業上之日工五萬餘人罷工六閱。 事 月。 太平洋商務會議之種種情形已由趙鄭趙畢四 上商業上主權上種種重要問題各項會議遂由茲而發生矣。 之感想查檀島係美國 雙方損失達美金五百萬元之巨檀島美人不能不要求母國人士之注意研究其 唇海軍 重鎮。 人口二十五 萬而純粹美國 君詳細報告鄙人今僅略述對 人民僅三萬 有 奇。 於此 地 戰 項會 告

要 此 其發表意見議決事項僅種因而已並不含有强制執行之性質然稽考歐美歷史。 文事務靡不: 次係商業會議發展商業之要點莫如交換意見聯絡感情此係一種國民外交之嚆矢。 由鼓吹而 太平洋各國之商務固甚重要 進於實行所以言論 爲 事實之母爲彼國名諺也此次雖爲友誼的 也。 切

有希望在此會議中覓得種種之權利。來相勗勉者但此次商務會議純係非正式的交

然

其關

係於今後

可見 矣或 見斷非巴黎會議及華盛頓會議可 者 日然則派代表赴會之目的 比實際上能否卽行達到收回權利之目的不言 何 在 耶應之曰發展國 外商業雖確係 政府 部

分之天職然共 和 國 國 民。 可 放 棄國 民應盡之義務事事受成 於政府哉。 以故 發展 商

無論 廣 至若 國 何程 内國 外悉係我产 度至於聯絡 商人之天職實利由實力中產 絡感情力除障隔流通消息無失機宜將來影響於商業 出有幾許智識能· 力資財然後能 者。 爲 推

小。試 以 細事譬之人生斯 世除非常 銷聲 匿跡與世無 爭。 一切 不 Mi 後 iiJ. 否 則 設 使 敷必 社 會

上。不 謀。 一旦發 人且代謀其挾經濟政策以迫脅我者我人口覺其嚴重切膚之痛當自救推廣國 生重 大 事情。 必須 派 人參與合籌應付矣不 但此 心門戶洞? 闢。 强 鄰覬 覦。 我不 外貿 自

易卽所以調劑內國金融蘄化險途爲康莊者也。

設 顚倒黑白信口雌黃我欲安坐以求保持現在之商業地位恐不可得遑論 使 對 於 國 際 貿易 之大會 議。 如 太 平 洋商 務 會議之類漠然置之而 無 人 參與。 其 推廣 任 他

但 此 有 也。 作 外 人之投資 用投資者皇皇然。 及貸 資 不 於 知 我 中國糜爛至若何程度國家之信 國 者 製萬 萬 元。 而 內 國 通信機關。 用威 操 之外 望。 力爲 電 頻

帮初文錄 上卷

百七十三

一百七十四

種 種 任 關 其喪失殆盡不但僑民直接受其痛苦國內商務勢必蒙其損害而國將不國矣因此 係。我 商 人之遺代表作自動的國民外交其又鳥可以已乎。

達則商 雖然鄙人學識淺陋經驗微薄質未能當此重任其所以幸無隕越今日得報告於諸君子 至國 究發展各本業之可能性乘機多派遣有學識之青年出外歷練參與會議或者 前者皆趙鄭趙畢四君之力居多也鄙人尙有一言爲諸君子告者交通愈便商業愈形發 關係至宏遠深望我商界領袖諸公注意而策進之。 外考察商務情形於我國商務前途定有絕大貢獻此事於發展我國未來之商務上。 人之世界眼光愈爲重要鄙意將來類似此項之會議必甚多願各業中 一人隨時研 組 織團體。

在上海商科大學之演說辭

形同人曾在總商會報告想諸君已在報上見過今日所願爲諸君言者可分爲五。 承 約講演因事 務冗繁至今日始得 一機會與諸君一談此次太平洋商務會議之具體情

第 發展 商務之前提 我國雖以農立國然輸出農產品及輸入工藝品皆有賴於商故

產。 欲 發 何 者 展 國 有 民經 餘。 何者不足亦必須熟悉與吾通商各國之物產。 濟。不 得不謀發展商務發展商務之前提爲知己知彼必須 何者有餘何者不足然後 熟悉 本國 之物 可以

舉吾所餘供彼所需以彼所餘供吾所需如此則商務行爲成矣因發展商務爲雙方行爲。

得互 而 非 相 方所能爲 友善互相信用而商務始有真正發展之望此次太平洋商務會議即爲達此 力故不僅以知其物產爲已足尤須 於兩方買賣物產之人互 有 所 知。 的 俾

而召集者也。

第二 華 面 物 外 產。 可 吾國 惟吾國 人居間。 以 有 餘 商務之前途 通 之物產供各國 以致吾國商 商以來因不諳外情之故向來沿用間接貿易方法無論進口 人 吾國物產之豐富甲於全球而人口 之需要而另一方面又有極大之購買 與各國商 人間。 非常隔膜同 人深知 之衆 此種情形故 力以購買 多亦為: 世界最故 各國 出 到 口皆由· 檀 所餘 香 山 方 之

鞘 初 文 錄 上卷

卽

一努力宣

一傳吾國

一之真實情

形。

務使盡

人了

解其結果!

頗能

引

起各

國

人士

之注

意

奥

好

於吾國

最近工

一商業之進步咸深讚美並各願竭力設法增進彼國

與吾國

此次會議實爲吾國商務前途播一良好之種子。

為交通 費以致進 種 一發展 河 道為第 不 便。 吾國 出口貿易不能充分發展。故欲充分發展吾國之商務實以建設良好道路沒治 地 商務之最大阻力 一要務其二則不得 各省 有餘之物產。 不以內政之紛亂爲發展商務最大阻力之一。最近 發展吾國 及其所需要之貨物因運 商務之最大阻力不在國外而 輸 困難。 面需非常巨大之運 在國內。 其 本

吾國商 埠字 惟 賴 其異 林 西 人欲謀商務之發展決不能再如以前之漠視政治當進而盡其應盡之責 報論 常天才始克應付然亦不能戰勝政治不 中國 商業謂商業不振。由於政 治不 良所 良且謂中國 發生之阻力云云此實情也今後 商 人現正 遭非常之困 難。

中。 商業 第 展。 四 四發展吾國 各 國 人才在今日之中國非常切要人才愈多則商業必愈發展。諸君皆研究商學而爲今 有極 共 國 人士之同 百十二人。其中美國代表最多皆爲商業界之領袖人物。其對於中國 大之熱望惟一憾事爲現今吾國 商務之希望 情 與好感則 吾國旣 發展 商務之基本條件、業已具備此 擁有豐富之物產及巨大之購買 商 人尚未能對於各國直接貿 次會 **力。** 文 議。 易。 於此 到會 是以造就 次會議 商 代 務之 表

後、展吾國商務之重要分子其希望頗巨大也。

第五發展吾國商務之人才 獻於諸君以爲互相切磋之資第一須刻苦學校生活爲人生最愉快之生活商界則不能 如是故欲在商界中有所建樹非在學校中養成刻苦自勵之精神不可欲得真成功須用 余既以發展今後吾國之商務期望諸君則不能不有所貢

苦工夫此義諸君須切記之第二須精細能刻苦矣又須養成精細之習慣商業內容非常 **繁**馥非有精細之觀察及思考不足以佔優勝也第三須敏捷能刻苦而精細矣**尤**須有敏 捷之手腕商業機會稍縱即近凡遇一事經過精細之觀察或思考後或是或否必須迅速

决定否則商市一日千變不能獲最良好之結果也。

余今日樂爲諸君言者略如上述總之吾國商務前途非常光明而目前之阻力實爲不可 忽視惟賴吾國商界及研究商學之青年共同努力則此後之商務必能爲空前之發展別

余所敢爲諸君斷言者也。

今日農工商業致病之癥結

有物文像 上卷

民國 然以我國 至簡 不 於 主持。 重。得 予涉足工 在 無 擾攘。 從 水深 人者昌爲職業界歷刧不磨之金言無論何業苟得有才識有毅力有素養之士爲之 陋。 則各本業之節節 叉焉 挽 商場且與農民至接近見聞或較切俾進一言以慰邦 救之中欲進根本救亡之說仍屬意 火熱之中斯何景象予欲無言上海新聞報館主任汪君漢溪痛念民生之疾苦。 十 今日大勢觀之。距振興農工商之期實遠甚無已姑就妨害農工商發展之癥結 載 敢縅 於 茲。 默無言重違汪君篤 風鶴驚 進展 也可以豫必故農工商百業苟得人爲 心瘡痍滿目農輟其耕工罷其業商停其市哀我 念民生之雅意雖然振興農工商業人才與時 於振興農工商作吾民力求自拔之南鍼以 人士喁喁望治之殷。 理則振 興尚 國 非 民。 難 無 往而 會並 事。 雖

所 在約略指出之作醫國者對症下藥之一助可 滋。 離遷徙者接踵於道小民何辜橫遭蹂 乎。 躪者死亡枕藉誰實爲之非

舉國

疾

日

流

造散 八者流 也實一而二二而一者也募兵愈衆則造匪愈多人民所受之痛苦愈深不僅增加負 而成匪平民而 乎此輩豈天 生而 經過 隊伍生涯安守秩序之良習一變而 爲殘殺之人蓋昔也饑寒交迫爭應募 爲 目 而爲 無 兵。 法紀之暴徒兵 今 則 生活 無

也

婚而已濫於招兵以禍國此癥結所在之一也。

鄕 活 無寧居轉徙入城食口衆多物價以之而昂騰工業未昌生計苦無所補助當地居民生 上驟蒙不 良之影響不待言矣。况乎繁盛市都往往有軍隊駐紮設不 幸一 旦 因故兵變。

玉石不分地方糜爛如直隸之高陽湖北之宜昌河南之許州等處千百年蓄養之精華一 旦 祀 而爲灰燼。吾民以何冤業而遭此慘劫。且也擁兵自衞者有時亦爲其部下制死命焉。

兵猶火也不戢將自焚此癥結所在之二也。

以成交運兵愈忙碌交通愈阻滯貨物失調劑之道商民受交困之苦况乎出動則軍需緊 車 地乃有圖窮と現因私利而稱兵戈威脅令行驅良民以塡溝壑占要道而交通爲梗奪貨 輕於出師者無名勇於私鬭者不武。一家骨肉中原豈逐鹿之場五族共和四顧 急所經則供應道窮即使輕騎疾走一塵不擾而地方已飽受虛驚矣何況設心籌募羅掘 則 輸運無從橫截上流。商船被扣强迫勞役。商貨不前各地金融因之緊迫萬般貨 無揚 物。 難

兩 方開釁猶之豪賭。 初 文 上卷 戰動耗數十百萬金陣地殘骸莫非國家赤子善後債累究竟取貨

方而

紳商實首

承其敲吸大軍所過千里赤地此癥結所在之三

也。

一百八十

黎 常 樂 累 誅 實 得 而 而 業。 發展 擢 餉 徒 民。 抒 求 由 需 益 國 湖 遺 軍 無 人 之策 之以 力。 難。 北 谷 事 厭 之中稍徵 當 巡 灍 創 家 而 撫當 湖 新 也。 死 難 斯 源 普 讀兵 堪 時 南 稅。 地。 通鹽運 洪楊 微 富 曾 而 魯 也。 庶之區。 書。紐 先哲 數。 氏 更 兩 治 得 而 湖 勢盛軍情緊急餉 於往 商民不 改漕 有言 財富 胡 髮 聯 逆 林 章。 事。 日 甲 爲 翼 垂 ·覺其 [與其 文 剔 氏 迷信武力隱然以古名將自期 十 氣。 下。 除 Z 載。 苦令 使 所 有 並 中 坐 聚 曾 需 非 向 飽。 鎭 斂 增 也 氏 浩繁之日獨能 無 兩 武 之臣。 湖 指 益 昌。 何 敵。 之有 揮 收 調 如。 m 入各地軍 寧有 民不 將 賴 遺 \[\psi \] 以 士。 有 盜 聊 後顧 方 奏 無 臣。 持籌 生苛 字 也胡 盡 藏。 費。 内 無 者吾商 布算權 許。豈 稅 憂。 賴 肅 不 氏 疊 過 以 清 百 接 之 加 書 知 向 民所受 律 今昔異 貨 濟。 而 有 取 生 績 不 功 商 耳。 流 己商罄 時。 通。 者。 務 以 者。 之痛 勢。植 從 以 長 其 雖 繁 商 解 於 輿。 大 人 眉 其 務 治 原 虚 非 民 急 育。 因 툂

循 以 誰 Ŀ 坐 四 設。 不 癡望結毒之自 者。 欲 求 不 但爲 幸 腷 農 謀 進 工 商 步 消自病還自醫亦不 者。 致 病 旣 識 之癥 破 結實 癥 結 亦 所 · 勞借用: 妨 在。 害人 知 必 舉國 外力以求性命之苟全其道惟 生之幸 心。 福。 急 阻 思 止 所 人 以 類 之進 力 除 之。 步。 吾全 決 不 復 國 因

百

倍

於

聚

斂

矣。

此

癥

結

所

在

之

四

也。

國 地 正氣出之以至誠將彼病 二心共出 方農工商有力分子以去癥結謀幸福求進步之決心組織正當團體起而自謀扶之以 其百 折 不回。 不成不 菌掃盪 ·休之精 而擴清之蓋正氣長。 神以爲之俾當 則邪氣自消至誠濃。 局 者知人民 《疾苦》 無 則 團 可 力自 再 忍。 厚。 怒

惜人才

難

犯無法可抗凜然生懼就我範圍癥結既破民治始成如是不但可免陸沉之禍且可媲

(列强矣。

常之世。嫍賴非常之才國無人才國將不國才而 國 之需才盡人得而知之然而人才爲有限的需才爲 不用或用違其才皆非愛惜人才之道 無限的才難之嘆自古已然况今非

於是論恬人才。

民 中華民國十三年矣國 生日益 凋 **敝對古人有遜** 內之破 色對先進更望塵莫及豈真無人應此 壞建設可謂 謂無時或已可謂無地 無才顧何以 世界潮 流 國 挽此劫運乎。 事 如 累卵。

藕 初 文 錄 上卷

百八十一

一百八十二

言蔽之。才則才矣惜乎我 不自惜人不我惜之可慮耳請言其 概。

才也。 求非分之權利。倘前者加以深造後者糾入正軌敢必其均爲有用之才決非小有才或廢 淺堪處一以百業凋敝習尙奢華應得之利不足以供需求誤用聰明之流或竟 (一) 生計 製窘足以消磨人才也 生活程度繼長增高一以學者急於謀生半途中輟資 出範 圍 丽

面 等 (道喪顚倒錯亂戕才之害未有甚於此者。 耳,才有大知小受事有繁簡 不知其誤用而以爲無才一 學非所用足以埋沒人才也 方面自恃其才而甘於暴棄於是弱者閒散强者鑽營廉恥 巨細。 苟 不 非因才器 學無術世人所譏學非所用與不學等耳與不用 使則方枘圓鑿不敗事也幾希甚或一 方 亦

爲 同 有門外之人,挾其才而貢獻。主正義以宣言,吾知不利於己者必羣起而責之不同臭味者。 善 黨則非才亦尙異黨則有才亦棄知有黨而不知有國知有事而不知有才直與我善者 政黨傾 人 與我 、惡者爲 軋足以排擠 悪 人而已求才於黨雖不能 人オ 也 居 今日而言黨不敢謂其無才第 必其 絕無而爲黨求 傾軋 才。僅 之風。 可言其 亦不 或有。 必諱。 使

必多方以非之非至閉口無言不休也退避三舍不止也欲達親愛或提攜之境不亦憂乎

其 難。

此敗。 心。欲 高自信尤堅鑽營阿諛之輩復從而推崇之。已不知萬事變化之窮更何知禮賢下士之義。 剛愎驕矜無所不至武斷驅使無所不爲卽使人才輩出或懼威而竟裹足或晤面 (一)長官傲慢足以壓抑人才也 可以鑒矣。 爲 國 效忠固自視未遠卽使欲爲長官效力恐亦未必盡心力而爲之軍職長官類以 時不我予不足展才人不我信不足盡才長官自 而 視 生戒

安不若趨定 責 慮也各業提倡維護之出自政府朝三暮四之可慮也舉凡對外對內一切設施之出自政 (一) 政府失信不足登庸人才也 亦在政府。吾爲此說非必政 民情隔膜之可慮也況五日京兆賢者恥之攀龍附鳳智者不取與其違正軌而 捷徑而保全祿位世之潔身高蹈者有之見異思遷者有之刻意鑽營者有之試 府而後可以用人實法令典章之出自政府朝令夕改之可 有才之見用與否責在政府用之而能使之發展 不 與否。 能久

不初文 錄 上卷

問

即使有才日孜孜於患得患失之間更何有於實際辦事之心力甚或因是而連帶爲出

百八十三

一百八十四

軌 民不 能釗 動尤不知所辦爲何事矣凡是種種雖左右政府之軍閥不能辭其咎監督政府之 其責登庸無術。 政府當負全責 數。

養成 務。 不 總 能惜者又如此余不 上數端。 盼 有用 我政府暨長官等去已往之積習爲國家愛惜人才尤盼我國內青年爲 之オ。 知 人 則國 才爲 事前途庶幾 國 之元氣情才 才深盼英雄造時勢時勢浩英雄得濟濟多士爲國家社會盡其。 有 爲培養之原絕對 而 失於不自 惜 者 如 彼。 國 相 自 對 愛自 而 失於

農部實業會議答辭

農 消 有 裕 民 商 加。 息均極感動以爲趁此時機可以將各業之困難情形來京申訴無如江浙事起金融 感愧無 生熱忱宏願欽佩良深同人等躬茲盛會並荷大總統農商總次 總 次長 已湘 本大總統提倡實業之至意。 玥敬代表问 人中 兹 謝 悃。 召茲實業會議博訪周諮。 惟 此次會議。自定期召 集後。 務求 長及各部總長 各 民隱振興各業富 地 各業 中 炎蛇 聞 此

計 形緊張交通亦有不便以致一部分代表未能前來湘玥揣度各代表心理必有共同 增減稅率以發達內國之製造講求科學以增進農產之富源凡此種種皆有益於民生國 随意 並行 國 使民安居樂業而已矣故善謀國者必自安民 而 求民隱臟我富源裕民生計植百年之偉業成邁古之豐功尤願今茲之坐而言者起兩行。 等願 能 者 外致使本國工藝頻於破產各地輸運之農產重疊課稅致使不得流通屯如。 民之痛苦更甚於曩昔。 今並代表其意思詳爲陳述夫民爲邦本裕民卽所以裕] 也溯自民國以來已逾十稔金融曾調劑否交通 徵 丽 與 力也。 外 收民財盡情搜括流連載道居不能安倒閉時聞業何能樂凡此敗徵益 乘茲 人競進否。農產 機 會。 申訴於今茲之政 連年擾攘災害頻仍金融恐慌交通阻滯內國急需之原料暢流 物品曾得科學補 分府 冀· 有以補救之而 助 而益形發達否竊恐不特難以副此期 始調劑金融以通 曾利便否國內製造曾受政府 拯斯民於水 國裕民之道維何卽振 其氣開闢交通以 火並願政

形顯

同

Щ

積。

苛

稅

、暢其流。

保

、與百樂

之感

府

息

內爭。

增進商人智識以期發展商業

萬 國 通商優勝劣敗商業競爭之烈未有如今日之甚者凡我商人不可不應社會之需要。

而 爲 種 種之進取。 社會進化極速需要極繁不 有智識。 將不足以言商是以智囊智珠。 自

稱之商戰時代屬智不屬力增進商人智識似不能緩管見所及請言其概。

五 洲互 市以 來國際貿易日盛一日外人操其奇贏多有專門智識而我則左支右絀。 絕 少

制勝人才此對外之宜講求智識者一也。

國 內 水陸交通利於往昔兼程並進朝發夕至故步自封易落人後此對內之宜講求智識

者 一 也。

商業各有精粹商人各有專長競爭於普通商場容或得之於徼倖競爭於多數同業必以

智識 之優劣爲 判此對於本身業務之宜講求智識者三也。

凡 水智識之增進智識無窮盡事業亦無窮盡積多數人之學識經驗爲各本業與利除弊使 愈競 爭者愈有進步。在昔已然於今爲甚商業內容原極繁複欲謀事業之發展宜 先

能 永 久而不磨滅則各本業始可占商場之一席地此對於商業之發展宜講求智識 者四

也。 人 心不古莫辨瑕瑜假名圖進事所難免法律既有所不及道德更無以防閑奸詐流行商。

人之蠹狡者爲之倀弱者受其欺設各個人以智識 爲行事之準則各商家以智識 爲 同 業

之保障雖有害馬難施其技此對於商業之安全宜講求智識 者 五 也。

指導似· 講求智識,其道維何一語破的學而已矣顧舊式商人有經驗而無學問新式商人有學問 丽 無 經驗比比皆是毋庸諱言今欲鎔經驗學問於一爐惟有已成商人之輩加 有 事 半功倍之效啓迪之法。約有三端。 以 學問 的

漸 及 通 一講。日今國內不乏商業通才似應廣爲羅致由政府聘用擔任宣講之職首自都會。 商各埠。使服務於公私商業機關者。莫不知商人之道德之責任之義務行之期年。

雖不 敢 必 其 大成然日常 進 有功未始非增 長智識之一 道。

夜校之不良實校內 教授商 人身為 之學科。 職羈教授適用於夜校顧何以夜校林立而商業智識迄 與商業上之應用者每南轅而北轍 耳是宜 將普通 無進 學科減 步。 是非

不相 初 文 餘 上卷

一百八十七

切 於實用之學科增加人材輩出敢爲預卜。

三日聯 絡各業既有夜校或因時制宜或因事遷善徒言學科恐猶未達融合貫通之境則 介商業之因 .而盛衰。 而發展商會與學校互相提攜研究因果編

教科當時已得澈底之辦法後來且足引爲借鏡矣。

湘

有商會爲之媒

何

如何

玥託足商場時處隕越在滬言滬尤有隱憂增進商人智識**認爲當務之急但茲事體大**。

匪 「有羣策羣力。莫資挽救倘承政府提倡不特於商業前途足以發揮光大卽於世道人心。

似 亦稍有涓埃之補。

解決五卅案之我見

自 之慘 乱 月十五日日商內外第七廠擊斃工人顧正紅後醞釀半月未有解決途 劇。 且續 有傷斃者此案傷亡之衆當局之殘忍行爲三中外古今所罕見羣情憤激。 有 五 计南京

莫可言宣於是遂有六月一日英租界全市罷市之舉迄今已一星期中外人士之願任調

停者頗不乏人而雙方各走極端不但無解決之希望並此接近之方法亦無所聞良可

也雖然歐戰血戰五年卒歸解決況此種慘殺案乎是在雙方之揆情度。 理。推 誠相 與。 (並願

乎玥不敏謹援各言爾志之義就法理事實以研究此問題及進行之步驟本其一 魯 連其人者弗辭勞瘁繼續進行則燎原之火勢或可少熄而中外之感情庶幾不致過 得之愚。 損

貢獻於邦人君子幸垂覽焉。

(一)負擊斃工人學生市民之責者應依法懲治。

發令槍擊之總巡捕頭應暫行停止職務。

- (三)被押各人應卽釋放。
- (四) 嗣後工部局應負責聲明不再有隨意槍殺之舉動並不准西人越界拘人及藉口戒

嚴而隨意搜檢行人。

(五) 撤消戒嚴令

六) 撤退海軍陸戰隊及商團等。

七) 倘工 一部局允許實行二三四五六條時各商行號應一律開市靜候法律解決。

藕 初 文 錄 上卷

一百八十九

治標治 及 蓋 集會言論 此項慘案關係至巨亟應詳搜證據調查事實手續甚繁決非三數日所能竣事故應取 本 兩 法。 出版自由等項。 而上 列第七 條。 此種要求性質 即治標之法至 旣 各殊而 其他懲兇撫邺收回公堂要求市民選舉 各國 主 張。 勢難一 致自應. 曲 吉國外

己之死 有常識 交當軸根據民意趕速進行以圖圓滿解決此治本之法也況罷市非制人之死命實制自 者。 命雖能持久犧牲太大且滬地爲 難 推想而 知况目今所 罷者。 尙 全國金融 有其 他之工 榅 紐影響於全國商業實業者至巨。 與學乎或者 謂一 旦開 市。 而 民 氣 稍

毋太 成 卽 散。 無 輕視 將 不 來 滿 無良 我商 意矣並望吾關係 人乎玥並望吾國 好結果明敢謂一鼓之氣不足爲氣浩然之氣斯爲真氣恐開市而氣 密切之重 人處事有同 要商 區別 人團 體及 力推想力組織 各業。 勿依違 力堅忍力則事 兩 可。 丽 無所適 無 從。 不 散。 成。 勿 而

寒蟬而甘自暴棄切膚之痛既身受補牢之計安可忽不識吾商界同人其亦計及此乎。

追悼王君志公演說辭

岩

九

調 係。 回憶前清光緒三十一年夏季予應滬南商學會之招演講國民經濟是時予適執業 煙會之雛形略具。王君志公係本會近六年內駐辦員今王君死矣以予之對 會之感情獨厚則對於今日吾會之消悼王君覺此方面起無限之悲感他方面起 查 其時多所痛陳在座贊成者爲數甚多於是陸續有勸戒捲煙之印刷物出 捲煙 進 口 數覺星星之火在當日已大有燎原之勢遂研究捲煙與我國國 於不 刋而 民 無限之 經 吸 不 後煙 海關。 吸 濟 撧 關

會是時會員衆多而予與王君未嘗有把袂之歡然雅慕其人而器重之。 今先述予對於王君非常欽佩之意思當予偕滬學界諸先進辨滬學**會時王君志公來入** 希望。

予自前 性為 年回國後王君志公適任不吸捲煙會駐辦數數過從略知王君之梗概請約舉王

君之德

諸君述之

所言皆從肺腑中出。此至誠之特質以吾國羣衆中似不多得因缺此至誠致凡百事業皆 王 · 君之 至誠。 吾人 與王君相 見卽僅 人迥異尋常蓋

不能 E 藕 君 初 有此特質吾人不但心折王君之至誠而追悼之還當善學其至誠。

文 鐌 上卷

百九十二

三王 如 而 逢 日至人所不屑至之處進人所不敢進之勸苦口婆心百折不 君 勸 之刻 **| 勗進行如故其刻苦堅毅有如此者吾人不但敬重王** 王 君 爲 實 行 勤 儉 主 一義之人爲社 會 奔 走 呼號。 君之刻苦還當善學其 不辭勞悴任。 回有人揶揄毫不介意。 職 至今六年

苦。

三王 欲 個 達 人第二月 到 君 之無私。 人人不吸捲煙之目的除此目的之外於其個 的 者頗不乏人而王君不 王 君 愛人以德嫉煙如 然吾人不但佩服王君之不爲 仇勸導不已繼以調查忠告心心念念在 人竟無第二目的借 私而追悼之還 祉 會事 在處處。 業以 当品 善 達

學其不爲私。

鵬 的。 本 會之進行 呼。王 君 無愧爲社會之模範人而今者王君爲社會死矣吾人對 將 如 何吾敢斷言之日盡吾人之力量繼續進行以達 吾人 於王 與王 一君將 如何而對於 君同 之目 於

吸 **捲煙之爲害就吾上海論上海人口幾乎達百萬卽以** 進 述 予 對 於本會之希望今不暇備舉吸食捲煙之種 上海住民作百萬計而言 種害處卽以最簡單之言證 有 明呼 十分

椗子 之一爲吸煙者此十分之一吸煙者平均每 萬銀元。化作煙塵每日消費一萬元每 萬枚 公紗廠其 元。間 在 此 紗廠賬房直接領 內以上 兩月卽消費六十萬元若以此六十萬元開 人每 取工資以生活 日消 捲煙消費數統年計之爲 費銀一角則 治者 至 少有六百戶此 上海 隅。 毎 厰 日竚看有 毎 辦 歲 可

做買

蕒

百

萬

接

而

獲

利

者

尙 不

在

海

吸

數凡三百六

豈. 驟然 三百 -----紗 事 此 蔽。 萬 業。 其 不 有三干· 六 **甚善**僅上海 因無知無識故於冥冥中呼吸去矣設使我上海人咸能立志戒吸以一年內省下之 元。 其影響於國 大合各埠及全國計之一旦人人醒覺努力 一书萬 每年省下可辦六十萬元資 六百 元。 創 民 辨六紗廠僅僅此 戶盜賊氓 隅人民立志自覺舊染汚俗咸與洗刷,其於實業前途社會影響已 經濟。 造福 丐可以悉化爲 於國 本之紗廠六家鳴 一年以內之撙節已得使失業人民賴 家社會前 良 民捕房監獄。 途。 爲 **撙節痛除煙習以此血** 何 呼我上海 如 哉。 概可 空閉。 人力所能辦每年之六大 地方新 本創辦 Ī 作以 聞。 不 存活者。 復汚濁。 切 利 如

予自 海 大 前 收 年 效驗各省亦大受影響煙行大起恐慌而某行大班語人云苟香煙雪茄拋擲地 回 國 後。 闡 於 光復 一二月前。 滬上會員。 教請伍 公秩庸提倡 不 吸捲 煙。 不 浹 旬 而

蘓 初 文 鍅 上卷

上人人視 同 糞 土。無 人拾 取則吾心方死今默察華人立志未堅正好極。 力 連 動於是到處

贈送光復之日。輦送香煙雪茄若干箱進某都督府中於是軍警政治界大吸特 吸飲鴆 而

呼吸 **甘**偉人等提倡之而無知小 捲煙爲羞 恥婦 女而 亦 吸捲煙游行無忌為 民亦模仿偉人之爲人尤而效之至今日雖婦 東 西洋各國所 無。 其一 種醜現狀實。 女孺子亦 不 以

堪目覩教育未普及而捲煙已普及豈不大可痛心大可驚懼 哉。

故予 亦立 志 有某大班之決 心曰如我國國民飛煙不盡絕則吾心不死也想諸君定表同

情均以此害不除此心不死。

後已此卽我輩對於社會教育之天職也願各自勉之。 今王君鞠躬盡瘁死矣我輩人人皆 應繼 續王君之志掃除煙患死而後已否則煙患絕而

追悼奚君萼銘演說辭

奚公萼銘爲富而仁乃天不假年竟於去年底溘然長逝聞者惜之本日澄江同鄉。 暨寓

商業 諸 親友就江陰公所開追悼會以玥悉奚公梗概推玥陳述奚公之生平公本富家子經營 幾 - |-车。 立 身高 潔處事勤愼脫盡富家習氣。 而尤在 在以至誠待 八故親 友咸 愛敬

往 之。現 往 入不敷 時 風 尙 出甚至於商業中有因而倒閉者舉目四顧滔滔皆 趨 重 奢華。 大都 以浪 費爲豪舉故 無 論 何 種 社 會。因 是而奚公雖富 支持其空場 面。 家子能 任 情 揮霍。

除 此 種惡習起居飲食。 無往不 刻苦自 勵。 奚公非各於 財。 不過本身作 ·則力行節於 儉。 留 好樣

與 獨 任巨 社 會吾 款創立 **|人應作** 義 莊。 爲 表率 施惠於族人而族人之賴以生活 者。 也奚姓衆 多聚族數千人老弱 者不知凡幾臨終時恐義莊 貧苦者幾至 無 以 自 根基之 立 奚公

亦 未 固慨然以數十萬 不 致失所又以族 衆 金爲購置地產之用使義莊得以永遠成立而族 滋 繁。 而 生産 能 力 之强 弱。 全賴 教育故奚公又獨任巨 人之惟義莊 款。 設立 是賴者。 學校。

嘉 惠 後 生。 一後生之賴 以 (成立者) 亦復 無 限奚公由 身 丽 及於一族吾 人 應作 爲 表 率

也。 田。 奚公不 没。 但對於同 姓爲 然即對於桑梓慈善事業。 資。 代賑。 水。 亦甚盡力。辛亥之年。 加高。 洪水為 災江陰圩

悉被 沖 歷 人未忘至 奚 公慨捐 一於在梓鄉之造橋修路踴躍輸將又其小焉者 巨 以工 次年 文大 因 圩 岸 並 也。 未受災境 江陰人 經商 内農民之受 滬上者

藕 初 文 錄 上卷

一百九十五

百 九 十六

業為 助 爲 爲 能 甚 世。 槆 祖 有 也提倡 巨 表 表 父 實 所 欲 衆。 益 任 **- 款居恆謂** 作抽薪 踐 能 削 餘 至 率 率 而 於 其言。 蔭薄 奚 者。 者。 提奚公見到 辦因有益於社會之一念蘊藏於心而努力於生利。 何 人。 爲 實業。 三也奚公生 公捐資造丙舍至今公所甚與旺亦奚公之力居多熱 有益 力 地。 也奚 有資 止沸計當以設法使人人皆有生計爲急務欲人人皆有生計則必以振 故 以 任 社會公益 對 報之或犧牲所 取 直 於 公在 於 接 產。 社 何 湘 物。 以 必 對 會。 力行 平 終而 無往 日。 賑。 裕 社 -所作公益。 會上事。 常 事吾人所應爲者甚 民 順 之故邇 而非 生間 目 直 至 於國 有。 擊 水 貢 現成享用以文 接 安敢淡漠視之奚公竭其 災。 世 界之紛 以 以紓 來對 獻 不 家。 如是方 斯 及 分 於各實業。 世况乎 各 畛 國 省慈 域。常 難。 紛 吾 擾 多但無財之人雖有此 無 明先 人 擾。 人 蓝 愧 善事業之爲 應作 人云同 爲 均 考 平 進國 萬 花 其 此 生 物 爲 熱 原 是中國 之靈。 心力。 Ħ. 表 因。 事業及既得財卽用之於社會。 心。 耳。 助 鄙 公所 率 但 無 人之惟 主義言之在 非因 爲 心 者。五 人所 社 祉 會 知 人。 桑 心亦無所 經理 會謀 也。 生活 者。 何 Ŀ 梓 許 玥嘗 分 如奚 無 賁 之厚 不 此 多 公 問 福。 公。 我 以 慨 疆 有 任。 題。 亦當盡 益 爲 用。 吾 吾 刨 生 焉 彼 而 界奚公 吾今叨 爲 起 人 解 紗 人 人 興實 波瀾。 應 應 事 囊。捐 生 厰。 作 我 其 在

金

錢

矛

出若 因 有益 及 途。 他 此。 試看古來多少豪富曾有幾人能使子孫保其世產垂之永久生於憂患死於安樂言念 干分爲 大可 事 人所有之錢財自己無權行使不能如意支配除非自有故名分上正當之收入應提 上。但 寒心故玥嘗謂手 一傳諸子 社會 上 孫子孫而賢何 有益事業之輸助如祖 有餘錢能用之於社會有益事上此真不失富家翁態度國 必需此子孫而 父遺下之財或自力生出之財。 不賢。 無福享受任意揮霍轉眼 不能用於 、落魄窮 社

社 到 公 會間。 往 貫澈此主張之地步不意奚公竟先我爲之明之傾心於奚公之所爲爲何如 矣。 然而奚公所手創之事業。 丽 多此等富家 翁即國家社會之大幸明蓄此志久矣方 如義 莊與學校及便利 地方之道路橋梁等等均 在開 始預備 中欲逐漸 心令者奚 在 吾 入 達

然大都未作何事而默默無聞以去則對於奚公之雖死猶生其賢不肖之相去爲何 紀 念 中雖謂奚公仍 舊 在 世亦無不可世界自有人道以來其瞑目長 逝者等於恆 河 沙數。 如

雖 |一發揮 然奚 之。光 公固 大之使奚公已往之成績。 雖 死猶 生。 而奚 公所辨諸種之公益 永久存 在。 事業深望諸親友按一定之程 不 致有人亡政息之慨果若是則於奚公 序。 繼 續 做

心乃大慰而今日之追悼紀念亦於是乎不朽矣。 初 文 上

百九十七

學理的管理法自序

中至少 造 超 國 振 此 淒涼情狀實足 才。 出 位 凡增 能力乎。日否否不然中國實業未進陸續振興之軌道者質言之實缺乏實業界適用之 興實業之妥點有三一日原料二日製造三日市場三者缺一即 項人才之所有事。自經理以下如經濟部貨物部機械部儲藏部勞作部雜役部以迄稽 才而已夫實業界適用人才約可分爲 四 技 **生北溫帶上。氣候適土質肥農產礦藏甲於全球以言原料旣無缺乏之虞吾國** 百 進精 ·得 術 家占製造上重 兆以上。日常消耗額至巨偌大市場。 此 良之產額節省無謂之消費直接發展工場之隆運間接開 項人才一二人。多至七八人不等管理人才在事業管理上所占 令人 | 駭心果以何 要 (地位凡原) 因緣。 料之配合出品之快速與優良皆彼之所 而遭此顚躓軟豈邦 甲乙兩種甲爲科學人才乙爲管理人才科 又為 他國所 つ無然環顧品 人士之智慧不 無以 國境以 躋 拓國家之富 若 國 7人抑缺乏製 (内實業) 地 連 位尤為 於隆 有 事。 界之 一廠 學人 源。 人 口

者有 得 免。 人故竟能 督 得 之是管 管理 率裝潢輸送等各部分在 人才卽使科 措 理 人 施 合 才所負責 宜立足於不 ・學人才一 任爲 在須 時 敗 至 之地。 未得相當之人 重 得相當之人設或一 也。 管 僅 理 僅 有科 人オ 之需要 《爲之輔 學人才而缺 部分弛其職 也 助。 事業 有 乏管 如 是吾國 上 問 寸。 理 人 屬 而 才。其 全局 缺 I 一業不 憾。 蒙 然 失 以管 典。 其 敗 痛 仍 不 以 理

之由胥屬於管 缺 乏管 理 人 才 理其事之得人與否 故。 此言非予之所武 故予之留美學農於農場管理法尤所注意卒業 斷。 予在八 九 华 前。 廁 身 地 方 諸 要政 中。 默 察 各 事 後。 張 至. 弛

美國 入 微。 凡有 南 方塔克 所 利。 塞斯 無 不 境研究 力 圖。 凡 植棉 有 所 及 病。 | 紗廠管| 無 不 力除。 理 予 法。 在 深佩彼邦 此 數 **年研** 究期 中。更 理 得 <u>F</u>. 戴樂 種 種方 爾 法。 先 推 生 新

左 之學理管 右 指 導 之功 理 居 法一卷。一再披覽於以恍焉悟美國實業界管理方法之精 多。 此 書係新 管 理法 之鼻 祖。 出 版未 ·幾風行 全球。 各國 均 進實 有 譯 (此輩 本 刋 行 先 覺 於

組 世。 織 惟 吾 甲 中 紗 國。 尙 種 種 未 1 有 程。計 人 爲 劃督 我 策。 般實 《荷之一 業家 肩獨 介 紹 譯 焉。 此稿。 回 國 多費 以 後。 辞日。 刨 於百忙 恐違希望 中 譯 百業早 之。 未 H 及 振 興 刨

心。 以 故 水董 東蘇君。 分勞合 譯以舉斯事此書之成董君之力居 多。 此 書所載

蕅初文錄 上

彩

雖 所 進 循 無 凡 論 百實業而已誠得一般有志改進家熟按此 鋼 鐵業發端。 個 人與家庭 用 其道以施之各業無不 社會與國家種種事業參用此 推行盡利雖然此學理管理法豈第適 書所載方法引伸觸類變通。 項新管理法。 無不立收奇效是义私衷 化 裁 而 用 妙 於 用 改

大 泱 所 馨香 都 來 大陸者日益繁多多數事業中。希望較長效益較速者以棉業爲首屈一 長。 乃蹉跎 未 實業足以救亡之說愈唱 有以致之孫子不云乎知彼知己百戰 中 膊 入完善之軌道外界競爭多半昧制 國 . 祝者矣譯者不文僅粗舉其大意如此謹記 花紗布業指南自序 歲 月迄未見長足之進步夷考其 愈高專門家與資本家日益接近以故新事 膀之方 不 - 始不知 、故蓋 2略開紡織5 不 之以弁卷首。 彼。 知 デ 知己。 自己 者所 新 毎 事 戰必 業風 短。 與 絕 敗立足於工 氣者已閱二三十 指但內部 業産 不 考察 出 他 於 戰 組 我 國 之 商 泱

年

戦場

中相率而犯兵家之忌宜乎前此若干年間實業界之無幾何生色也今就紗布業言。

年. 外 海 貨 之逐 關 報 鹿 告。 於我 便 曉 中國市場上者印度棉 然 於 外 來 棉 產。 最 爲 巨 紗美國 大 漏巵已占入 棉 布 而外更有日 口 貨 全 額 本 四 紗布。 分之 試一 以以 上。 檢 駸 我 駸 國近 平

達三 本 布 紗布 勁 分之一查 敵。 在 固 日 本爲 無待 進 言 口棉 出 矣。 口 貨第二大宗。 紗棉布之來路及銷數尤以由日本運來之粗 然。日 本 晶晶 在 一中國 島 進 國 盲 縱不 口 貨則 爲第 過三千餘里 ----大宗日本 横 紗布占敷為 不 ·過六 一紗布業。 百餘 爲 最 中 里。 國 境 巨。 內 紗

多 棉業 民 瘠 團 七不產棉 [結於下。紗業公會督促翼扶於其前後左右三十年來日本紗廠用花] 國 冠。 其國 其 人民 所紡粗 類以 2秒取材於2 生活 者數 印度棉。 十萬 戶。 事 細 紗 在 人爲。 取材於美棉埃及棉! 地 理固 不足囿之我 因政府提倡於上商 之數竟 國 土 地所 爲 全球 在

棉。 乃 不 加 研 究致 出 貨 日 趨 於惡 劣自洋 紗 布 入 口 以 後手 紡 土 一紗及 手 織 土 布。 相 形 見

椗 利盡被攫比年以來內國 僅 抵 日本三分之一。以 一紗廠 此例 布廠。 彼。 陸續 知 我國 添 設然吾國人民總數多於日本八分之七。 紗業前途正多發展餘地。 布業 前 途。 亦 復 出 類 紗

資 本 欲 家 發達 與 有 志 內國 振 典實 紗 布 業。 業 根 者。 對 本計畫固在乎農家 此 有望 事 業。 當 出 改良棉質而 其 銳 利 之眼 尤 光。 靈 在乎廠家 敏 之手 改良工 腕。 擒 此 作方 時 機。

癋

共不 吾 備 與 如 政 何 百 X 款 府 不 幸。 減 挹 採 燕 此 啦 廠 製 注。 用 自 造 獎 謀。 以 肵 費。 維 而 有 勵 保 後 事 如 市 機 也。 何 况。 育 答 木 減 政 此 策 少 艺 朽 政 外 耗 焉。 mi 府 弘 廢 出 人 肵 代 正。 宍 料。 口 有 爲 紗 如 事 捐之免除。 謀。 空 何 世 集 於是 則 研 思 究 風 廣 至。 有 益。 進 內 厰 設 以謀 管 力 彩 口 誘 伸 紗 理 事 捐 引。 展 法。 芝 業 若 推 如 發展。 干 加 廣 何 增。 度 得 銷 路 數。 如 出 人 之 何 統 於 外 患 計 力 我 心。 難 報 退 腹 如 地。 縮 相 告。 何 就 扶。 若 盡 以 以 于 促 近 人 免公 度 競 供 數。

吾 創 殆 布 業 促 廠 設 吾 廠 中之警鐘 慾 場 紗 望。 於 布 業 鳴 我 呼。 振 境 之 明 内 奮 聴勢鐘。 之舉。 之警鐘 鏡 也。 Ė 擴 資買 不 不 平。 足以 抑 僅 於 示 此。 萬 我 破 我 妖 不 紗 里 自 夢。 Mi 布 業 拔。 不 遙。 臨 利 有 而 明 航 病 有 之明 鏡。 利 線 用 始 不 足以 鏡 外 有 資 自 乎。 乏 以 照 曲。 玥觀 凝 姸 閱 願 此 媸。 之是書 人 書 此 得 而 日 所 知 本 固 乘 海 紗 權 不 布 而 僅 業 起 在 吞 握 爲 倂 之 書。 紗

必 欲。 定 生死 於 條 件 以 内。 有 契約 即當 確 守 閱 此 書 IIII 知 合 同 訂 立 之宜 愼。 去 土貨 之東

倍 拒 如 許 各 精 貨 新 神。 2 市 侵 場。 閱 略。 此 此 閱 書 **書而知國民宜勇於公戰樂於輸餉投機事業原不** 此 而 書 知 貸 mi 借 知 带 金 鏠 稅 2 不 權 可 宜 __-接 日 濟。 不 除。 不 站 外 貨 公 積 不 折 可 舊 ___ 之 日)堅築 郸 縱。 出諸大商行。 根 經 基。 番 度 之痛 凱 闊此 奏。 苦。 必 振 書

何業。

皆

行

載

此

爲

堅

結

國

加

時。

辰

商品陳列所序

生産 家與工業家雖富有供給之能力苟不得消費者賡續不已之需求則生產者行將立類 舉 在各先 品。 國 困境且消費者未能 進步實爲商業家應盡之天職而商品陳列所實爲一切出產品改良策進之動機此舉也。 進農工業發展之大願苟生產物不能乘時演進商業且因之不振焉商家之命脈。 展言之商家實處於非常重要之地位雖然物競天擇最適者存不適者廢商家雖具 家之富 也。 然則對於商品之如何 者與消費者之間不得不重有賴乎流通百貨之買賣商由商人助進 本 進國 所組 源。 爲習見之事。在我國則不恆見以我國商界中人出全力以經營之則 織爲時已閱五六寒暑。今方告厥成功。 繫乎生產生產之大別有二一爲生貨卽農作物一爲熟貨卽工藝品農業 一一分別求之生產者生產者亦未能 :因時以 改 、善如何 推 陳 而 本所組織之手續從此告竣而 出新比較之研究之以 一一分別致之消費者於是乎 促農 國家 產 生產力發 内國 尙 旣 屬創 有助 在 於 商

切產品之演進則從此開始焉謹就鄙見所及者約舉如下。

常需要品就地供 無聲無臭之地者所在都有。一入陳列所凡有目共賞之物自然不翼而飛拓產地之富源。 仮 內 地一 切適用之出產品得方便推銷之機會。 給無處滯積於推廣銷場罕能注意以故雖有多量適用之物產埋沒於。 我國農工業家向恃生齒之繁多日

增市場之光彩骨於是乎肇之。

最便宜 之閉門造車。不問大勢之所趨我行我是。坐失機會而不悟縱遇勸策而不信者。至相形失 品品 物未備凡各國天產品人造物之足助彼國農業工藝之進步 色之下不待誘掖而自知改弦易轍且同時以入陳列所博覽故或於朋好閒周諮 振作生產界之遲暮氣行將 三因附列之參考品喚起生產家奮鬭之精神。 在。 一出品家 陳 比 之擿 列所以宏激勸今我國農事衰微工業幼稚逐漸 之原料產 有 城索途 茅 得不力謀议良之趨勢。 地最便捷之製造手續比較研究一反掌間開未來出 者。 更爲 直 捷 轉而爲春夏氣矣僅舉此落落三大益以爲到所參觀 而 有把握。 物質以比較而優劣見造費以減輕 則 內國生產界因缺 各先進國當國政革新之始草昧初啓百 羅致各國精華以資考鏡。 欠而 者百方羅致之充實彼 知愧奮因愧 品品 上隆運者 而推 奮 則 故探悉 行易。 標 而 有之。 準 國 力 商 圖 向 具

君子告知识 我 中國 諸 切 事業將連續而進勃興之軌道不禁對於我國生產界前途歡欣鼓舞拔筆而 君子將因此而引起無窮之興味我中國生產界必將由 此陡呈活 動之氣概。

農業問題序

西 梗 苟 實 不 之且邇來兵匪殃民到處皆民不聊生多少之嘉禾且鞠爲茂草焉以農立國之恆言按之。 克暢行無阻各工場有同憾也況乎南北操同室之戈貨客停止裝之電外商挾國 無隙 足各工 際幾幾乎等於夢想矣海通以還舶來品充斥各市場識者憂之起圖工業。 阻 力東侵於今爲烈以經濟政策滅人國至近頃而其禍害已暴著雖然穴空斯風至在我 如 可 故 場有同 乘外力之環逼不難自我解除也試返觀內國情狀民智之窒塞如 也悪稅之束縛如故 病 也管理人才之缺乏各工場有同 也。土 地雖肥沃天產雖無量吾人不善於發揮而不克享用 慨也運輸事業未發達。 然而母 故 製 心交通之 出 熟貨。 金之

力以包

國 圍。 之說。 原 / 料 受 他 亦幾幾乎徒託空談也人競私圖三數以外無團結羣趨幸獲責任所在類 人之壟斷已成之局支持之力垂窮推廣之圖進取 之機實遠然 無以工 輕拋。 眼

之說。 光 如 秉筆 豆。 心量若沙。 之士方爭辯於日報之上亦徒見其辭費而 如 此民族安得驟然 與語立國之大政方針乎然 已夫農工百業之成立。 而以農立 有 國以工 多 種 立 繁 複 國

之因 近 圖 平 實地 集 緣。 國 内農業 境界與 之設施微專家其誰 專 家研究農業各問 切境界相關聯安得如行文者之斷章 與歸。 東南大 題夏然成互 學校農科主任鄒子秉文農界中之績 一帙詳論 農業問題之範圍。 取義以孤行其是者爲 世 界各 圓滿 國 學 士也 五

革。 年 内農業之進步我 作物育種諸問題。由棉稻豆麥而及茶糖絲等大宗產物如何發展之方法次及園 中國農業問題之重要及改進方法。 次及維持地力農作制度農 具 改

牧、 森林墾荒 等種之要舉。 义次及水旱等災之救濟方 法蟲害及 各種植物 病 害 Ŀ 切 損

不 之防 收農業主義救時主張之貫澈厥惟以此著爲嚆矢如斯精密之研究及妥善之設施發 止。 而終 之以 農業 教育農業經村生活農業 行政諸 問題。 應有 盡 有。 無言 無美

地 利。 增 殖 天 產。裕 民足國 根本之圖盡在於是焉雖然以此方法治農固宜。 治國 亦 何

旁通 不 焉海內有志振興農業者得此良導不難貫澈其農業救時之主張有志救國者得此。 水賢俊爲民造福屏斥僉壬爲國除蠹循培佳種絕蟲耗 爲 力求普徧 在卽爰爲序癸亥否極泰來日。 而言之政治淸明尤爲要點蓋政治淸明而後凡百設施庶克有濟化軍械爲農器轉私鬭 然整頓積弊凡百庶政使上軌道猶治田也培養民力獎進保育不尙空文猶施肥也旁 共濟夫然後農工商百業率循專家之指導而立躋於發皇之途矣農業問題一專出刋 於國 事作圓滿之研究爲扼要之設施就各各方面盡其救國之天職夫奚不 也經濟之急謀調節也種種患害之預籌防範也準是道以行之無不細大畢舉。 也其餘一切立 國 大計若教育 可 者。要 觸 類

太平洋會議之參考資料序

希望此會議之成功。俾向之受屈於巴黎和會者。得直於此會議。在我個人私意未嘗不希 太 平 洋 會議。 將於 本年十一月十 一日開會於華盛 頓我國 人以 無限之熱望。 無限 之同

猶背 其 日之巴黎和會也我 如是然試一曠觀國際間大勢則又不免令人不寒而慄今日會議之受燥縱於五大。 東鄰日本之用心其周 且密決非我 國 政府 之比對 英 則 力 求 其

決 親 而 也。山 善。 我 對美則· 則 如 東問題之提出要求直接交涉也皆彼之所以預爲地步求勝於太平洋會議者 何。 舉棋不定之政局。 力求其諒 解對我則力試其誘 政府自 [身。 日 9.惑日英同 在飄搖風雨之中羣逐逐於己身之權位 盟之延期一年也雅迫島 問題之解 問題。 也。

焉 正 以太平洋會議爲我國生死存亡之所繫不可不愼重 知 他 人之 將 宰割我· 也我 爲此言非欲以灰我國 人對 討論慎重提案以免蹈巴黎和 於太平洋會議之熱望 一與同 情 會 也。

之覆 之同 轍 盟 也此屆會 國。 在 我 萬 議關於我國問題以英美日三國 不 可提 出 有損 於英之體 面。 或利益之問 關 係爲最切美 題。 以傷 英之感情。 與日 爲 對待。 以 堅英 而英 日之 爲 日

聯合。 審判。 在 不但對英卽對我東鄰之日本亦萬不宜以控訴態度訴其罪於太平洋會議以求其 我個人 私意我國對於太平洋會議之第一要着。 在力謀英美之攜 手 英日 今後 如

再 要英既有於 續 其 目 的 脫離同盟束縛之意自無助日之必要於是我可以至誠之態度懇切之言語。 必在 對美英美 若能攜手則 日英同 盟延期 至 萌年 七 月白 無 正 式 繼 續

有机 文錄 上卷

或 提 陳 心邦人君 之 出 說 4 我 國 線命脈尙可繼續保存以謀逐漸之發展於將來此我個人對於太平洋會議之意 我 與 國 子或不以爲陋而有所採擇則幸甚矣。 政 國 際間 治 的 獨 和平之關係及某國侵略我國之行爲足以危 (立與經濟: 的獨 立」之議 案以求 列 國公道之承認果 及國 際間之和 能 如 是。 平。 則我

談氏三元地理大玄空實驗序

見

學爲 宇 以 機 敵 宙 以 探物之微吉凶禍福緊焉際此科學昌明時代形形色色未可盡述苟能善用之則假汽 間 、駛潛艇 形 、虛無飄渺之談不加深究未可也英儒柯能道爾有鑒於此覺世人心靈日益汨沒因 森羅萬象竭吾耳界目界思想界之所至有二大原則焉。 而 下 -學由物質 以 摧 機堅於人 力以利交通於人類生活固大 方面。 道 以窮物之源聲光 主 義。 不免大相背戾耳處世 化電 有利益存也若不善用 屬焉。 心靈學為 者 如祇 日科 形而 科學 之可 之則 上 學一日心靈 學。 貴。 駕 由 飛 精 而 以 機 神 學。 方 心 以 靈 襲

故。 倡 不 過流 靈 魂之學以冀 於巫 史卜祝 挽 之類初未有 回於萬一當歐戰時代受科 澈 底之著述 以餉世人今談 學界之摧殘已極此 君 養吾好學 說 乃 深 大 盛。 思。 試 歎 推 人 心

獨 不 闢 古。 異 蹊 說 徑。近 橫 成 流。 大玄空實 更 進 步。 驗一 丽 研 書。用 究術 功勤。 數家言若陰 用 心苦。 医陽若五行。 蓋 欲發明 吾國 (具有 固 心 有學 得。 而 說。 於 以 形 救 法 濟 門。 人 心 尤 能 耳。

余 嘗考古者葬不擇地時及晉郭璞 曜。 XI. 一家。至 乃 有葬 地之 |松有天玉| 說其所著青囊經中具述 一卷。 專· 陰陽順 氣。 逆。 九 星

化

辨

山

【水之貴

賤

吉

始

成

爲

唐

言

理

以

天

星

桂 例 生尅 一吉凶 爲 主。 於 个言 理氣 《者均宗之》 楊筠 雖 然葬者 藏 經 也。 內傳三 人 稟天 氣 以 生。 死 必歸 於 地。

矣。 蓋 先 人遺骸忍令委棄但求避蚊 人之經營窀穸者。 不 必過 泥 水而已者必欲得牛眠之地龍耳之穴以爲子孫榮華計。 右虎左龍 藏風 聚 水之成 見祇 求 心 地 光明。 則 自 有 福 謬 田

使 以 乎。 應 之。若 叫 知 心 禍 地 腷 齷 之 來。 嬔。 由 則 於 雖 人之為 得 福 田。 善爲 亦 非 悪所 所 有。 致。 不 因 觀 果 夫 孫鐘 關 係 未 孤 可 孝 勉强。 而 致三 也 仙。 投 龍 身 圖 祉 酷 會 虐 事 Im 業已

久。閱 而 談 人 君 Z 書。 慨 適 成 心 於 術 之壞。至此一 此 時。 其 有 功於 而極 (世道 得 人 心者 潛勢力以 匪淺余喜其宗旨相符故略 矯正 二之驚醒 之正不 申意 知伊 見於 于 胡

蘓 初 文 銤 Ŀ 米

二百十二

此以弁其首。

地理辯正談氏新解序

亦莫不 資 星以 天 地 有 氣 道。 生。 也。得 有 未 間。 說。 地 嘗緣 大氣 以 互 知 無 不 天之氣。 乎。 非 載 範 相 過 之。 **嵐於此** 綜 絪 得 此以求富貴而福 推 則 錯。 縕。 無 測 此 孝子 爲陽 變化 氣 用 知 中且知日 地地 氣 有歸 奇 順孫之 前已。 數 無窮。 爲 有靈 宿 耦 剛。 聖 得 矣。 日月星辰之麗於天。 故 數 心理。 佑爲 。 曰 此 地 以 其氣 人 之氣 交互 乃 氣。 無靈也。 後 仰觀 上騰得 人計 非 亦 推 1 者 無 俯 算。 然一陰 往不 察。 耳及晉之郭璞因葬母而著 地 可 地 而 以 以 之氣爲陰爲柔。 後 因 **葬其** 善其 得天之氣 在。 兩 天 有 理 儀 陽。 (生死者) 親。 天 明。 而 以發 旣 生 地 闔 也山川草木 無 道 四 以妥慰 之。則 可 故 象。 顯。 以善其 以其氣下 人 闢。 由 紀 四 氣 四 先 時 立。 象 可 - 凝天之氣 之附 死。後 靈。 流 於以運行萬物 卽 而 青囊經 生八 又 動 萬 世人 矣。 於地。 無 事 以 卦。 萬 以 士。 盡 亦得地之 無 取 人 物 傳 創 寄 往 Z 五 愼 終之 世。 不 妙 地 居 行 於 理 在。 理

肯 想深 惜 青 授 實 鼚 乎 ,茫茫千 奥未 (験等名) 祕 人 者。 訣。 易了 有 洞 |著出 餘 悉陰陽原 解証 车 知 間。 半 世。 意此 以昌 能 解。 挾其 理。特 知 明 此 書 著 術以 絕 理 學。近 者 地 出異說識起有僞托古書以 理 爲 極 復繼 辨 鮮。 餬 **今者談** Ī. 口計 授諸 蔣章溫三氏成 者謬種法 君養吾精 其徒曾公安於是障翳都 流傳莫衷一 参古 地 理 衒 學發明玄 辨 人 者。有 Ī 是至唐有楊 新 解 自 謂獨 空 消。 **書**。 妙 理 璭。 氣 松 得 Z 挨 筠 曾 祕 星 有 說 氏。 詇 元機 大 闡 大 而 玄

之著是 陰陽 妙旨。 書 得 也。 以盡 未 肯 鄿 洩 無遺。 易 授 遇 人。 有深文 蓋深恐不 奥義。 得其 亦幾經刮 人。 不 能領 剔。 疏解詳 悟空處真 明誠不 龍之理陰陽 愧楊 功 臣。 衰 雖 旺 之 然。 楊公 氣。 非

徒 其 徒 無 告 益 誡。 於 爲 世 世人警惕者 人。 反 而 有 干 天譴。 也余願世之爲子弟 所以 天 王 經 中。 者。 有 勿拘泥成法。 若還 求地 不 種 若擇地嚴趨避 德、 穩 口 深藏 舌之 愼。 機 定 方位。 語。

辨 關 生 尅。 旨。 然 安排龍穴配合砂 恆 有 稍 不 經 意。 災 水。 卽 禍 立 可 有富 至。 貴 有謹 樂華 愼 之望。 將 事。 發達 亦 不 可 可 期。 過 以 於 是 忽視。 淺 見者 以爲 是術 流。 幾 疑 數 家 爲 神 祕 無

不 求 廣 可 思 種 議。 田。 往往忍令暴 [善根深] 植。 骨移 則 神 和 骸。 之氣感應天 而 有不 圖急葬之害實皆非 心 示 必尋龍認脈而 也語云。 靈 漏 氣自 福 一然發 無門。 惟 露 所謂 人 自 但 人

蒋 初 文 錄 上卷

百十三

然

二百十

自 有天 則天果無知乎地果無靈乎當還叩諸 相者 非 飲養 平日間 不 思種德惟向堪 輿家求全責備雖郭璞再世亦 田。 無法以處此。

人人之心

太 **虚法師講佛學記**

問(二) 事業不能廢止斯不能不受諸種業緣束縛吾人如何乃可解脫業緣避去煩惱而

修養· 身 心乎。

答(一) 覺 以 世 悟不爲 一欲去業縛故途因噎廢食並此應幹 人的 澈 世 本 間 دیاد 虚 切業緣和煩惱是由於虛假的意念迷住了本 假 事業是人類應做的職務。 的 的意念迷住了 無 上 法門所以吾以爲 本 心則業緣末由 衣食問題胥惟是賴 的本分也廢止起來這層是大家所 世人只要能 而生。 夠歡喜念佛解得 煩惱 心乃相生相演而成世 不 所以吾人必得各盡 滅 自 滅。 佛學是教 佛 學精 應知 義。 人苟 道 則 人 世 一務不能 去 的。 事 一念 業 迷 抵 儘

管經營煩惱亦可自滅常人無所事事時恆尋種種消遣法如嗜酒的飲酒好打球的打球

之類。 消 問 的。 不 遣 爲 但 物 法。 此 刨 役。 世 出 類 間 無 消遣。 所置 至 習 誠 慣 心代之以 一礙時。 實 上 際 的 上於 膜執認佛學是教 則 觀 業 念以 學 障 身 心未 佛。 爲 本 精 Ė 學. 見有多 佛者 進 無。 一 弗 怠。 煩 須 悩 大益 久而 得 何 解脫世 由 處。 的因 生真 久 之。不 意倫 務。 之大家淡然視之有時還要妄加 IE 一快樂 難 聲匿 返樸歸 能 利 在 跡隱藏於深 用 此。 時機以 真。還 修 養 身 吾 心 其 本 之道 山 所 心。 叢 最 到 飲 林 亦 得 去 喜 此 處 心

蔑。

未

識

將

何

詞

以闢

之。

故其

1

中

有

層

隔

人消極

答 學佛。 佛 息。 夠 7 就 天 事。 致 世人 生 飯 是 月. 而 事 此 必 出 斯 佛 想。其 業 附會佛教是消極 得 世 爲 教 與 IE 說 的 所 法講 實 學 當 消 謂 佛 大 極 미 布 謬。 並 經盡覺人之天 觀 知 施 念了。 要知 學 行 波 不 羅 佛 的 世 悖 今 密實 初 間 心 刨 的 不 理大約是鑒於以前學佛 必 本 關 不 以 (職化飯) 有現 係。 限於何 從 出 頃 棄 家 三略 成 在 世 佛 界何 逃 以 家 比較 俗 餬 說。 法。 八是故行 衆 其 出 做 口蓋亦猶古 家 論 起。 生 只消 祗 者 之 欠一 出 果 是 者。 有餘 從 家 人之不 大都隱跡山林。 學 現 在家人之應盡 覺。 今 致 佛。 力。 愈 所 但 則 趨 應 在 處 有 終 家 處 的 愈 天 遠。 者 行 職 念 與 亦 位 甚 一天 /便。 念 且 世 未 上 不分吃。 認 嘗 做 佛 無 定 號 去 不 就 算 學. 可 無

蘊

者 暳 真 他 無 旨。 道。 累。 但 懹 者。 若 能 着 力。 相 如 # 在 舉 不 義。 自 于 人 再 各 做 則 故。 佛 世 人。創 之所 從 從 利 官 準 間 講 作 眼 是 旁 利 的。 到 所 物 原 視 以 某 歡 他的 以 質 則 之。 佛 有 有 言。 喜 種實 虚 皆 膜 無量 的 的 教 菩提 學佛 贊 的 视 奴 職 其 業則 岸為 助。 律 數 積 佛 僕。 位.。 做 這 官 平 升 教。 則 心。 極 脚 正 是 34. 則 是 因 等。 處。 實 踏 沉 的 成 皆 六 尤 出 提 實 本 極 崛 而 於觀 得 IE 分。 道 非 佛 平 地 m 有 常 以 以 具 淺 果。 做 易 मा 任。 成 見者 衣 操券 念 É 去。 利 的 舉 有 佛 各 溫 事 的 性 然 國 人 的 覺 充 體。 根 所 根 能 而 食 人 福 本誤 飽 其 待 祇 所 基。 的 民 知。 成 苦提 佛 也。 要 者 能 以 生 功。 爲 會考 故 門以 他 人 义 極。 物。 極 臘 做 若 若 類 佛 雖 志。 樂 心 的。 其 門 蟄 腸。 爲 各 千 至 弗 渡 佛 觀 盡 若 宏 盡 士。 人。 打 國。 作 飛 念 得 爲 絲 願。 蠕 設 不 IE 此 農爲 一。 誤 立 在 動。 患 破 毫 皆 切 衆 會 利 在 甚 利 的 布 無 $\ddot{\mathbb{I}}_{\circ}$ 害 至 的 分· 職 施 生。 工 乘 了。 機 微 由 褟 爲 損 業。 脫 厰。 的 提 來祇 纖 離 於 商。 X 各 真 則 頭。 撕 發 賴 不 義。 種 使 的 此 亦 貪 之維 因 吾 此 復 真 能 種 衆 亦 生覺 苦 瞋 未 如 以 小小 正 卽 人 是。 吾 厄 明 毫 想。 肉 的 可 持 要 爲 佛 以 時 眼 善 佛 生 無 宗 之。 刻 見 牽 速 教 知 利 心。

問

頃

、聆高

論

大啓

愚

基

山

知

學佛是自

救

救

人

最

積

極

的

無

上法

門。

惟

世

人惑

於舊

說。

超

生

海

m

登

彼

惟

責

則

其

純

主

積

永

不

消

極

的

真精

神。

於

斯

山

見

斑。

以 爲 Ż 佛。 則 六 親 不認。 父母 都 棄是故 衆 人 認 爲 學佛 是 八背孝 道 的。 向 苔 其膜 視

的 心 理。此 蚁 亦 一原 因。 敬 問 如 何 以解釋之方。 [n 祛 除 衆 執。

答 父 範 之狹。 報 報 日 宏 恆 澈 之道。 闡。 能 親 底。 願。 令 河 奉 不 扩 云 之之例。 世 處 义 沙 孝字 云只 養日能 外 數 處 義 μŢ 親 何 Z 謂 能 思 以 不 如。 孝 限 含 隘。 夠 歴 मि 然 總 m 矣。 久而 奉 有 計 於報 之。 爲 則 世 止。 養 廣 對 並 親 極 何 佛門之視三 今身 吾 於舉世 父 狹 恩 的 1 不 如。 忘。 爲 母 衆 1-何 人 珳。 爲 日能 自 懷。 生 的 於 推 中。 廣義 生 父 生 頂 何 亦 過 一界衆 處 不 爲 三靈所發之菩提 母 及 在佛門視 去 前。 改親志立 狹義 恩。 處 踵。 能 世。 的 莫非 孝。 至 生。 以 下 夠 衆 於 刨 不 的 而 無 之。 忘 論 就算是孝了 生 未 佛 歷 父 孝。 門 千 排 盡 來 親 卽 其 有吾前 心。 萬 之遺 恩於 世 爲 世。 往 中 刼 間 披 樂 所 無 講 來吾 所 如是如是贵 土 賜。 毛 不 死 講 爲 容 **嬷尤其是欠** 受 世 者 後。 戴 又儒 禱。 恩 億 括 是。 的 省 角。 是。 兆 佛 何 前 無 此 在 八其言孝 等深 論 豕 家 賜身之父 内。 世 之言 凡 所 們 有 其 親 自 倡 缺 認 恩。 重。 對 爲 ·孝 云。 於 範 孝 爲 曾 不 昆 無 而 未計 滿 生 蟲 圍 母 之範 天 始 所 耳 在。 足 以 經 螻 Z 以 是故 廓 的。 報 的 蟻。 及。 地 來。 圍。 存 Ž 義 父 要 大。 升 不 此 則 母。 皆 其報 者。 僅 其 降 的 垂 其 無 難 在 以 孝 循 所 僅 教 改 範 之 恩 僅 圍 於

反 而 棄 芝不 顧 忘 恩背 義 的 麼。 世 人執 迷莲 須 以 此 解 之。

問 自 己旣 四 向 不 能 者 以 我 衂 身 士夫 作 期。 尚能 致 衆 以儒 行 無 教道德之說領: 軌。 八慾橫 流滔滔滔 袖 英 羣 之能 栾。 爲 禦。 治 國 此 規 時 範。 會。 मि 要是希望 是到了 晚近。 望 澄 清 亂

源。 惟 有 待 諸 佛 教。 遍 施 點 化。 故 拙 見佛教 及之在今日即 匪特 有 不 能再作袖 丁 **旁觀** 的 態 度。

且有不能不越俎代儒之勢法師以爲何如。

答 可 說 四 得 誠 舉 然。 # 佛教 倫 理道德之說如)所倡因: 果 說裨益: 無 與 其 世道 匹,而 其 人 心處甚 切合 事 大。 理。 八此乃儒 圓 通 精 妙。尤 者所公認至其 非他 教 所 範 叫 及。 圍 的 他 廣大。 種

全 有 階 力 的 級 之限 主宰。 度。 就 是世 弗論。 界上 而 人類以及事 且. 頗 有 顯 考 的偏 事物 物被所創 見。好好 似 人 類 造被所主宰 之爲 人類。 完全是立 的 上 帝。 於被 細 味 其 動 意。 地 位 含

教。

事

理

毎

多

說

不

通

處。

如

基督

1教之改

造

人

心立

說

云。

(三吾人:

的

上

面。

冥冥

中

有

個

萬能

的。 帝 要 他 們 怎 樣。 他 們 便 怎 樣 了。 據 此論 之。 V 類 所 作 的 善 惡行 爲。 都 非 L 類 本 小。 自

過 的 要做 失。 人人類當 得 如 然可 何 如 以 [n] 不 可 知。 負何種責 若 再嚴格言之意 任然則試問萬能的上 可說 人 類 行 爲既非 帝。 爲 何不 出 於自主苟 以其 全力的 使造 宰 成 種 使 種

種 人 們 敗 德 個 的 個 事 向 情 善 呢。 呢。 其矛 爲 何 盾 不 之 先 點。 預 灼 防 然 制 п 止 見。 人 這 們 是不 的 造 能 業 爲 行 爲 諱 的。 呢。 若 叉 夫 爲 佛 何 教 放 所 任 倡 人 們 的 因 去 果 做 定 出 律 那 則 種

此。 否。 其 並 無 定 所 不 謂 易 奥 之 妙 存 理。 是 平 中。 永 所 遠 顚 以 撲 種 不 何 破 種 的。 因 何 於 以 先 故。 者。 蓋 遲 早 種 因 必 結 下 去。 何 自 種 然 果 於 結 果 後。 雖 出 來。 念之 事 物 微。 公 而 例 無 如

於 不 數 種 因。 無 不 牟 結 後。 果。 因 因 果 果。 中。 不 顯 爽毫 作 釐。 用。 速 者則 此 、果成 於 刹 那 間。 因。 可 於 無 眼 前 見 之。 果。 遲 者 則 者。 果 成

4-

百

或

未

來

世

仍

其

觀

則

可

知

種

下

何

不

結

出

何

所

差

不

律 過 則 遲 能 與 之所 早 Ż 以 者 間 仰。 明 因 甚。 其 世 間 生 滅 諸 變 種 化。 間 題。 自 然 Ŧ. 端 制 裁 萬 如 派。 竿 有 見 非 影。 平 如 常 響 道 應 德 聲。 範 圍 切 所 世 可 業。 囊 終 括 不 者。 能 而 越 因 此 果

範 圍。 世 間 尊 嚴 的 法 律。 與 衆 口 的 輿論。 是 用 以 保 障 人 頮 安 寧 的 種 規 範。 這 是 誰 也 知 道

軱 的。 則 人 要是 剝 奪 自 生 存 由 在 權。 世。 重 則 則 剝 必 得 奪 生活 循 此 軌 權。 處 範。 要是 置 一之嚴。 不 循 大 有 此 凜 軌 然 範。 不 則 法 叫 犯 律 之 與 概。 輿 論。 以 故 就 隨 人 類 後 Ź 要 尊 來 丽 干 涉。 視

不 可 也 謂 好 非 옗 是 法 大 律 家 與 所 輿 公認 論 的 功 的 生存 效。 然 信 mi 此 條 猶 然 恪 有 未 守 虚 惟 善處 謹。 不 荷 敢 有 抗 人 違。 於 人 此。 類 Ź 旦 得 忽 以 然 生 灰 存 心 而 相 以 安

甉 初 文 鎓 上 卷

還 之 做 縱 條 樣 不 不 卅 來 其 神 前 起 要 業 身。 心 力。 有 火 做 多 好 是乏 念。 歸 起 來。 種 生 識。 過 莊 則 因。 是 以 任 到 來。 並 善 生 啊。 麽 而 則 滅 效 凡 性 味 受業 且 因。 爲 不 永 相 力否。 是 隨了 蠢 無論 就 息。 永 死 續 的 的。 之後。 奉守 輪 亦 的 世 作 使 報。 不 你所 輿論 你 危 人 何曾以其 迴 滅 窮 出 甚 必得報 六道。 的。 一麼天 的。 慘 所 放 生存之信 不 是故 還 種善 想 刨 麽。 任 絕 得 受 使 日 大 有 對 不 肉 絲 秱 轉銷清夙 你 覊 的 因 否 不 到 形骸之暫 的 種 身 以 否。 毫 許 事。 何 條 的 是不 苦爲 雖一 多 **兵用** 爲 種 世 功 做 行 少而 善 造 間 用 的 爲 死萬 業 報。 時 畜 諮 否。 法 行 自 來。 毀滅而稍 使你獲多少 而後 照那 死了 生。 惡 由 雖 任 而 爲, 業。 生。 善 爲 有窮 性 的。 mi 已蓋 報 麽說。 之。都 羽 一死 他 的 因 類 竭 心 偏 之不 自 作 削 至。 減 爲 識 起 失效 便 偏 世 山 就 其痛 的 蠕 間 卻 者 卽 違 冰 願 Ŧi. 之時。 善 使 動 不 乾 衆 逆 再 消 人 苦的 報。 你 之 如 死。 淨。 胡 類。 -}-瓦 生 或者 蜉 是。 作起 既没 不 可 不 而 悪 人 解。 報施 蝣。 過 是 於是不 死 來。 願 因 世。 使你 · 來。 到 有了 做 爲 後 銷 因 果 任 並 呢是故 微 復 果 律 人。 滅 卽 性 此地 將 有 定 細 存活 破 而 了 制 的 幸 之 來做 律。 虚假 因 來 裁 壤 殺 而 果 茍 之保 生 身。 萬 步。 竟 人。 人 律 使 物。 來 的 縮 個 惡 類 充 义 較 衆 容 各 身 軀 不 障 生存 的 問 任 其 殼。 優於 容 還 你 隨 力。 生 無 法 性 消 你 眼 有 然 這 宿 律 的 極

蓋 眼 後 前 者 地 種 位 種 的 人或且使你得 果。 全 由前 者 種 到 種 超 因。 演 Y 的 造 出 地位尤善者或 來。 非 偶 然 以 成 且使你爲 的。 然 則佛 菩薩造乎其極 教 因果之 說。 的 而證 確 佛 爲 萬 果。

古 的 上 事 不 理。 易 知 《希聖法賢的 曉 之至 以 理。 己昭然 切 削下 膚 之痛。 愚 若 者。 揭。 積 亦不敢 至 極 方 其 面。 與 則足以 爲 世 非作 道 人 悪。 勉 小 门 人為 之 兇 關 善消極· 者 係。 知 亦 所 非 方 懼。 他 面。 貪 教 者 则 所 知 能 可 所 以 及。 惕。 戒人為 풆 觸 因 果 目 驚 恶。 說 中人 以 心。 遂 必 各 及 有

不 經 盡 敢 窮 情 惡以 闡 發宣 逞。惜 傳。 致 平 向 世 人 來 疑 那 管 般 多半。 Fil. 佛 仍 的。 動 不 免盲 輒 去 尋 種 惡 那 隱 因。 mi 居 演 生 涯。 成 今日 不 與 痛苦 世 務。 之惡 m 因 巣。 果 而 定 理。 而

佛 問 教 五 任 務基 佛 學 之在 重當 今日。 然 不 誠 叫 效法 有宣 從 傳 前的 昌 明 學佛 乏必 者徒計靜· 要。 惟 如 何 r[1 Mi 樂 可 趣。 使 抛 ____ 般 卻 應盡的 普 通 人 起信 世 務 仰。 1 如 何 而

一一覺之渡之還乞詳爲指教。

答 難 則 五 雖 覓 得。 有 現今昌明 信 因 為 仰 之人。 此 項 其 佛 人 學的 實 不 過增 要務自然首 須真正明瞭 1 般盲從 先要使 佛學 者。 的精 人起信 究非 義。 根 與藏 本 仰。 之計。 但 是尤 經 的 惟 要的。 奥 是貧 旨。 莫如 此 Mi 後 項 足以 先 任 務 使 發揮 朔 的 理。 V 佛 才。 不 學 尙 然。

穊

於 的 被 妙 虚 不 難 假 脫 的 須 去 世 一旁通 其重 學。 和 世間 物 重 慾 迷 障。 學 的 術熟悉 嬔 而 使之覺悟。 力。 染着。 社 會情 籠罩着。 形因 須 倘能 為 確 能 世人 参透 實 見 行 其弱 解 自 的錯謬。 利 點 利 所 他 觀念的 在。 自 覺 因 覺 勢 他 利 迷 認都是由 導。 主 對 症 義 的。

像 未計 以 前 學佛 及。 與衆 者。 專攻 生不 ·生若何。 小 乘 法隱 感化上述云云是關 跡巖穴派實非所 於 取。 八才方 因 其 與 面 世 先應提倡之點。 隔 絕 的 太遠。 對 於覺 亦 卽 昌 世 利 明 佛 他。

學之重 務。 並須 要起 做 些社 點。 會上 此 外 爲 實 學 利 佛 的 者 事 業 所 纔 應 Uf. 知 如 顺 基 實 督 行 教 者。 學佛惟 的 致 力 種 心。 種公益 願 在 利 事業寓實行利 他。 非 惟 應 盡 覺 他主 的 義 義

於宣 傳 宗 教 中體用兼施其用意深足 取法 也。

問 步 老 法 師 設 立 佛 學院之辦法 與宗 旨 如 何。

局 定二年 影 響

「 年 半途 來 業。 奔 走 中 夏第 止。 南 比來漢皋得諸 北。 頗 班 想 從 卒業。 設 立 荷志 佛學 人士贊助 院 在 深造 爲 起 力爱組斯院院 者。 點。 則 由 漸 院精 推 行 修。 內現有學 佛 更下 教。 或 功 以 · 者 五 夫。 檖 緣 十 未 八 到。 人。初 或 以

化院 標的。 在造就 般稍 明佛學的普通 人才使出院後各依先覺覺後覺之本 行悉力 做

畢

明

可

留

更

漸

增

其

程

去。日 久熏陶效當 匪 鮮。 此 外 則 有佛學講演會以及佛教 學校等等之進行用意亦

佛 化 於 社會上一般普通

間 七 佛學 深湛微 妙。 非淺嘗粗解者所能貫徹精義今老法師定佛學院程度僅

不 嫌稍 欠 精 澈 麽。

佛

化爲

之方今國

力提

普及

國

答(七)現在 主循 昌明佛學的願望重在救濟人們太缺乏佛化的飢荒故求在短時 內教育家努: 倡平民教育從事舉辦義務學校志在 |期間音| 及

小 學的 程 度使不 識字 者略受些教育認識幾個 字 為 目的 者初無二致至中 大學的程

初不在 教育家普及教育之限度內的鄙意普及佛學亦然如是。

問 八 老法 師昌明佛 學 ,的宏願聞之甚佩拙見偷 在各大商 埠如滬寧京津一 帶。 多 立

規 模的 佛學院。 與武漢等處聯 成 氣請 各 地高僧及諸 大法師主其事預料成效 必

速。 行將 見 紛 紛亂 世。 變而 爲清淨 樂 土。

到 處 如尊 有他們 論而尤希望從各大商埠竭力宣傳到。 的 蹤跡。 經信奉佛教。昌明的效力當益倍蓰。 洋人方面去因爲洋 惟現在尚 人 現 少 此 占 「人類最 項啓 發

藕 砌 文 錄 上卷

學的

傾

洋 人的 (才去灌輸) 戰以還佛化漸見流傳至歐 佛化偷 得精通洋 土德國人士頗多熱誠研究佛 文而研究佛學 之士擔任宣傳便不難 向此正 達 此目 的。

漸 見蓬 勃 的 好 氣 象。

問

九

歐

答(九) 存 出家 大抵處境順遂時。衆迷往往不易覺悟及遭際乖逆乃豁然大悟如去夙障世 思想者往往而然德國的 傾向佛化亦復如是以其戰時受創最深故其的 人民 之覺

悟。 亦較 他 國爲 早惟向來正敎 未昌當 此 馬克低 貶得众艱難之會頗 有爲飢 火所 驅 妄造

擇 人而 噬之殺業以種累叝難於解脫之苦因者亦大可悲憫 矣。

問 <u>+</u> 國 中 連年擾攘民不聊生欲謀撥亂反正其惟望之普及佛法乎。

答(十) 此言良是現 在國 中尤 其 是水深火 (熱的諸) 省非厄於兵禍即苦 於匪患。 但 夷考

實。 則 以 佛化 尋受諸痛苦要是平日能 少及之區 居多 數。 罕日 沒有佛化無人爲之提撕警覺致一念之迷深 而不 反。

決 不 至於斯極可 知佛教誠爲調劑亂世之救時良藥實無疑 奉佛教沾潤法雨變化殘忍惡念爲慈悲心腸受苦

夠信

戈

相

(此稿由倪生兼涵記錄

杭 州韜光寺募 捐

勝 四 潮。 印 在 月雷 景 湖 此 鍊 之 勝 峯塔及蘇堤錢塘江等歷歷在目。 丹。 景。 中外 也。 故 唐高 韜 戚 光 宗 寺 知。 矣。 背 時。 離 杭 後。 有梵僧韜 城十 有 所 里許。 謂 鍊 光。 整壁 面 丹 臨 臺 結 西 宛然入畫鍊丹 者 湖。 在 廬。 焉。 修道 位 登 於北高峯 於此。 臺 俯 、臺有句云樓觀滄海 视 此 腰際 環 地 逐以 湖 浴有韜· 諸 名勝。 人著。 又故老 光寺亦 覽 月門對 無 西湖 相 遺。 如 傳 著 浙 呂 潭 名 祖

可謂

確

切

不

移

淸 醉 下 百 規 高 餘 模 注。 心 宗 其 尺。 犂 惠 聲 而 小。 南 泉 潺潺。 竹 年 下。 者 徑潛通。 久失修。 始 到 建 終 此。 韜 恍 年 光 然 不 淸 游 斷。 幽 人 寺洪楊之亂僅遺大殿其餘均 於天惠之 無 過 聽 匹。參 此。 此 咸 天 深惜之寺思 不 天古 籟。 足以 囿 木蒼 於 洗 周 隅 勁 心。 且 圍 矣。 可 人。自 此 地 有 澗 山 剛 遭刧 韜 水。 地 脫 光至 盡 經 數 火嗣 過 百 俗 北高 畝。 天 塵。 後 然 由 m 峯頂。 沙漏。 靈隱 逐 未 受冷 漸 修葺。 質 約 迁 空 淸 緩 五. 氣 百 而 致 而 餘 有 所 味 高 侵逼。 尺。 甘。 音 き 之 山 僅 日。 水 故 然 四

藕 初 文 錄 上 卷 冬溫

Mi

夏

凉。

雖

時當

盛暑蚁蠅絕跡晚間涼

爽

可用夾被此游

入最

好

休

止

息養處

也。

百二十五